

杜工部詩集

下冊

全二册·

號:10018.14

價: 2.80 元

杜工部集卷第十一目錄

近體詩一百四首

蜀相

卜居

一室

梅雨

爲農

有客

狂夫

賓至

王十五司馬弟出郭相訪兼遺營茅屋貲

堂成

田舍

進艇

西郊

所思

江村

江漲

野老

雲山

遣興

北鄰

南鄰

出郭

過南鄰朱山人水亭

恨別

寄賀蘭鈺

寄楊五桂州

逢唐興劉主簿弟

和裴迪登新津寺寄王侍郎

敬簡王明府

重簡王明府

建都十二韻

歲暮

和裴迪登蜀州東亭送客逢早梅見寄

寄贈王十將軍承俊

暮登西安寺鐘樓

散愁二首

奉酬李都督早春作

客至

遣意二首

漫成二首

春夜喜雨

春水

春水生二絕

江亭

村夜

早起

可惜

落日

獨酌

徐步

寒食

高栴

惡樹

石鏡

琴臺

聞斛斯六官未歸

遊修覺寺

後遊

題新津北橋樓

江漲

晚晴

朝雨

江上值水如海勢聊短述

送裴五赴東川

赴青城縣出成都寄陶王二少尹

因崔五侍御寄高彭州一絕

野望因過常少仙

寄杜位

奉簡高三十五使君

送韓十四江東覲省

贈杜二拾遺

高適

酬高使君相贈

草堂卽事

魏侍御就弊廬相別

徐九少尹見過

范員外吳侍御枉駕

王侍御攜酒至草堂便請邀高使君同到

王竟攜酒高亦同過

陪李司馬阜江上二首

李司馬橋了

少年行二首

野人送朱櫻

卽事

贈花卿

少年行

觀李固請司馬第山水圖三首

題桃樹

蕭八明府隄處覓桃栽

從韋二明府續處覓綿竹

憑何十一少府嘗覓橙木栽

憑韋少府班覓松樹子

又於韋處乞大邑瓷盃

詣徐卿覓果栽

贈別何嘗

贈別鄭鍊赴襄陽

重贈鄭絕句

杜工部集卷第十一目錄

杜工部集卷第十一

近體詩一百四首

此下在成都作

蜀相

丞相祠堂何處尋
錦官城外柏森森
映階碧草自春

色隔葉黃鸝空

多一作

好音三顧頻煩

吳作繁

天下計兩

朝開濟老臣心
出師未捷

一作用

身先死長使英雄淚

滿襟

卜居

浣花流

之一作

水水西頭主人爲卜林塘幽
已知出郭

少塵事更有澄江銷客愁
無數蜻蜓齊上下一雙鷗

鷗對沉浮東行萬里堪乘興
須向山陰上小舟

一室

一室他鄉遠

一作老

空林暮景懸正愁聞塞笛
獨立見

江船巴蜀來多病荆蠻去幾年千一云應同王粲宅留

井峴山前

梅雨

南京西犀一作浦道四月熟黃梅湛湛豔豔一作長江去冥

冥細雨來茅茨疎易溼雲霧密難開竟日蛟龍喜盤

渦與岸迴

為農

錦里煙塵外江村八九家圓荷浮小葉細麥落墮一作

輕花卜宅從茲老為農去國賒遠慚勾漏令不得問

丹砂

有客草堂本作寶至

幽棲地僻經過少老病人扶再拜難豈有文章驚海

內漫勞車馬駐江干竟日淹留佳客坐百年麤糲腐

儒餐不嫌野外無供給乘興還來看藥欄

狂夫

萬里橋西一

新一云

草堂百花潭水卽滄浪風含翠篠

娟娟靜雨裊紅蕖冉冉香厚祿故人書斷絕恆飢稚
子色淒涼欲填溝壑唯疎放自笑狂夫老更狂

賓至

草堂本
作有客

患氣經時久臨江卜宅新喧卑方避俗疎快頗宜人
有客過茅宇呼兒正葛巾自鋤稀菜甲小摘爲情親
王十五司馬弟出郭相訪兼遺營茅屋貲

客裏何遷次江邊正寂寥肯來尋一老愁破是今朝
憂我營茅棟攜錢過野橋他鄉唯表弟還往莫辭遙

堂成

背郭堂成蔭白茅緣江路熟俯青郊
欿林礙日吟風

葉籠竹和煙滴露梢暫止一作飛鳥將數子頻來語

鷺定新巢旁人錯比揚雄宅懶惰一作慢無心作解嘲

田舍

田舍清江曲一作上柴門古道旁草深迷市井地僻懶

衣裳襍唐顧陶作楊柳枝枝弱枇杷樹樹顧陶作對對香鷓鷯

西日照曬翅滿魚梁

進艇

南京久客耕南畝北望傷神坐一作臥北窗晝引老妻

乘小艇晴看稚子浴清江俱飛蛺蝶元相逐並蒂芙蓉

蓉本自雙茗飲蔗漿攜所有瓷甕無謝玉爲缸

西郊

時出碧鷄坊西郊向草堂市橋官柳細江路晉作岸野

梅香傍架齊書帙看題減晉作檢藥囊無人覺一云云競與

來往疎懶意何長

所思

苦憶荊州醉司馬

崔吏部

謫官

居一云

樽俎

酒一云

定常開

九江日落醒何處一柱觀頭眠幾回可憐懷抱向人
盡欲問平安無使來故憑錦水將雙淚好過瞿塘灩

瀨堆

江村

清江一曲抱村流長夏江村事事幽自去自來

歸一作

堂上燕相親相近水中鷗老妻畫紙為

一作成

碁局稚

子敲針作釣鉤多病所須唯藥物

一云但
有故人供
祿米供
爨作分

微

軀此外更何

一作無

求

江漲

江漲柴門外兒童報急流下牀高數尺倚杖沒中洲

細動迎風燕輕搖逐浪鷗漁人縈小楫容易拔一作

船頭

野老

野老籬前

一作邊

江岸迴柴門不正逐江開漁人網集

澄潭下賈客船隨返照來長路關心悲劍閣片雲何

意

一作事又云行雲幾處

傍琴臺王師未報收東郡城闕秋生畫

角哀

兩京同南都得云城闕也

雲山

京洛雲山外音書靜不來神交作賦客力盡望鄉臺

衰疾江邊臥親朋日暮迴白鷗元水宿何事有餘哀

遣興

干戈猶未定弟妹各何之拭淚霑襟

一作巾

血梳頭滿

面絲地卑荒野大天遠暮江遲衰疾那能久應無見

汝時期一云

北鄰

明府豈辭滿藏身方告勞青錢買野竹白幘岸江皋
愛酒晉山簡能詩何水曹時來訪老疾步履到蓬蒿

南鄰

錦里先生烏角巾園收芋粟栗一云不全貧慣看賓客

門一云尺野航魯直作艇兒童喜得食階除烏雀馴秋水纔深池一云四五

路相對一作送柴門一作籬南月色新

出郭

霜露晚淒淒高天逐望低遠煙鹽井上斜景雪峯西

故國猶兵馬他鄉亦正一云擊擊江城今夜客還與舊

烏啼

過南鄰朱山人水亭

相近竹參差，相過人不知。
幽花欹滿樹，小水細通池。
歸客村非遠，殘樽席更移。
看君多道氣，從此數追隨。

恨別

洛城一別四

三云

千里胡騎長驅五六

六云

年草木

變衰行劍外，兵戈阻絕老江邊。
思家步月清宵立，憶弟看雲白日眠。
聞道河陽近乘勝，司徒急爲破幽燕。

寄賀蘭鈺

朝野歡娛後，乾坤震蕩中。
相隨萬里日，總作白頭翁。
歲晚仍分袂，江邊更轉篷。
勿云俱異域，飲啄幾回同。

寄楊五桂州

譚因州參軍
段子之任

五嶺皆炎熱，宜人獨桂林。
梅花萬里外，雪片一冬深。
聞此寬相憶，爲邦復好音。
江邊送孫楚，遠附白頭吟。

逢唐興劉主簿弟

分手開元末連年絕尺書江山且相見戎馬未安居
劍外官人冷關中驛騎疎輕舟下吳會主簿意何如

和裴迪登新津寺寄王侍郎

王時牧蜀

何限

恨一作

倚山木吟詩秋葉黃蟬聲集古寺鳥影度

寒塘風物悲遊子登臨憶侍郎老夫貪佛一云云賞日
隨意宿僧房

敬簡王明府

葉縣郎宮宰周南太史公神仙才有數流落意無窮
驥病思偏秣鷹愁秋一作怕苦籠看君用高義恥與萬人同

重簡王明府

甲子西南異冬來只薄寒江雲何夜盡一作靜蜀雨幾

時乾行李須相問窮愁豈有自云寬君聽鴻雁響恐

致稻梁難

建都十二韻

蒼生未蘇息胡馬半乾坤議在雲臺上誰扶黃屋尊
建都分魏闕下詔闕荆門恐失東人望其如西極存
時危當雪恥計大豈輕論雖倚三階正終愁萬國翻
牽裾恨不死漏網辱殊恩永負漢庭哭遙憐湘水魂
窮冬客江劍劍外云隨事有田園風斷青蒲節霜埋翠
竹根衣冠空穰穰關輔久遠云昏昏願枉云唯駐長
安日光輝照北原

歲暮

歲暮遠為客邊隅還用兵煙塵犯雪嶺鼓角動江城
天地日流血朝廷誰請纓濟時敢愛死寂寞壯心驚

和裴迪登蜀州東亭送客逢早梅相憶見寄

東閣官梅動詩興還如何遜在揚州此時對雪遙相

憶送客逢春

一作花可

一作更

自由幸不折來傷歲暮若

為看去亂鄉

一作春

愁江邊

一樹垂垂發朝夕催人自

白頭

寄贈王十將軍承俊

將軍膽氣雄臂懸兩角弓纏結青驄馬出入錦城中

時危未授鉞勢屈難為功賓客滿堂上何人高義同

暮登四

西一云

安寺鐘樓寄裴十

迪

暮倚高樓對雪峯僧來不語自鳴鐘孤城返照紅將

斂近市浮煙翠且重多病獨愁常聞寂故人相見未

從容知君苦思緣詩瘦大

太一云

向交游萬事慵

散愁二首

久客宜旋旆興王未息戈蜀星陰見少江雨夜聞多
百萬傳深入寰區望匪它司徒光下燕趙收取舊山
河

聞道并州鎮尚書

王恩禮

訓士齊幾時通薊北當日報

關西戀闕丹心破霑衣皓首啼老魂招不得歸路恐
長迷

奉訓李都督表丈早春作

力疾坐清曉來時

一云詩律
二云詩

悲早春轉添愁伴客更覺

老隨人

荆作身

紅入桃花嫩青歸柳葉新望鄉應未已

四海尚風塵

客至

喜崔明府相過

舍南舍北皆春水但見

一作有

羣鷗日日來花徑不曾

緣客掃蓬門今始為君開盤殮市遠無兼味樽酒家

貧只舊醅肯與鄰翁相對飲
隔籬呼取盡餘盃

遣意二首

嚶枝黃鳥近泛渚
白鷗輕一逕
野花落孤村
春水生
衰年催釀黍
細雨更一作夜移橙
漸喜交游絕
幽居不用名

簷影微微落津脈
脈斜野船一作松明細火宿雁聚

圓一作寒沙雲掩初弦月
香傳小樹花
鄰人有美酒
稚

子夜一作也能賒

漫成二首

野日荒荒一作野白春一作江流泯泯
清渚蒲隨地有

村逕逐門成
只作披衣慣
常從漉酒生
眼邊無俗物

多病也身輕

江皋已仲春花下
復清晨仰面貪看鳥
回頭錯應人

讀書難字過對酒滿壺頻近識峨眉老東山隱者知子懶
是真

春夜喜雨

好雨知時節當春乃

及一云

發生隨風潛入夜潤物細

無聲野徑雲俱黑江船火獨明曉看紅溼處花重錦
官城

春水

三月桃花浪

水一云

江流復舊痕朝來沒沙尾

岸一云

碧

色動柴門接縷垂芳餌連筒灌小園已添無數鳥爭

浴故相喧

英華云不知無數鳥何意更相喧

春水生二絕

二月六夜春水生門前小灘

籬一云

渾欲平鷓鴣灘鵝

莫漫喜吾與汝曹俱眼明

一夜水高二尺強，數日不可更禁當。
南市津頭有船，賣無錢即買繫籬旁。

江亭

坦腹江亭暖，長吟野望時。
水流心不競，雲在意俱遲。
寂寂春將晚，欣欣物自私。
故林歸未得，排悶強裁詩。

草堂本一云江東猶苦戰回首一顰眉

村夜

蕭蕭風色暮

樊作風色蕭蕭暮

江頭人不行，村春雨外急。
鄰火

夜深明胡羯，何多難漁樵。
寄此生中原，有兄弟萬里正含情。

早起

春來常早起，幽事頗相關。
帖石防墮岸，開林出遠山。
一邱藏曲折，緩步有躋攀。
童僕來城市，瓶中得酒還。

可惜

花飛有底急老去願春遲可惜歡娛地都非少壯時
寬心應是酒遣興莫過詩此意陶潛解吾生後汝期

落日

落日在簾鉤溪邊春事幽芳菲緣岸圃樵爨倚灘舟
啁雀爭枝墜飛蟲滿院遊濁醪誰造汝一酌一云酌罷散

千憂一云一酌罷人憂

獨酌

步屨一作履一作倚杖深林晚開樽獨酌遲仰蜂粘落絮一作藥

行戶郎切蟻上枯梨薄劣慚真隱幽偏得自怡本無軒

冕意不是傲當時

徐步

整履一作屨一作晉作屨步青蕪荒庭日欲晡芹泥隨燕觜花藥

一作藥紛

上蜂鬚把酒從衣溼吟詩信杖扶敢論才見忌

實有醉如愚

寒食

寒食江村路

一作樹

風花高下飛汀煙輕冉冉竹日淨

暉暉田父

舍一云

要皆去鄰家鬧

晉作問

不違地偏相識

一作失

盡雞犬亦忘歸

一作幾

高桷

桷樹色冥冥江邊一蓋青近根開藥圃接葉製茅亭

落景陰猶合微風韻可聽尋常絕醉困臥此片時醒

惡樹

獨遶虛齋徑常持小斧柯幽陰成頗雜惡木翦還多

枸杞因

一作固

吾有雞棲奈汝何方知不材者

木一云

生

長漫婆娑

石鏡

蜀王將此鏡送死置空山冥冥憐香骨提攜近玉顏
衆妃無復歎千騎亦虛還獨有傷心石埋輪月宇間

琴臺

茂陵多病後尙愛卓文君酒肆人間世琴臺日暮雲
野花留寶靨蔓草見羅裙歸鳳求皇意寥寥不復聞

聞斛斯六官未歸

故人南郡去去索作碑錢本賣文爲活翻令室倒懸
荆扉深蔓草土鏗冷疎煙老罷休無賴歸來省醉眠

遊脩覺寺

野寺江天豁山扉花竹幽詩應有神助吾得及春遊
徑石相深一云滎帶川雲自晚一云去留禪枝宿衆鳥漂

轉暮歸愁

後遊

寺憶新

會一云

遊處橋憐再渡時江山如有待花柳更

無私野潤煙光薄沙暄日色遲客愁全爲減捨此復

何之

題新津北橋樓

得郊字

望極春城上開筵近鳥巢白花簷外朵青柳檻前梢

池水觀爲政廚煙覺遠庖西川供客

遠一作

眼

醉客一云

唯

有

偏愛一云

此江郊

江漲

江發蠻夷漲山添雨雪流大聲吹地轉高浪蹴天浮
魚鼈爲人得蛟龍不自謀輕帆好去便吾道付滄洲

晚晴

村晚驚風度庭幽過雨霑夕陽薰細草江色映疎簾

書亂誰能帙孟乾可自添時聞有餘論未怪老夫潛

朝雨

涼氣晚

曉一云

蕭蕭江雲亂眼飄風鴛藏近渚雨鷺集

深條黃綺終辭

投一作

漢巢由不見堯草堂樽酒在幸

得過清朝

宵一作

江上值

置一作

水如海勢聊短述

爲人性僻耽佳句語不驚人死不休老去詩篇渾漫
與春來花鳥莫深愁新添水檻供垂釣故著浮槎替
入舟焉得思如陶謝手令渠述作與同遊

送裴五赴東川

故人亦流落高義動乾坤何日通燕塞相看老蜀門
東行應暫別北望苦銷魂凜凜悲秋意非君誰與論
赴青城縣出成都寄陶王二少尹

老恥妻孥笑

樊籠役

貧嗟出入勞客情投異縣詩態

憶吾

君一作

曹東郭滄江

滄浪

合西山白雪高文章差

底病迴首興滔滔

因崔五侍御寄高彭州一絕

百年已過半秋至轉饑寒爲問彭州牧何時救急難

野望因過常少仙

野橋齊度馬秋望轉悠哉竹覆青城合江從灌口來

入村樵徑引嘗果栗皴一作開落盡高天日幽人未

遣迴

寄杜位

位京中宅近西
曲江詩尾有述

近聞寬法離

別

新州想見懷歸尚百憂逐客雖皆

萬里去悲君已是十年流干戈况復塵

行

隨眼鬢

髮還應雪

白

滿頭玉壘題書心緒亂何時更得曲

江遊

奉簡高三十五使君

當代論才子如公復幾人
驂騑開道路鷹隼出風塵
行色秋將晚交情老更親
天涯喜相見披豁對一作道

吾真

吳若本作君恐誤

送韓十四江東覲省

兵戈不見老萊衣
歎息人間萬事非
我已無家尋弟

妹君今何處訪庭闈
黃牛峽靜灘聲轉一作急

白馬江

寒樹影稀此別應
須各努力故鄉猶恐未同一作堪

歸

贈杜二拾遺

高適

傳道招提客詩書自討論
佛香時入院僧飯屢過門
聽法還應難尋經剩欲翻
草元今已畢後吳作此外更

何言

酬高使君相贈

古寺僧牢落空房客

一作得

寓居故人供祿米鄰舍與

園蔬雙樹容聽法三車肯載書草元吾豈敢賦或似

比一云相如

草堂即事

荒村建子月獨樹老夫家霧

一云雪

裏江船渡風前逕

竹斜寒魚依密藻宿鷺起圓沙蜀酒禁愁得無錢何

處賒

魏十四侍御就弊廬相別

有客騎驄馬江邊問草堂遠尋留藥價惜別到

一云到

文場入幕旌旗動歸軒錦繡香時應念衰疾書疏

迹及滄浪

徐九少尹見過

晚景孤村僻行軍數騎來交新徒有喜禮厚媿無才
賞靜憐雲竹忘歸步月臺何當看花藥欲發照江梅
范二員外邈吳十侍御郁特枉駕闕展待聊寄
此

暫往比鄰去

晉作至

空聞二妙歸幽棲誠簡略衰白已

光輝野外貧家遠村中好客稀論文或不媿重肯款
柴扉

王十七侍御掄許攜酒至草堂奉寄此詩便請
邀高三十五使君同到

老夫臥穩朝慵起白屋寒多暖始開江鶴

一作鶴

巧當

幽徑浴鄰鷄還過短牆來繡衣屢許攜家醞卓蓋能
忘折野梅戲假霜威促山簡須成一醉

一作醉裏

習池迴

王竟攜酒高亦同過共用寒字

臥病荒郊遠通行小徑難故人能領客攜酒重相看
自媿無鮭一作蝦菜空煩卸馬鞍移時勸山簡頭白恐

風寒

高每云汝年幾不必小于我故此句戲之

陪李七司馬阜江上觀造竹橋即日成往來之

人免冬寒入水聊題短作簡李公二首

伐竹為橋結構同褰裳不涉往來通天寒白鶴歸華
表日落青龍見水中顧我老非題柱客知君才是濟

川功合歡

考異作觀

却笑千年事驅石何時到海東

把燭成橋

一作橋成

夜迴舟坐客

一作客坐

時天高雲去盡江

迴月來遲衰謝多扶病招邀屢有期異方乘此興樂
罷不無悲

李司馬橋了承高使君自成成都迴

向來江上手紛紛三日成功事出羣已傳童子騎青

竹

一作馬

總擬橋東待使君

少年行二首

莫笑田家老瓦盆自從盛酒長

一作養

兒孫傾銀注瓦

瓦英華作玉辯証云當依古本

驚人眼共醉終同臥竹根

巢鷺養

西溪叢語作引

雛

英華作兒

渾去盡江花結子已

一作也

無

多黃衫年少來宜

叢語作宜來

數不見堂前東逝波

野人送朱櫻

西蜀櫻桃也自紅野人相贈滿筠籠數迴細寫愁仍

破萬顆勻圓訝許同憶昨賜霑門下省退朝擎出大

明宮金盤玉筯無消息此日嘗新任轉蓬

卽事

百寶裝腰帶真珠絡臂鞵笑時花近眼舞罷錦纏頭

贈花卿

錦城絲管日紛紛半入江風半入雲此曲祇應天上

有

樂府作去

人間能得幾回聞

少年行

馬上

騎馬一云

誰家薄媚

白面一云

郎臨堦

英華作軒

下馬坐

踏一作

人牀不通姓字麤豪

陳一作

甚指點銀瓶索酒嘗

酒未云

嘗

觀李固請司馬弟山水圖三首

簡易高人意

體一云

匡牀竹火爐寒天留遠客碧海挂

新圖雖對連山好貪看絕島孤羣仙不愁思冉冉下

蓬壺

方丈渾連水天台總映雲人間長見畫老去

身一作老

恨

空聞范蠡舟偏小王喬鶴不羣此生隨萬物何路出

塵氛

高浪垂翻屋崩崖欲壓牀野橋

樓一作

分子細沙岸繞

微茫紅浸珊瑚短青懸薜荔長浮查並坐得

並坐云相

仙老暫相將

題桃樹

小徑升堂舊不斜五株桃樹亦從遮高秋總餒

餒一作

貧人實來歲還舒滿眼花簾戶每宜通乳鷲兒童莫

信打慈鷗寡妻羣盜非今日天下車書正

已一作

一家

蕭八明府隄

實一作

處覓桃栽

奉乞桃栽一百根春前爲送浣花村河陽縣裏雖無

數濯錦江邊

頭一作

未滿園

送韋二明府續處覓綿竹

華軒藹藹他年到綿竹亭亭出縣高江上舍前無此

物幸分蒼翠拂波濤

憑何十一少府邕覓禮木栽

草堂塹西無樹林

木一作

非子誰復見幽心飽聞禮木

三年大與致溪邊十畝陰

憑韋少府班覓松樹子

落落出羣非檉柳青青不朽豈楊梅欲存老蓋千年

意為覓霜根數寸栽

一二云來

又于韋處乞大邑瓷盃

大邑燒瓷輕且堅扣如哀

一作寒

玉錦城傳君家白盃

勝霜雪急送茅齋也可憐

詣徐卿覓果栽

草堂少花今欲栽不問綠李與黃梅石筍街中却歸

去果園坊裏為求來

贈別何邕

生死論交地何由見一人悲君隨鷺雀薄宦走風塵
綿谷元通漢沱江不向秦五陵花滿眼傳語故鄉春

贈別鄭鍊赴襄陽

戎馬交馳際柴門老病身把君詩過日

俗本作目

念此別

驚神

一一云念別意驚神

地闊峨眉晚

一云曉晉作遠

天高峴首春爲於

耆舊內試覓姓龐人

重贈鄭鍊絕句

鄭子將行罷使臣囊無一物獻尊親
江山路遠羈離日裘馬誰爲感激人

杜工部集卷第十一

杜工部集卷第十二目錄

近體詩一百二十八首

奉和嚴中丞西城晚眺詩十韻

嚴中丞枉駕見過

廣州段功曹到得楊長史書

得廣州張判官叔卿書使還以詩代意

送段功曹歸廣州

絕句漫興九首

江畔獨步尋花七絕

三絕句

戲爲六絕句

江頭五詠

丁香

麗春

梔子

鷓鴣

花鴨

畏人

遠遊

野望

官池春鴈二首

水檻遣心二首

屏跡三首

寄題杜二錦江野亭

嚴武

奉酬嚴公寄題野亭之作

中丞嚴公雨中垂寄見憶一絕奉答二絕

謝嚴中丞送乳酒

嚴公仲夏枉駕草堂

嚴公廳宴同詠蜀道畫圖

奉送嚴公入朝十韻

酬別杜二

嚴武

送嚴侍郎到綿州

奉濟驛重送嚴公四韻

巴西驛亭觀江漲呈竇使君

九日登梓州城

巴嶺答杜二見憶

嚴武

九日奉寄嚴大夫

黃草

懷舊

所思

不見

題元武禪師屋壁

客夜

客亭

秋盡

陪王侍御宴通泉東山野亭

野望

聞官軍收河南河北

涪江泛舟送韋班歸京

春日梓州登樓二首

鄴城西原送李判官武判官赴成都府

泛江送魏十八倉曹還京因寄岑中允范郎中

送路六侍御入朝

泛江送客

上牛頭寺

望牛頭寺

上兜率寺

望兜率寺

甘園

數陪李梓州泛江有女樂戲爲豔曲二首
登牛頭山亭子

陪四使君登惠義寺

送何侍御歸朝

江亭送眉州辛別駕

涪城縣香積寺官閣

戲題上漢中王三首

陪章留後宴南樓

臺上

送王十五判官扶持還黔中

倦夜

悲秋

對雨

警急

王命

征夫

有感五首

送元二適江左

章梓州水亭

翫月呈漢中王

戲作寄上漢中王二首

投簡梓州幕府兼簡韋十郎官

登高

九日

遣憤

章梓州橘亭餞成都竇少尹

送陵州路使君赴任

薄暮

西山三首

薄遊

贈韋贊善別

送李卿奕

絕句

城上

舍弟占歸草堂

杜工部集卷第十二目錄

杜工部集卷第十二

近體詩一百二十八首

在成都及綿漢梓州作

奉和嚴中丞西城晚眺十韻

汲黯匡君切廉頗出將頻直詞才不出雄略動

一作用

如神政簡移風速詩清立意新層城臨暇

一作媚

景絕

域望餘春旗尾蛟龍會樓頭鷲雀馴地平江動蜀天

闊樹浮秦帝念深分閩軍須遠算緡花羅封蛺蝶瑞

錦送麒麟辭第輸高義觀圖憶古人征南多興緒事

業闡相親

嚴中丞枉駕見過

嚴自東川除西川勅令兩川都節制

元戎小隊出郊坰問柳尋花到野亭川合東西瞻使

節地分南北任流

一作孤

萍扁舟不獨如張翰白

一作阜

帽還應

一作應兼

似管寧寂寞

今日云

江天雲霧裏何人道

有少微星

廣州段功曹到得楊五長史譚書功曹却歸聊

寄此詩

衛青開幕府楊僕將樓船漢節梅花外春城海水邊
銅梁書遠及珠浦使將旋貧病他鄉老煩君萬里傳
得廣州張判官叔卿書使還以詩代意

鄉關胡騎遠

一云滿

宇宙蜀城偏忽得炎州信遙從月

峽傳雲深驃騎幕夜隔孝廉船却寄雙愁眼相思

望淚點懸

送段功曹歸廣州

南海春天外功曹幾月程

一云行

峽雲籠樹小湖日落

蕩

一云

船明交趾丹砂重韶州白葛輕幸君因旅

估一作

客時寄錦官城

絕句漫興九首

眼見

前一云

客愁愁不醒無賴春色到江亭即遣花開

飛一作

深

從一作

造次便覺

教一作

鶯語太丁寧

手種桃李非無主

野老牆低還似

是一作

家恰似春風

相

入聲欺得夜來吹折數枝花

熟

一作

知

晉作孰如

茅齋絕低小江上鷺子故來頻銜泥

點污琴書內更接飛蟲打著人

二月已破三月來漸老逢春能幾迴莫思草堂作辭身外

無窮事且盡生前有限杯

腸斷春江

江一云春

欲盡

一作白

頭杖藜徐步立芳洲顛狂

柳絮隨風去輕薄桃花逐水流

懶慢無堪不出村呼兒日在掩柴門蒼苔濁酒林中

靜碧水春風野外昏

糝徑楊花鋪白氈點溪荷葉疊

一作累

青錢

一作鈿

筍

一作

竹

根稚

一作雉

子無人見沙上鳧雛傍母眠

舍西柔桑葉可拈江畔細麥復纖纖人生幾何春已

夏不放香醪如蜜甜

隔戶

戶外云

楊柳弱嫋嫋恰似十五女兒腰誰謂朝來

不作意狂風挽斷最長條

江畔獨步尋花七絕句

江上被花惱不徹無處告訴只顛狂走覓南鄰愛酒

伴經旬出飲獨空牀

解斯融吾酒徒

稠花亂藥畏

裹一云

江濱行步歛危實

獨一云

怕春詩酒

尚堪驅使在未須料理白頭人

江深竹靜兩三家多事紅花映白花報答春光知有

處應須美酒送生涯

東望少城花滿烟
百花高樓更可憐
誰能載酒開金

盞

一作鎖

喚取佳人舞繡筵

黃師塔前江水東
春光懶困倚微風
桃花一簇開無

主可愛深紅愛

晉一作映與

淺紅

黃四娘家花滿蹊
千朵萬朵壓枝低
留連戲蝶時時

舞自在嬌鶯恰恰啼

不是愛花即肯

一作欲

死

一作不是看花即索死

只恐花盡老相催

繁枝容易紛紛落
嫩葉

一作蕊

商量細細開

三絕句

楸樹馨香倚釣磯
斬新花藥未應飛
不如醉裏風吹

春風

盡可

一作何

忍醒時雨打稀

門外鷓鴣去

一作久

不來沙頭忽見眼
相猜自今已後

知人意一日須來一百回

無數春筍滿林生柴門密掩斷人行會須上番去聲看
成竹客至從嗔不出迎

戲爲六絕句

庾信文章老更成凌雲健筆意縱橫今人嗤點流傳
賦不覺前賢畏後生

王楊

一作楊王

盧駱當時體輕薄爲文哂未休爾曹身與

名俱滅不廢江河萬古流

縱使盧王操翰墨劣于漢魏近風騷龍文虎脊皆君
馭歷塊過都見爾曹

才力應難誇數公凡今誰是出羣雄或看翡翠蘭苕
上未掣鯨魚碧海中

不薄今人愛古人清詞麗句必爲鄰竊攀屈宋宜方
駕恐與齊梁作後塵

未及前賢更勿疑
遞相祖述復先誰
別裁偽體親風雅
轉益多師是汝師

江頭五詠丁香

丁香體柔弱亂結枝
猶墊細葉帶浮毛
疎花披素豔深栽小
齋後庶近幽人占
晚墮蘭麝中休懷粉
身念

麗春

百草競春華麗春應
最勝少須

晉作頓

好顏色

草堂作顏色好

多漫枝條剩紛紛
桃李枝處處總能移
如何貴此重

晉作稀如可貴重

却怕有人知

梔子

梔子比衆木人間誠
未多於身色有用與
道氣傷

一作

相和紅取風霜實青
看雨露柯無情移得
汝貴在映

江波

鷓鴣

故使籠寬織須知動損毛看雲莫悵望失水任呼號
六翮曾經翦孤飛卒一作只未高且無鷹隼慮留滯莫
辭勞

花鴨

花鴨無泥滓堦前一作中庭每緩行羽毛知獨立黑白太
分明不覺羣心妬休牽衆眼驚稻梁霑一作知汝在作
意莫先鳴

畏人

早花隨處發春鳥異方啼萬里清江上三年一作峯落
日低畏人成小築褊性合幽棲門逕逕一作沒從榛草無
心走一作待馬蹄

遠遊

賤子何人記迷芳補作著處家竹風連野色江沫擁
春沙種藥扶衰病吟詩解歎嗟似聞胡騎走失喜問
京華

野望

西山白雪三奇

一作城一作年

戍南浦清江萬里橋海內風

塵諸弟隔天涯涕淚一身遙唯將遲暮供多病未有
涓埃答聖朝跨馬出郊時極目不堪人事日一作蕭
條

官池春雁二首

自古稻梁多不足至今鴻鵠亂爲羣且休悵望看春
水更恐歸飛隔暮雲
青春欲盡急還鄉紫塞寧論尚有霜翅在雲天終不
遠力微繒繳絕須防

水檻遣心二首

去郭軒楹敞無村

草堂作村

眺望賒澄江平少岸幽樹晚

多花細雨魚兒出微風燕子斜城中十萬戶此地兩

三家

蜀天常夜雨江檻已朝晴葉潤林塘密衣乾枕席清

不堪祇老病何得尙

晉作尙

浮名淺把涓涓酒深憑送

此生

屏跡三首

用拙存

一作誠

吾道幽居近物情桑麻深雨露燕雀半

生成村鼓時時急漁舟箇箇輕杖藜從白首心跡喜

雙清

晚起家何事無營地轉幽竹光團

一作團

野色舍

山一云

影漾江流失學從兒懶長貧任婦愁百年渾得醉一

月不梳頭

衰顏

一作年

甘屏迹幽事供高臥鳥下竹根行龜開萍

葉過年荒酒價乏日併園蔬課猶酌甘泉歌

一二云獨酌
酣且歌一

云獨酌
酌甘泉

歌長擊樽破

寄題杜二錦江野亭

嚴武

漫向江頭把釣竿懶眠沙草愛風湍莫倚善題鸚鵡
賦何須不著鷓鴣冠腹中書籍幽時曬肘後醫方靜
處看興發會能馳駿五一云馬終須晉作重一作直到使
君灘

奉酬嚴公寄題野亭之作

拾遺曾奏數行書懶性從來水竹居奉引濫騎沙苑
馬幽棲真釣錦江魚謝安不倦登臨費一作賞阮籍焉
知禮法疎枉沐何一云旌麾出城府草茅無荒一作徑欲

教鋤

中丞嚴公雨中垂寄見憶一絕奉答二絕

雨映行宮

一作官一作雲非是

辱贈詩元戎肯赴野人期

一二云元戎欲動野人

知

江邊老病雖無力強擬晴天理釣絲

何日雨晴雲出溪白沙青石先

洗一二云

無泥只須伐竹

開荒徑倚

柱一作

杖穿花聽馬嘶

鳥啼一二云

謝嚴中丞送青城山道士乳酒一瓶

山瓶乳酒下青雲氣味濃香幸見分鳴鞭走送憐漁

父洗盞開嘗對馬軍

軍州謂驅使騎為馬軍

嚴公仲夏枉駕草堂兼攜酒饌

得寒字

草堂本一作鄭公枉駕攜饌訪

水亭

竹裏行廚洗玉盤花邊立馬簇金鞍非關使者徵求

急自識將軍禮數寬百年地闢

今本作

柴門迴五月江

深草閣寒看弄漁舟移白日老農何有罄交歡

嚴公廳宴同詠蜀道畫圖

得先王字

日臨公館靜畫滿

一作列

地圖雄劍閣星橋北松州雪

嶺東華夷山不斷吳蜀水相通興與烟霞會清樽幸

不空

奉送嚴公入朝十韻

鼎湖瞻望遠象闕憲章新四海猶多難中原憶舊臣
與時安反側自昔有經綸感激張天步從容靜塞塵
南圖迴羽翮北極捧星辰漏鼓還思晝宮鸞罷轉春
空留玉帳術愁殺錦城人閣道通丹地江潭隱白蘋
此生那老蜀不死會歸秦公若登台輔臨危莫愛身

酬別杜二

嚴武

獨逢堯典日再覩漢官儀未効風霜勁空慚雨露私

夜鐘清萬戶曙漏拂千旗並向殊

斜一作

庭謁俱承別

館追斗城憐舊路渦水惜歸期峯樹還相伴江雲更

對垂試迴滄海棹莫

更一作

妬敬亭詩祇是書應寄無

忘酒共持但令心事在未肯鬢毛衰最悵巴山裏清

猿惱夢思

送嚴侍郎到綿州同登杜使君江樓

得心字

野興每難盡江樓延賞心歸朝送使節落景惜登臨
稍稍烟集渚微微風動襟重船依淺瀨輕鳥度層陰
檻峻背幽谷窗虛交茂林燈光散遠近月彩靜高深
城擁朝來客天橫醉後參窮途衰謝意苦調短長吟
此會共能幾諸孫賢至今不勞朱戶閉自待白河沈

奉濟驛重送嚴公四韻

遠送從此別青山空復情幾時盃重把昨夜月同行

列郡謳歌惜三朝出入榮江村獨歸處寂寞養殘生

巴西驛亭觀江漲呈竇使君

草堂本作竇十五使君

宿雨南江漲波濤亂遠峯孤亭凌噴薄萬井逼春容
霄漢愁高鳥泥沙困老龍天邊同客舍攜我豁心胸

九日登梓州城

伊昔黃花酒如今白髮翁追歡筋力異望遠歲時同
弟妹悲歌裏朝廷一作乾坤醉眼中兵戈與關塞此日意

無窮

巴嶺答杜二見憶

嚴武

臥向巴山落月時兩鄉千里夢相思可但步兵偏愛
酒也知光祿最能詩江頭赤葉楓愁客籬外黃花菊
對誰跋馬望君非一度冷猿秋雁不勝悲

九日奉寄嚴大夫

九日應愁思經時冒險艱不眠持漢節何路出巴山
小驛香醪嫩重巖細菊草堂作雨斑遙知簇鞍馬迴首白
雲間

黃草

黃草峽西船不歸赤甲山下行人人行云稀秦中驛使
無消息蜀道兵干云戈有是非萬里秋風吹錦水誰
家別淚溼羅衣莫愁劍閣終堪據聞道松州已被圍

懷舊

地下蘇司業情親獨有君那因喪衰一作亂後便有云一
更作死生分老罷知明鏡悲來望白雲自從失詞伯不
復更論文公前名預緣避御諱改為源明

所思

得台州鄭司戶虔消息

鄭老身仍竄台州信所始云傳為農山澗曲臥病海

雲邊世已疎，儒素人猶乞。酒錢徒勞望，牛斗無計斲。
龍泉

不見近無李白消息

不見李生久，伴狂真可哀。世人皆欲殺，吾意獨憐才。
敏捷詩千首，飄零酒一杯。匡山讀書處，頭白好歸來。
始云

題元武禪師屋壁

何年顧虎頭，滿壁座一云畫瀛滄曾作州。赤日石林氣，青

天江海水一云流。錫飛常近鶴，杯度不驚鷗。似得廬山

路，真隨惠遠遊。

客夜

客睡何曾著，秋天不肯明。卷簾殘月影，高枕遠江聲。
計拙無衣食，途窮仗友生。老妻書數紙，應悉未歸情。

客亭

秋窗猶曙色落木

一作木落

更天

一作高

風日出寒山外江

流宿霧中聖朝無棄物老病已成

一云衰

翁多少殘生

事飄零似轉蓬

秋盡

秋盡東行且未迴茅齋寄在少城隈籬邊老却陶潛

菊江上徒逢袁紹孟雪嶺獨看西日落

一云暮

劍門猶

阻北人來不辭萬里長為客懷抱何時得好開

一云好

開

陪王侍御宴通泉東山野亭

江水東流去清樽日復斜異方同宴賞何處是京華

亭景臨山水村烟對浦沙狂歌過手

一云形

勝得醉即

為家

野望

金華山北

南一云

涪水西仲冬風日始淒淒山連越巒

蟠三蜀水散巴渝下五溪獨鶴不知何事舞飢鳥似

欲向人啼射洪春酒寒仍綠目極傷神誰為攜

聞官軍收河南河北

一云收兩河

劍外忽傳收薊北初聞涕淚滿衣裳却看妻子愁何

在漫卷詩書喜欲狂白日

首一云

放歌須縱酒青春作

伴好還鄉即從巴峽穿巫峽便下襄陽向洛陽

余田園在

京東

涪江泛舟送韋班歸京

得山字

追錢同舟日傷春

心一云

一水間飄零為客久衰老羨

君還花遠

雜一云

重重樹雲輕處處山天涯故人少更

益

憶一作

鬢毛斑

春日梓州登樓二首

行路難如此登樓望欲迷身無却少壯跡有但

晉作但有

羈栖江水流城郭春風入鼓鞞雙雙新燕子依舊已

銜泥

天畔登樓眼隨春

風一云

入故園戰場今始定移

晉作修

柳更能存厭蜀交遊冷恩吳勝事繁應須理舟楫長

嘯下荆門

鄴城西原送李判官兄武判官弟赴成都府

憑高送所親久坐惜芳辰遠水非無浪他山自有春

野花隨處發官

一作妖

柳著行新天際傷愁別離筵何

太頻

泛江送魏十八倉曹還京因寄岑中允參范郎

中季明

遲日深春江一云水輕舟送別筵帝鄉愁緒外春色淚
痕邊見酒須相憶將詩莫浪傳若逢岑與范為報各
衰年

送路六侍御入朝

童稚情親四三云十年中間消息兩茫然更為後會
知何地忽漫相逢是別筵不分草堂本桃花紅勝錦
生憎柳絮白於一作綿劍南春色還無賴觸忤愁人
到酒邊

泛江送客

二月頻送客東津江欲平烟花山際重舟楫浪前輕
淚逐勸盃下一作愁連吹笛生離筵不隔日那得易
為情

上牛頭寺

青山意不盡，袞袞上牛頭。無復能拘礙，真成浪出遊。
花濃春寺靜，竹細野池幽。何處鶯啼切，移時獨未休。

望牛頭寺

牛頭見鶴林，梯逕繞幽深。

一云秀麗
何深

春色浮

一作流

山外

天河宿

蔡作沒

殿陰傳燈無，白日布地有黃金。休作狂

歌老迴看，不住心。

上兜率寺

兜率知名寺，真如會法堂。江山有巴蜀，棟宇自齊梁。
庾信哀雖久，何顥好不忘。白牛車遠近，且欲上慈航。

望兜率寺

樹密當山徑，江深隔寺門。霏霏雲氣重，

一云動

閃閃浪

花翻不復知。天大空餘見，佛尊時應清盥。

一云興

罷隨

喜給孤園

甘園

春日清江岸千甘二頃園青雲羞一作著葉密白雪避

花繁結子隨邊使開筒近至尊後於桃李熟終得獻

金門

數陪李梓州泛江有女樂在諸舫戲為豔曲二

首贈李

草堂作章諸方
輿勝覽作渚

上客迴空騎佳人滿近船江清歌扇底野曠舞衣前

玉袖凌風並金壺隱浪偏競將明媚色偷眼豔陽天

年一云

白日移歌袖清霄近笛牀翠眉縈度曲雲鬢儼分行

立馬千山暮迴舟一水香使君自有婦莫學野鴛鴦

登牛頭山亭子

路出雙林外亭窺萬井中江城孤照日山一作春谷遠

含風兵革身將老關河信不通猶殘數行淚忍對百花叢

陪李梓州王閬州蘇遂州李果州四使君登惠

義寺

春日無人境虛空不住天鶯花隨世界樓閣寄一作倚

山巔遲暮身何得登臨意惘一云寂然誰能解金印瀟

灑共安禪一云三車將五馬若箇合安禪

送何侍御歸朝李梓州泛舟筵上作

舟楫諸侯餞車輿使者歸山花相映發水息自孤飛

春日垂霜鬢天隅把繡衣故人從此去一云遠寥落寸

心違

江亭送眉州辛別駕昇之得蕪字

柳影含雲幕重一云江波近酒壺異方驚會面終宴惜

征途沙晚低風蝶天晴喜浴鳧別離傷老大意緒日
荒蕪

涪城縣香積寺官閣

寺下春江深不流山腰官閣迴添愁含風翠壁孤雲
細背日丹楓萬木稠小院迴廊春一作清寂寂浴鳧飛
鷺晚悠悠諸天合在藤蘿外昏黑應須到上頭

戲題寄上漢中王三首

時王在梓州初至斷
酒不飲篇有戲述

西漢親王子成都老客星百年雙白鬢一別五秋一作
螢忍斷盃中物王作看座右銘不能隨阜蓋自

醉逐浮萍

策杖時能出王門異昔遊已知嗟不起未許醉相留
蜀酒濃無敵江魚美可求終思一酪酲淨掃雁池頭
羣盜無歸路衰顏會遠方尚憐詩警策猶記一作酒

珍做宋版印

顛狂魯衛彌尊重徐陳略喪亡空餘枚一作故叟在應

念早昇堂

陪章留後侍御宴南樓得風字

絕域長夏晚茲樓清宴同朝廷燒棧北鼓角滿一作漏

天東屢食將軍第一云邸仍騎一云驕御史驄本無丹竈

術一作訣那免白頭翁寇盜狂歌外形骸痛飲中野雲

低渡水簷雨細隨風出號江城黑題詩蠟炬一作燭紅

此身醒復醉不擬哭途窮

臺上得涼字

改席臺能迴留門月復光雲行一作霄遺暑溼山谷進

風涼老去一杯足誰憐屢舞長何須把官燭似惱鬢

毛蒼

送王十五判官扶侍還黔中得開字

大家東征逐子迴風生洲渚錦帆開青青竹筍迎船

出日日

自白云

江魚入饌來離別不堪無限意艱危深

仗濟時才黔陽信使應稀少莫怪頻頻

頻一作頻

勸酒盃

倦夜

竹涼侵臥內野月滿

一作滿

庭隅重露成涓滴稀星乍

有無暗飛螢自照水宿鳥相呼萬事干戈裏空悲清

夜徂

悲秋

涼風動萬里羣盜尙縱橫家遠傳書日秋來爲客情

愁窺高鳥過老逐衆人行始欲投三峽何由見兩京

對雨

莽莽天涯雨江邊獨立時不愁巴道路恐溼漢旌旗

雪嶺防秋急繩橋戰勝遲西戎甥舅禮未敢背恩私

警急

才名舊楚將妙略擁兵機玉壘雖傳檄松州會解圍
和親知拙計公主漫無歸青海今誰得西戎實飽飛

王命

漢一云漢北豺狼滿巴西道路難血埋諸將甲骨斷使

臣一云君鞍牢落新燒棧蒼茫舊築壇深懷喻蜀意慟

哭望王官一云京巒

征夫

十室幾人在千山空自多路衢唯見哭城市不聞歌
漂梗無安地銜枚有荷戈官軍未通蜀吾道竟如何

有感五首

將帥蒙恩澤兵戈有歲年至今勞聖主何以報皇天
白骨新交戰雲臺舊拓邊乘槎斷消息無處覓張騫

幽薊餘虵

樊作

豕乾坤尚虎狼諸侯春不貢使者日

相望慎勿吞青海無勞問越裳大君先息戰歸馬華

山陽

洛下舟車入天中貢賦均日聞紅粟腐寒待翠華春

莫取金湯固長令宇宙新不過行儉德盜賊本王臣

丹桂風霜急青梧日夜凋由來強幹地未有不臣朝

受鉞親賢往卑宮制詔遙終依古封建豈獨聽簫韶

盜一作胡

滅人還亂兵殘將自疑登壇名絕假報主云一

玉執爾何遲領郡輒無色之官皆有詞願聞哀痛詔端

拱問瘡痍

送元二適江左

亂後今相見秋深復遠行風塵爲客日江海送君情

晉室丹陽尹公孫白帝城經過自愛惜取次莫論兵

元常應孫
吳科舉

章梓州水亭

時漢中王兼道士席
謙在會同用荷字韻

城晚通雲霧亭深到芰荷
吏人橋外少秋水席邊多
近屬淮王至高門
薊子過荊州愛山簡吾醉亦長歌

翫月呈漢中王

夜深露氣清江月滿江城浮

一作游

客轉危坐歸舟應

獨行關山同一照

海錄作點

烏鵲自多驚欲得淮王術風

吹暈已生

戲作寄上漢中王二首

王新誕明珠

雲裏不聞雙雁過掌中貪見一珠新
秋風嫋嫋吹江漢只在他鄉何處人

謝安舟楫風還起梁苑池臺雪欲飛
杳杳東山攜漢妓泠泠修竹待王歸

投簡梓州幕府兼簡韋十郎官

幕下郎官安穩無從來不奉一行書固知貧病人須
棄能使韋郎跡也疎

登高

風急天高猿嘯哀渚清沙白鳥飛迴無邊落木蕭蕭
下不盡長江袞袞來萬里悲秋常作客百年多病獨
登臺艱難苦恨繁霜鬢潦倒新停濁酒杯

九日

去年登高鄴縣北今日重在涪江濱苦遭白髮不相
放羞見黃花無數新世亂鬱鬱久爲客路難悠悠常
傍人酒闌却憶十年事腸斷驪山清路塵

遣憤

聞道花門將論功未盡歸自從收帝里誰復總戎云一

兵機

一云軍麾

蜂蠆終懷毒雷霆可振威莫令鞭血地再

珍做宋版印

溼漢臣衣

章梓州

一云使君

橘亭錢成都竇少尹

得涼字

秋日野亭千橘香玉盃錦席高雲涼主人送客何所

作

音佐

行酒賦詩殊未央衰老應為難離

去聲

別一云難為應離別

賢聲此去有輝光預傳籍籍新京尹

一作北

青史無勞

數

一作缺

趙張

送陵州路使君赴任

王室比

荆作此

多難高官皆武臣幽燕通使者岳牧用

詞人國待賢良急君當拔擢新佩刀成氣象行蓋出

風塵戰伐乾坤破瘡痍府庫貧衆寮宜潔白萬役但

平均

一云萬物役平均

霄漢瞻佳士

樊作家事

泥途任此身秋天正

搖落迴首大江濱

薄暮

江水長流

一云最深

地山雲薄暮時寒花隱亂草宿鳥擇

探一云

深枝舊國見何日高秋心苦悲人生不再好鬢

髮白

一作自成絲

西山三首

彝界荒山頂蕃州積雪邊築城依

一作連

白帝轉粟上

青天蜀將分旗鼓羗兵助

一作動

井泉

一作鐙

西南背和好

好殺氣日相纏

辛苦三城戍長防萬里秋煙塵侵火井雨雪閉松州

風動將軍幕

一云蓋

天寒使者裘漫

平聲

山賊營壘

一云成壁

壘迴首得無憂

子弟猶深入關城未解圍蠶崖鐵馬瘦灌口米船稀

辯士安邊策元戎決勝威今朝烏鵲喜欲報凱歌歸

薄遊

淅淅

一云漸淅

風生砌團團日隱牆遙

一云滿

空秋雁滅

二云

過半嶺暮雲長

張一云

病葉多先墜寒花只暫香巴城

添淚

一作月

眼今夜復清光

贈韋贊善別

扶病送君發自憐猶不歸祇應盡客淚復作掩荆扉

江漢故人少音書從此稀往還二十載歲晚寸心違

送李卿奕

王子思歸日長安已亂兵霑衣問行在走馬向承明

暮景巴蜀僻春風江漢清晉山雖自棄魏闕尚含情

絕句

江邊踏青罷回首見旌旗風起春城暮高樓鼓角悲

城上

荆作空城

草滿巴西綠空城

山谷作城空

白日長風吹花片片春動

蕩一作

水送雨云春

茫茫八駿隨天子羣臣從武皇遙聞

出巡守早晚徧遐荒

舍弟占歸草堂檢校聊示此詩

久客應吾道相隨獨爾來孰知江路近頻爲草堂迴
鵝鴨宜長數柴荆莫浪開東林竹影薄臘月更須栽

杜工部集卷第十二

杜工部集卷第十三目錄

近體詩九十六首

傷春五首

送梓州李使君之任

王閬州筵奉酬十一舅惜別之作

放船

奉待嚴大夫

奉寄高常侍

奉寄章十侍御

將赴荆南寄別李劍州

奉寄別馬巴州

泛江

陪王使君晦日泛江就黃家亭子二首

南征

久客

春遠

暮寒

雙鷺

百舌

地隅

遊子

歸夢

江亭餞蕭遂州

絕句二首

滕王亭子

玉臺觀

滕王亭子

玉臺觀

渡江

喜雨

送韋郎司直歸成都

將赴成都草堂途中有作先寄嚴鄭公五首

別房太尉墓

自閬州領妻子却赴蜀山行三首

山館

行次鹽亭縣奉簡嚴遂州蓬州兩使君諮議諸

昆季

倚杖

陪王漢州留杜綿州泛房公西湖

舟前小鵝兒

得房公池鴨

答楊梓州

登樓

春歸

歸鴈

贈王侍御契四十韻

寄董卿嘉榮十韻

寄司馬山人十二韻

寄李員外布十二韻

歸來

王錄事許脩草堂貲不到聊小詰

寄邛州崔錄事

過故斛斯校書莊二首

立秋雨院中有作

軍城早秋

嚴武

奉和軍城早秋

院中晚晴懷西郭茅舍

到村

宿府

遣悶奉呈嚴公二十韻

送舍弟頻赴齊州三首

嚴鄭公堦下新松

嚴鄭公宅同詠竹

奉觀嚴鄭公廳事岷山沱江畫圖十韻

晚秋陪嚴公摩訶池泛舟

初冬

至後

正月三日歸溪上

弊廬遣興奉寄嚴公

春日江村五首

絕句六首

絕句四首

杜工部集卷第十三目錄

杜工部集卷第十三

近體詩九十六首

居閬州及再至成都作

傷春五首

天下兵雖滿春光

一作青春

日自濃西京疲百戰北闕任

羣兇鬪塞三千里煙花一萬重蒙塵清露急御宿且

一作有

誰供殷復前王道周遷舊國容蓬萊足雲氣應

合總從龍

鸞入新年語花開滿故枝天青風捲幔草碧水通池

牢落官軍速蕭條萬事危鬢毛元自白淚點向來垂

不是無兄弟其如有別離巴山春色靜北望轉逶迤

日月還相鬪星辰屢合

一作亦屢

圍不成誅執法焉得變

危機大角纏兵氣鈎陳出帝畿煙塵昏御道耆舊把

天衣

一云固無牽白馬幾至著青衣

行在諸軍闕來朝大將稀賢多隱

屠鈞王肯載同歸

再有朝廷亂難知消息真近傳王在洛復道使歸一作

通秦奪馬悲公主登車泣貴嬪蕭關迷北上滄海欲

東巡敢料安危體猶多老大臣豈一作得無嵇紹血霑

灑屬車塵

聞說初東幸孤兒却走多難分太倉粟競棄魯陽戈

胡虜登前殿王公出御河得無一作忍中夜舞誰一作宜

憶大風歌春色生烽燧幽人泣薜蘿君臣重修德猶

足見時和

送梓州李使君之任故陳拾遺射洪人也篇末有云

籍甚黃丞相能名自潁川近看徐刺史還喜得吾賢

五馬何時到雙魚會早傳老思筇竹杖一作杖拄冬要

錦衾眠不作臨歧恨唯聽舉最先火雲揮汗日山驛

醒心泉遇害陳公殞于今蜀道憐君行射洪縣爲我
一潛然

王閬州筵奉酬十一舅惜別之作

萬壑樹聲滿千崖秋氣高浮舟

雲一作

出郡郭別酒寄

江濤良會不復久此生何太勞窮愁但

唯一作

有骨羣

盜尙如毛吾舅惜分手使君寒贈袍沙頭暮黃鵠失

侶自

一作亦

哀號

放船

送客蒼溪縣山寒雨不開直愁騎馬滑故作泛舟迴

青惜峯巒過黃知橘柚來江流大

天一作

自在坐穩興

悠哉

奉待嚴大夫

殊方又喜故人來重鎮還須濟世才常怪偏裨終日

待不知旌節隔年迴欲辭巴徼啼鶯合遠下荆門去
鷓催身老時危思會面一生襟一作懷抱向誰開

奉寄高常侍一云寄高三十五大夫

汶上相逢年頗多飛騰無那故人何總戎楚蜀應全
未方駕一云價曹劉不啻過今日朝廷須汲黯中原將
帥憶廉頗天涯春色催遲暮別淚遙添錦水波

奉寄章十侍御時初罷梓州刺史東川留後將赴朝廷

淮海維揚一俊人金章紫綬照青春指麾能事迴天
地訓練強兵動鬼神湘西不得歸關羽河內猶宜借
寇恂朝覲從容問幽仄勿云江漢有一作老垂綸

將赴荆南寄別李劍州

使君高義驅今古寥落三年坐劍州但見文翁能化
俗一作蜀焉知李廣未封侯路經灩澦雙蓬鬢天入滄

浪一釣舟戎馬相逢更何日春風回首仲宣樓

奉寄別馬巴州

時甫除京兆功曹在東川

勳業終

一作真

歸馬伏波功曹非

無一云

復漢蕭何

甫會任華

州司

扁舟繫纜沙邊久南國浮雲水上多獨把魚竿

終遠去難隨鳥

樊作鳥

翼一相過知君未愛春湖色興

在驪駒白玉珂

泛江

方舟不用楫極目摠無波長日容盃酒深江淨綺羅
亂離還奏樂飄泊且聽歌故國流清渭如今花正多
陪王使君晦日泛江就黃家亭子二首

山豁何時斷江平不肯流稍知花改岸始驗鳥隨舟
結束多紅粉歡娛恨白頭非君愛人客晦日更添一作

愁

有逕金沙軟無人碧草芳野畦連蛺蝶江檻俯鴛鴦
日晚煙花亂風生錦繡香不須吹急管衰老易悲傷

南征

春岸桃花水雲帆楓樹林偷生長避地適遠更霑襟
老病南征日君恩北望心百年歌自苦未見有知音

久客

羈旅知交態淹留見俗情衰顏聊自哂小吏最相輕
去國哀王粲傷時哭賈生狐狸何足道豺虎正

亂一作

縱橫

春遠

肅肅花絮晚菲菲紅素輕日長唯鳥雀春遠獨柴荆
數有關中亂何曾劍外清故鄉

一作

歸不得地入亞

夫營

暮寒

露隱平郊樹風含廣岸波沉沉春色靜慘慘暮寒多
戍鼓猶長擊林鷺遂不歌忽思高宴會朱袖拂雲和

雙鷺

旅食驚雙鷺

一作雙飛鷺

銜泥入此堂應同避燥溼且復

過

一作過

炎涼養子風塵際來時道路長今秋天地在

吾亦離殊方

百舌

百舌來何處重重祇報春知音兼衆語整翮豈多身
花密藏難見相一云難見枝高聽轉新過時如發口君側
有讒人

地隅

江漢山重阻風雲地一隅年年非故物處處是窮途

喪亂秦公子悲涼秋一云楚大夫平生心已折行路日

荒蕪

游子

巴蜀愁誰語吳門興杳然九江春草外三峽暮帆前
厭就成都卜休為吏部眠蓬萊如可到衰白問羣仙

歸夢

道路時通塞江山日寂寥偷生唯一老伐叛已三朝
雨急青楓暮雲深黑水遙夢歸歸未得一作夢魂歸亦得不用

楚辭招

江亭王閬州筵餞蕭遂州

離亭非舊國春色是他鄉老畏歌聲斷短一云愁隨吳作

從舞曲長二天開悲一云寵餞五馬爛生輝一作光川路

風煙接俱宜看一云下鳳皇

絕句二首

遲日江山麗
春風花草香
泥融飛鷺子
沙暖睡鴛鴦
江碧鳥逾白
山青花欲燃
今春看又過
何日是歸年

滕王亭子

在玉臺觀內王調露年中在閩州刺史

君王臺榭枕巴山
萬丈丹梯尚可攀
春日鸞啼修竹裏
仙家犬吠白雲間
清江錦碧一作碧石傷心麗嫩蘂
濃花滿目斑
人到于今歌出牧
來遊此地不知還

玉臺觀

滕王造

中天積翠玉臺虛一云
遙上帝高居
絳節朝遂有馮夷
來擊鼓
始知羸女善吹簫
江光隱見鼉鼉窟
石勢參差一云差池
烏鵲橋更肯有一云有
紅顏生羽翼吳作翰
便應黃

髮老漁樵

滕王亭子

寂寞春山路君王不復行古牆猶竹色虛閣自松聲
鳥雀荒村暮雲霞過客情尚思歌吹入千騎把霓旌

玉臺觀 滕王造

浩劫因王造 起一云 平臺訪古遊綵雲蕭史駐文字魯

恭留宮闕通羣帝乾坤到十洲人傳有笙鶴時過此

北一云 山頭

渡江

春江不可 用一作 渡二月已風濤舟楫欹斜疾 甚一作 魚

龍偃臥高渚花兼 陳作張 素錦汀草亂青袍戲問垂綸

客悠悠見 是一作 汝曹

喜雨

南國旱 早一作 無雨今朝江出雲入空纔漠漠灑迴已

紛紛巢鷺高飛盡林花潤色分晚來聲不絕應得夜

深聞

送韋郎司直歸成都

竄身來蜀地同病得韋郎天下干

一作兵

戈滿江邊歲

月長別筵花欲暮春日鬢俱蒼

一二云春鬢色俱蒼

為問南溪竹

一云

抽梢合過牆

余草堂在成都西郭

將赴成都草堂途中有作先寄嚴鄭公五首

得歸茅屋赴成都直

真一云

為文翁再剖符但使閭閻

還揖讓敢論松竹久荒蕪魚知丙穴由來美酒憶鄣

筒不用酤五馬舊曾諳小徑幾回書札待潛夫

處處青江帶白蘋故園猶得見殘春雪山片堠無兵

馬錦里逢迎有主人休怪兒童延俗客不教鵝鴨惱

比鄰習池未覺風流盡况復荊州賞更新

竹寒沙碧浣花溪菱

一作橘

刺藤梢咫尺迷過客徑須

愁出入居人不自解東西書籤藥裏封蛛網野店山

橋送馬蹄豈肯一作藉荒庭春草新月一作色先判一飲醉

如泥

常苦沙崩損藥欄也從江檻落風湍新松恨不高作不

長千尺惡竹應須斬萬竿生理祇憑黃閣老衰顏作一

容欲付赴一作紫金丹三年奔走空皮骨信有人間行

路難

錦官館一作城西生事微一作錦官生烏皮几在還思歸

昔去為憂亂兵入今來已恐鄰人非側身天地更懷

古迴首風塵甘息機共說總戎雲鳥陣不妨遊子芟

荷衣

別房太尉墓閬州

他鄉復行役駐馬別孤墳近淚無乾土低空空山云有

斷雲對碁陪謝傅把劍覓徐君唯見林花落鷺啼送客聞

自閬州領妻子却赴蜀山行三首

汨汨

一作揖揖又作滄滄音蟄

避羣盜悠悠經十年不成向南國復

作遊西川物役水虛照魂傷山寂然我生無倚著盡

室畏途邊

長林偃風色迴復

首一云

意猶迷衫裏翠微潤馬銜青

草嘶棧

逕一云

懸斜避石橋斷却尋溪何日干

一作兵

戈

盡飄飄愧老妻

行色遞隱見人煙時有無僕夫穿竹語稚子入雲呼

轉石驚魑魅抨弓落狄廳真供一笑樂似欲慰窮途

山館

草堂本作移居公安山館

南國晝多霧北風天正寒路危行木杪身遠

樊作迴

宿

雲端山鬼吹燈滅廚人語夜闌鷄鳴問前館世亂敢求安

行次鹽亭縣聊題四韻奉簡嚴遂州蓬州兩使君諮議諸昆季

馬首見鹽亭高山擁縣青雲溪花淡淡一云漠漠春郭水

泠泠全蜀多名士嚴家聚德星長歌意無極好為老

夫聽

倚杖鹽亭縣作

看花雖郭內外一云倚杖即溪邊山縣早休市江橋春

聚船狎野一云鷗輕白浪日一云歸雁喜青一作清天物色

兼生意淒涼憶去年

陪王漢州留杜綿州泛房公西湖

舊相恩追後春池賞不稀闕庭分未到舟楫有光輝

歧化萼絲熟刀鳴鱸縷飛使君雙阜蓋灘淺正相依

舟前小鵝兒

漢州城西北角官池作

鵝兒黃似酒對酒愛新鵝引頸嗔船逼

一作過

無行亂

眼多翅開遭宿雨力小困滄波客散層城暮狐狸奈若何

得房公池鵝

房相西池鵝一羣眠沙泛浦白於

一作如

雲鳳皇池上

應迴首為報籠隨王右軍

答楊梓州

悶到房公池水頭坐逢楊子鎮東州却向青溪不相見迴船應載阿戎遊

登樓

花近高樓傷客心萬方多難此登臨錦江春色來

云一

流水天地玉壘浮雲變古今北極朝廷終不改西山寇盜莫相侵可憐後主還祠廟日暮聊爲梁甫吟

春歸

苔逕臨江竹茅簷覆地花別來頻甲子倏忽一作歸到又

春華倚杖看孤石傾壺就淺沙遠鷗浮水靜輕鷺受

風斜世路雖多梗吾生亦有涯且應此身醒復醉乘

興卽爲家

歸鴈

東來萬里客亂定走一云幾年歸腸斷江城鴈高高正

一作向北飛

贈王二十四侍御契四十韻

往往雖相見飄飄媿此身不關輕紱冕俱是避風塵
一別星橋夜三移斗柄春敗亡非赤壁奔走爲黃巾

子

爾一作

去向瀟灑余藏異隱淪書成無過鴈衣故有

懸鶉恐懼行裝數伶俜臥疾

病一云

頻曉鶯工迸淚秋

月解傷神會面嗟驚黑含悽話苦辛接輿還入楚王

粲不歸秦錦里殘丹竈花溪得釣綸消

一作

中祇自

惜晚起索誰親伏柱聞周史乘槎有漢臣鴛鴻不易

狎龍虎未宜馴客則

即一云

挂冠至交非傾蓋新由來

意氣合直取性情真浪跡同生死無心取賤貧偶然

存蔗芋幸各對松筠麤飯依他日窮愁怪此辰女長

裁褐穩男大卷書勻滿口江如練蠶崖雪似銀名園

當翠巘野棹沒青蘋屢喜王侯宅時邀

一作

江海人

追隨不覺晚款曲動彌旬但使芝蘭秀何煩

一作

棟

宇鄰山陽無俗物鄭驛正留賓出入並鞍馬光輝參

一作

席珍重遊先主廟更歷少城闈石鏡通幽魄琴

臺隱絳唇送終惟糞土結愛獨荆榛置酒高林下觀
碁積水濱區區甘累跼稍稍息勞筋網聚粘圓鯽絲
繁煮細葷長慨一云歌敲柳瘦小睡憑藤輪農月須知
課田家敢忘勤浮生難去食良會惜清晨列國兵戈
暗今王德教溇要聞除禦狵休作畫麒麟洗眼看輕
薄虛懷任屈伸莫令膠漆地萬古重雷陳

寄董卿嘉榮十韻

聞道君牙帳防秋近赤霄下臨千雪嶺一作千却背

五繩橋海內久戎服京師今晏朝犬□曾爛熳宮闕

尚蕭條猛將宜嘗膽龍泉必在腰黃圖遭汚辱月窟

可焚燒會取干戈利無令斥候驕居然雙捕虜自是

一嫖姚落日思輕騎高一作秋天憶射雕雲臺畫形像

皆爲掃氛妖

寄司馬山人十二韻

關內昔分袂天邊今轉蓬驅馳不可說談笑偶然同
 道術曾留意先生早擊蒙家家迎薊子處處識壺公
 長嘯峨眉北潛行玉壘東有時騎猛虎虛室使仙童
 髮少何勞白顏衰肯更紅望雲悲轍軻畢景羨冲融
 喪亂形仍役淒涼信不通懸旌要路口倚劍短亭中
 永作殊方客殘生一老翁相哀骨可換亦遣馭清風

寄李十四員外布十二韻

新除司議郎兼萬州別駕雖尚伏枕已聞理裝

名參漢望苑職述景題輿巫峽將之郡荆門好附書
 遠行無自苦內熱比何如正是炎天闊那堪野館疎
 黃牛平駕浪畫鷁上凌虛試待盤渦歇方期解纜初
 悶能過小徑自一作為摘嘉蔬渚柳元幽僻村花不
 掃除宿陰繁素柰過雨亂紅蕖寂寂夏先晚泠泠風

有餘江清心可瑩竹冷髮堪宜一云梳直作移巾几秋

帆發弊廬

歸來

客裏有所過適一作歸來知路難開門野鼠走散帙壁

魚乾洗杓開新醞低頭拭小盤小冠云著憑誰給麴蘖

細酌老江干

王錄事許修草堂貲不到聊小詰

爲嗔王錄事不寄草堂貲昨屬愁春雨能忘欲漏時

寄邛州崔錄事

邛州崔錄事聞在果園坊坊名在成都久待無消息終朝

有底忙應愁江樹遠怯見野亭荒浩蕩風塵一作煙外

誰知酒熟香

過故斛斯校書莊二首老儒艱難時病於庸蜀歎其沒後方授一官英華注云公名

此老已云歿鄰人嗟亦休未一云歿竟無宣室召徒有

茂陵求妻子寄他食園林非昔遊空堂總帷在淅淅

野風秋

鷺入非傍舍鷗歸祇故池斷橋無復板臥柳自生枝
遂有山陽作多慚鮑叔知素交零落盡白首淚雙垂

立秋雨院中有作

山雲行絕塞大火復西流飛雨動華屋蕭蕭梁棟秋
窮途愧知己暮齒借前籌已費清晨謁那成長者謀
解衣開北戶高枕對南樓樹溼風涼進江喧水氣浮
禮寬心有適節爽病微瘳主將歸調鼎吾還訪舊邱

軍城早秋

嚴武

昨夜秋風入漢關朔雲邊雪月一作滿西山更催飛將

追驕虜莫遣一作放沙場匹馬還

奉和

秋風嫋嫋動高旌玉帳分弓射虜營已收滴博雲間
戍更奪胡三省取蓬婆雪外城

院中晚晴懷西郭茅舍

幕府秋風日夜清澹雲疎雨過高城葉心朱實看一作
堪時落階面青苔先自生復有樓臺銜暮景不勞鐘
鼓報新晴浣花溪裏花饒笑肯信吾兼一作今吏隱名

到村

碧澗雖多雨秋沙先去聲陳少泥蛟龍引子過荷芰

逐花低老去參戎幕歸來散馬蹄稻梁須就列榛草

即相迷蓄積思江漢疎頑吳作頑惑一作感町畦稍吳作

酬知己分還入故林栖

宿府

清秋幕府井梧

一作桐

寒獨宿江城蠟炬

一作燭

殘永夜

角聲悲自語中天月色好誰看風塵荏苒音書絕關

塞蕭條行路難已忍伶俜十年事強移栖息一枝安

遣悶奉呈嚴

吳本有鄭字

公二十韻

白水魚竿客清秋鶴髮翁胡爲來

一作居

幕下祇合在

舟中黃卷真如律青袍也

夜一音

自公老妻憂坐痺幼

女問頭風平地專欹倒分曹失異同禮甘衰力就義

忝上官通疇昔論詩早光輝仗鉞雄寬容存性拙翦

拂念途窮露裏思藤架煙霏想桂叢信然龜觸網直

作鳥窺籠西嶺紆村北南江遶舍東竹皮寒舊翠椒

實雨新紅浪簸船應坼杯乾甕卽空藩籬生野徑斤

斧任樵童束縛酬知己蹉跎効小忠周防期稍稍太

簡遂忽忽曉入朱扉啓昏歸畫角終不成尋別業未
敢息微躬烏鵲愁銀漢鴛鴦駘怕錦幪會希全物色時
放倚梧桐

送舍弟頻

草堂本
作穎

赴齊州三首

岷嶺南蠻北徐關東海西此行何日到送汝萬行啼
絕域惟高枕清風獨杖藜危時暫相見衰白意都迷
風塵暗不開汝去幾時來兄弟分離苦形容老病催
江通一柱觀日落望鄉臺客意長東北齊州安在哉
諸姑今海畔兩弟亦山東去傍干戈覓來看道路通
短衣防戰地匹馬逐秋風莫作俱流落長瞻碣石鴻

嚴鄭公堦下新松

得霑字

弱質豈自負移根方爾瞻細聲聞一作玉帳疎翠近
珠簾未見紫煙集虛蒙清露霑何當一百丈欹蓋擁

高簷

嚴鄭公宅同詠竹

得香字

綠竹半含籜新梢纔出牆色侵書帙晚陰過酒樽涼
雨洗娟娟淨風吹細細香但令無翦伐會見拂雲長

奉觀嚴鄭公廳事岷山沱江畫圖十韻

得志字

沱水流

一作臨

中座岷山到

一作對

此

一作北

堂白波吹

一作

侵

粉壁青嶂插雕梁直訝杉松冷兼疑菱荇香雪雲

虛點綴沙草得微茫嶺雁隨毫末川蛻飲練光霏紅

洲蘂亂拂黛石蘿長暗谷

一作谷暗

非關雨丹楓

一作楓丹不

爲霜秋成

一作城

元圃外景物洞庭旁繪事功殊絕幽

襟興激昂從來謝太傅邱壑道難忘

晚秋陪嚴鄭公摩訶池泛舟

得溪字

湍駛風醒酒船迴

一作行

霧起隄高城秋自落雜樹晚

相迷坐觸鴛鴦起巢傾翡翠低莫須驚白鷺爲伴宿
青溪

初冬

垂老戎衣窄歸休寒色

氣一云

深漁舟上急水獵火著

高林日有習池醉愁來梁甫吟干戈未偃息出處遂
何心

至後

冬至至後日初長遠在劍南思洛陽青袍白馬有何
意金谷銅駝非故鄉梅花欲開不自覺棣萼一別永
相望愁極本憑詩遣興詩成吟詠轉淒涼

正月三日歸溪上有作簡院內諸公

野外堂依竹籬邊水向城蟻浮仍臘味鷗泛已春聲
藥許隣人斲書從稚子擎白頭趨幕府深覺負平生

弊廬遣興奉寄嚴公

野水平橋路春沙映竹村風輕粉蝶喜花暖蜜蜂喧
 把酒且宜一作深酌題詩好細論府中瞻暇日江上憶
 詞源跡寄一作朝廷舊情依節制尊還思長者轍恐
 避席為門

春日江村五首

農務村村急春流岸岸深乾坤萬里眼時序百年心
 茅屋還堪賦桃源自可尋艱難賤陳一作淺生理飄泊
 到如今

迢遞來三蜀蹉跎有一作六年客身逢故舊發興自

林泉過懶從衣結頻遊任履穿藩籬無限景陳川本並

恣意買向一作江天

種竹交加翠栽桃爛熳紅經心石鏡月到面雪山風

赤管隨王命銀章付老翁豈知牙齒落名玷薦賢中

扶病垂朱紱歸休步紫苔郊扉存一作在晚計幕府媿

羣材燕外晴絲卷鷗邊水葉開鄰家送魚鼈問我數

能來

羣盜哀王粲中年召賈生登樓初有作前席竟爲榮
宅入先賢傳才高處士名異時懷二子春日復含情

絕句六首

日出籬東水雲生舍北泥竹高鳴翡翠沙僻舞鷗一作

鷗鷄

藹藹花蘂亂飛飛蜂蝶多幽棲身懶動客至欲如何

鑿井交樓葉吳若本注交樓作井綆也開渠斷竹根扁舟輕裊纜小

逕曲通村

急雨捎溪足斜暉轉樹腰隔巢黃鳥並翻藻白魚跳

舍下筍穿壁庭中藤刺一作到簷地晴絲冉冉江白草

纖纖

江動月移石溪虛雲傍花鳥棲知故道帆過宿誰家

絕句四首

堂西長筍別開門塹北行椒却背村梅熟許同朱老

喫松高擬對阮生論朱阮劍外相知

欲作魚梁雲復一作覆湍因驚四月雨聲寒青溪先有

蛟龍窟竹石如山不敢安

兩箇黃鸝鳴翠柳一行白鷺上青天窗含西嶺千秋

雪門泊東吳萬里船西山白雪四時不消

藥條藥一作菜甲潤青青色過棕亭入草亭苗滿空山

慚取譽根居隙地怯成形

杜工部集卷第十三

杜工部集卷第十四目錄

近體詩一百十九首

哭嚴僕射歸櫬

宴戎州楊使君東樓

渝州候嚴六侍御不到先下峽

撥悶

聞高常侍亡

宴忠州使君姪宅

禹廟

題忠州龍興寺所居院壁

旅夜書懷

別常徵君

十二月一日三首

又雪

奉漢中王手札

贈崔十三評事公輔

長江二首

承聞故房相公靈櫬歸葬東都二首

雲安九日鄭十八攜酒陪諸公宴

答鄭十七郎一絕

將曉二首

懷錦水居止二首

子規

立春

漫成一絕

老病

南楚

寄常徵君

寄岑嘉州

移居夔州郭

船下夔州郭宿雨溼不得上岸別王十二判官

雨不絕

崔評事弟許相迎不到走筆戲簡

宿江邊閣

夜宿西閣曉呈元二十一曹長

西閣口號

西閣雨望

不離西閣二首

西閣三度期大昌嚴明府同宿不到

西閣二首

閣夜

西閣夜

灑西寒望

入室三首

赤甲

卜居

暮春題灑西草屋五首

園

豎子至

示獠奴阿段

秋野五首

溪上

樹間

課小豎鋤斫舍北果林枝蔓荒穢淨訖移牀三首

寒雨朝行視園樹

季秋江村

小園

自灑西荆扉且移居東屯茅屋四首

茅堂檢校收稻二首

東屯月夜

東屯北嶼

從驛次草堂復至東屯二首

暫往白帝復還東屯

刈稻了詠懷

上白帝城

上白帝城二首

武侯廟

八陣圖

謁先主廟

白鹽山

灩澦堆

灩澦

白帝

白帝城樓

曉望白帝城鹽山

白帝城最高樓

白帝樓

陪諸公上白帝城頭宴越公堂之作

峽隘

諸葛廟

峽口二首

天池

瞿塘兩崖

夔州歌十絕句

上卿翁請修武侯廟

杜工部集卷第十四目錄

杜工部集卷第十四

近體詩一百十九首

行過戎渝州居雲安夔州作

哭巖僕射歸櫬

素幔隨流水歸舟返舊京老親如宿昔部曲異平生

風送

逆一作

蛟龍雨

匣一作

天長驃騎營一哀三峽暮遺

後見君情

宴戎州楊使君東樓

勝絕驚身老情忘發興奇座從歌妓密樂任主人爲

重碧拈

一作拈

一作拈

春

一作筒

酒輕紅擘荔枝樓高欲愁

思橫笛未休吹

渝州候巖六侍御不到先下峽

聞道乘驄發沙邊待至今不知雲雨散虛費短長吟

山帶烏蠻闊江連白帝深船經一柱觀留眼

一作滯

共

登臨

撥悶

一云贈巖
二別駕

聞道雲安麴米春纔傾一盞卽醺人乘舟取醉非難
事下峽消愁定幾巡長年三老遙憐汝楫柂開頭一作
鳴鏡捷有神已辦青錢防雇直當令美味入吾唇

聞高常侍亡

忠州作

歸朝不相見蜀使忽傳亡虛歷金華省何殊地下郎
致君丹檻折哭友白雲長獨步詩名在祇令故舊傷
宴忠州使君姪宅

出守吾家姪殊方此日歡自須遊阮巷一作不是怕

湖灘樂助長歌逸一作杯饒旅思寬昔曾

如意舞牽率強爲看

禹廟

禹廟空山裏秋風落日斜荒庭垂橘柚古屋畫龍虵
雲氣生虛壁清壁一云嘘江聲走白沙早知乘四載疏鑿

一云流落控三巴

題忠州龍興寺所居院壁

忠州三峽內井邑聚雲根小市常爭米孤城早閉門
空一作豈看過客淚莫覓主人恩淹泊仍愁虎深居賴

獨園

旅夜書懷

細草微風岸危檣獨夜舟星垂平野闊月湧大江流
名豈文章著官應老病休飄飄一作零何所似天地一作

外一沙鷗星垂俗本多作星隨

別常徵君

兒扶猶杖策臥病一秋強白髮少新洗寒衣寬總長

故人憂見及此別淚相忘各逐萍流轉來書細作行

十二月一日三首

今朝臘月春意動雲安縣前江可憐一聲何處送書

雁百丈誰家上水

一作瀨

船未將梅藥驚愁眼要

一作更

取楸

一作楸

花媚遠天明光起草人所羨肺病幾時朝

日邊

寒輕市上山烟碧日滿樓前江霧黃負鹽出井此谿

女打鼓發船何郡郎新亭舉目風景切茂陵著書消

渴長春花不愁不爛漫楚客唯聽棹相將

即看鷺子入山扉豈有黃鸝歷翠微短短桃花臨水

岸輕輕柳絮點人衣春來準擬開懷久老去親知見

面稀他日一盃難強進重嗟筋力故山違

又雪

南雪不到地青崖露未消微微向日薄脈脈去人遙
冬熱鴛鴦病峽深豺虎驕愁邊有江水焉得北之朝

奉漢中王手札

國有乾坤大王今叔父尊剖符來蜀道歸蓋取荆門
峽險通舟過陳作峻江長注海奔主人留上客避暑得

名園前後緘書報分明饌玉恩天雲浮絕壁風竹在
華軒已覺良宵永陳作逸何看駭浪翻入期朱邸雪朝

傍紫微垣枚乘文章老河間禮樂存悲秋宋玉宅失
路武陵源淹薄俱崖口東西異石根夸音迷咫尺鬼

物傍一作倚黃昏犬馬誠為戀狐狸不足論從容草奏

罷宿昔奉清罇

贈崔十三評事公輔

飄飄吳作西極馬來自渥洼池颯飄定一作寒山桂一作鄧

低徊風雨枝我聞龍正直道屈爾何爲且有元戎命

悲歌識者誰

吳作知

官聯辭冗長行路洗敬危脫劍主

人贈去帆春色隨陰沉鐵鳳闕教練羽林兒天子朝

侵早雲臺仗數移分軍應供給百姓日支離黠吏因

封己公才或守雌燕王買

賈一作

駿骨涓老得熊羆活

國名公在拜壇羣寇疑冰壺動搖碧野水失蛟螭入

幕諸彥集渴賢高選宜騫騰坐可致九萬起於斯復

進出矛戟昭然開鼎彝會看之子貴歡及老夫衰豈

但江曾決還思霧一披暗塵生古鏡拂匣照西施舅

氏多人物無慚困翮垂

長江二首

衆水會涪萬瞿塘爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事卽飛翻

浩浩終不息乃知東極臨

一作深

衆流歸海意萬國奉

君心色借瀟湘闊聲馳灩澦深

一作沈

未辭添霧雨接

上遇

一作過

衣襟

承聞故房相公靈櫬自閬州啓殯歸葬東都有

作二首

遠聞房太守

一作尉

歸葬陸渾山一德興王後孤魂久

客間孔明多故事安石竟崇班他日嘉陵涕仍霑楚

水還

丹旄飛飛日初傳發閬州風塵終不解江漢忽同流

劍動新

趙云善本作親

身匣書歸故國樓盡哀知有處爲客

恐長休

雲安九日鄭十八攜酒陪諸公宴

寒花開已盡菊蕊獨盈枝舊摘人頻異輕香酒斝隨

地偏初衣袂山擁更登危萬國皆戎馬酣歌淚欲垂
答鄭十七郎一絕

雨後過畦潤花殘步履遲把文驚小陸好客見當時

將曉二首

石城除擊柝鐵鎖欲開關鼓角悲荒塞星河落曙山
巴人常小梗蜀使動無還垂老孤帆色飄飄犯百

一作蠻

一作

軍吏回官燭舟人自楚歌寒沙蒙薄霧落月去清波
壯惜身名晚衰慚應接多歸朝日簪笏筋力定如何
懷錦水居止二首

軍旅西征僻風塵戰伐多猶一作獨聞蜀父老不忘舜

謳歌天險終難立柴門豈重過朝朝巫峽水遠逗錦

江波

萬里橋南

當作西

宅百花潭北莊層軒皆面水老樹飽

經霜雪嶺界天白錦城曛日黃惜哉形勝地回首一

茫茫

子規

峽裏雲安縣江樓翼瓦齊兩邊山木合終日子規啼
眇眇春風見蕭蕭夜色淒客愁那聽此故作傍人低

一作故傍旅人低

立春

春日春盤細生菜忽憶兩京梅發時盤出高門行白
玉菜傳纖手送青絲巫峽寒江那對眼杜陵遠客不
勝悲此身未知歸定處呼兒覓紙一題詩

漫成一絕

江月去人只數尺風燈照夜欲三更沙頭宿鷺聯拳

靜

一作起

船尾跳魚撥

一作跋

刺鳴

老病

老病巫山裏稽留楚客中藥殘他日裏花發去年叢
夜足霑沙雨春多逆水風合分雙賜筆猶作一飄蓬

南楚

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離羣

寄常徵君

白水青山空復春徵君晚節傍風塵楚妃堂上色殊
衆海鶴堦前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

寄岑嘉州

州據蜀
江外

不見故人十年餘不道故人無素書願逢顏色關塞

遠豈意出守江城居外江三峽且相接斗酒新詩終
日一作自疎謝眺每篇堪諷誦馮唐已老聽吹噓泊船
秋夜經春草伏枕青楓限玉除眼前所寄選何物贈
子雲安雙鯉魚

移居夔州郭

伏枕雲安縣遷居白帝城春知催柳別江與一作已放
船清農事聞人說山光見鳥情禹功饒斷石且就土
微平

船下夔州郭宿雨溼不得上岸別王十二判官
依沙宿舸船石瀨月娟娟風起春燈亂江鳴夜雨懸
晨鐘雲外晉作岸溼勝地石堂烟柔櫓輕鷗外含悽覺

汝賢

雨不絕

鳴雨既過漸細

晉作
細雨

微映空搖颺如絲飛堦前短草

泥不亂院裏長條風乍稀舞石旋應將乳子行雲莫

自溼仙衣眼邊江舸何忽促未待

晉作
得

安流逆浪歸

崔評事弟許相迎不到應慮老夫見泥雨怯出

必愆佳期走筆戲簡

江閣要賓許馬迎午時起坐自天明浮雲不負青春
色細雨何孤白帝城身過花間霑溼好醉於馬上往
來輕虛疑皓首衝泥怯實少銀鞍傍險行

宿江邊閣

暝色延山逕高齋次水門薄雲巖際宿孤月浪中翻

鸛鶴追飛靜

一作
盡

豺狼得食喧不眠憂戰伐無力正

乾坤

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀
門鵲晨光起喜一作牆一作烏宿處飛寒江流甚細有
意待人歸

西閣口號呈元二

山木抱雲稠寒江繞上頭雪崖纔變石風幔不依樓
社稷堪流涕安危在運籌看君話王室感動幾銷憂

西閣雨望

樓雨霑雲幔山寒一作著水城逕添沙面出湍減石
稜生菊藥淒疎放松林駐遠情滂沱朱檻溼萬一作

慮傍一作簷楹

不離西閣二首

江柳非時發江花冷色頻地偏應有瘴臘近已含春
失學從愚子無家住一作老身不知西閣意肯別定

留一作何人

西閣從人別人今亦故亭江雲飄素練一作石壁斷

一作斬空青滄海先迎日銀河倒列星平生耽勝事吁

駭始初經

西閣三度期大昌嚴明府同宿不到

問子能來宿今疑索故要匣琴虛夜夜手板自朝朝

金吼霜鐘徹花催臘一作炬銷早鳧江檻底雙影漫

飄颻

西閣二首

巫山小搖落碧色見松林百鳥各相命孤雲無一作非

自心層軒俯江壁要路亦高深朱紱猶紗帽新詩近

玉琴功名不早立衰病一作疾謝知音哀世非一作無王

粲終然一作朝學越吟

懶心似江水日夜向滄洲不道含香賤其如鑷白休

經過調凋一作碧柳蕭索瑟一作倚朱樓畢娶何時竟消

中得自由豪榮一作華看古往服食寄冥搜詩盡人間

興兼須入海求

閣夜

歲暮陰陽催短景天涯霜雪霽寒宵五更鼓角聲悲

壯三峽星河影動搖野哭幾千晉作家聞戰伐夸歌數

是晉作處起漁樵臥龍躍馬終黃土人事依依漫音塵一作

音書日一作頗一作寂寥

西閣夜

恍惚寒山暮逶迤白霧昏山虛風落石樓靜月侵門

擊柝可憐子無衣何處村時危關百慮盜賊爾猶存

灑西寒望

水色含羣動朝光切太虛年侵一作終頻悵望興遠一

蕭疎猿挂時相學鷗行炯自如瞿塘春欲至定卜瀼

西居

入宅三首赤甲白鹽二山

奔峭背赤甲斷崖當白鹽客居愧遷次春色漸多添

花亞欲移竹鳥窺新捲簾衰年不敢恨勝概欲相兼

亂後居難定春歸客未還水生魚復音腹浦雲暖麝香

山半冷爨作頂梳頭白過眉拄杖斑相看多使者一一

問函關

宋玉歸州宅雲通白帝城吾人淹老病旅食豈才名

峽口風常急江流氣不平只應與兒子飄轉任浮生

赤甲

卜居赤甲遷居新兩見巫山楚水春炙背可以獻天

子美芹由來知野人
荊州鄭薛寄書近
蜀客郝岑非
我鄰笑接郎中評
事飲病從深酌
道吾真

卜居

歸羨遼東鶴吟同
楚執珪未成遊
碧海著處覓丹梯
雲障陳作嶂寬江左北云春耕破灤西
桃紅客若至定

似昔一作晉人迷

暮春題灤西新賃草屋五首

久嗟三峽客再與暮春期
百舌欲無語繁花能幾時
谷虛雲氣薄波亂日華遲
戰伐何由定哀傷不在茲
此邦千樹橘不見比封君
養拙干戈際全生麋鹿羣
畏人江北草旅食灤西雲
萬里巴渝曲三年實飽聞
綵雲陰復白錦樹曉晉作晚來青身世雙蓬鬢
乾坤一草亭哀歌時自短
醉舞為誰醒細雨荷鋤立
江猿吟

翠屏

壯年

晉作志

學書劍他日委泥沙事主非無祿浮生卽

有涯高齋依藥餌絕域改春華喪亂丹心破王臣未

一家

欲陳濟世策已老尙書郎未息豺虎鬪空慚鴛鷺行

時危人事急

晉作惡

風逆

晉作急

羽毛傷落日悲江漢中

宵淚滿床

園

仲夏流多水清晨向小園碧溪搖艇闊朱果爛枝繁

始爲江山靜終防市井喧畦蔬繞茅屋自足媚盤飧

豎子至

檀梨且

一作纒

綴碧梅杏半傳黃小子幽園至輕籠熟

柰香山風猶滿把野露及新嘗欲寄

一作敬枕

江湖客提

攜日月長

示獠奴阿段

山木蒼蒼落日曛竹竿裊裊細泉分郡人入夜爭餘

瀝豎

一作雅

子尋源獨不聞病渴三更迴白首傳聲一

注溼青雲曾驚陶侃胡奴異怪爾常穿虎豹羣

秋野五首

秋野日疏

一作荒

蕪寒江動碧虛繫舟蠻井絡

一作路

卜

宅楚村墟棗熟從

一作行

人打葵荒欲自

一作且

鋤盤飧

老夫食分減及溪

一作樵

魚

易識浮生理難教一物違水深魚極樂林茂鳥知歸

吾老甘貧病榮華有是非秋風吹几杖不厭此

一作北

山薇

禮樂攻吾短山林引興長掉頭紗帽及曝背竹書光

風落收松子天寒割蜜房
稀疎小紅翠駐屐近微香
遠岸秋沙白連山晚照紅
潛鱗輸駭浪歸翼會高風
砧響家家發樵聲箇箇同
飛霜任青女賜被隔南宮
身許騏麟畫年衰鴛鴦羣
大江秋易盛空峽夜多聞
逕隱千重石帆留一片雲
兒童解蠻語不必作參軍

溪上

峽內淹留客溪邊四五家
古苔生迹一作濕地秋竹
隱疎花塞俗人無井山田
飯有沙西江使船至時復
問京華

樹間

岑寂雙甘樹婆娑一院香
交柯低几杖垂實礙衣裳
滿歲如松碧同時待菊黃
幾迴霑葉一作落露乘月坐
胡牀

課小豎鉏斫舍北果林枝蔓荒穢淨訖移牀三

首一云秋日
閑居三首

病枕依茅棟荒鉏淨果林背堂資僻遠在野興清深

山雉防求敵江猿應獨吟洩雲高不去隱几亦無心

衆壑生寒早長林卷霧齊青蟲懸就日朱果落封一作

成泥薄俗防人一作狸一作面全身學馬蹄吟詩坐一作重一作迴

首隨意葛巾低

籬弱門何向沙虛岸只一作摧日斜魚更食客散鳥

還來寒水光難定秋山響易哀天涯稍曛黑倚杖更

獨一作徘徊

寒雨朝行視園樹

柴門雜樹向千株丹橘黃甘此地無江上今朝寒雨

歇籬中秀一作邊一作新色畫屏紆桃溪李逕年雖故一作古一作梔

子紅椒豔復殊鑠石藤稍元自落倚刊作天松骨見

來枯林香出實垂將盡葉蒂辭離一作枝不重蘇愛日

恩光蒙借貸清霜殺氣得憂虞衰顏更動一作覓藜床

坐緩步仍須竹杖扶散騎未知雲閣處啼猿僻在楚

山隅

季秋江村

喬木村墟古疎籬野蔓懸清素一作琴將暇日白首望

霜天登俎黃甘重支床錦石圓遠遊雖寂寞難見此

山川

小園

由來巫峽水本自楚人家客病留因藥春深買為花

秋庭風落果灑岸雨頽沙問俗營寒事將詩待物華

自灑西荆扉且移居東屯茅屋四首

白鹽危嶠北赤甲古城東平地一川穩高山四面同

烟霜淒野日秔稻熟天風人事傷蓬轉吾將守桂叢

東屯復瀼西一種住青溪來往皆陳作兼茅屋淹留爲

稻畦市喧宜近利西居近市林僻此無蹊若訪衰翁語須

令賸客迷

道北馮都使高齋見一川子能渠細石吾亦沼清泉

枕帶一作席還相似柴荆卽有焉斫畚應費日解纜不

知年

牢落西江外參差北戶間久遊巴子國吳作宅臥病楚

人山幽獨移佳境清深隔遠關寒空見鴛鷺迴首憶

晉作想朝班

茅堂檢校收稻二首

香稻三秋末平田百頃間喜無多屋宇幸不礙雲山

御袂侵寒氣嘗新破旅顏紅鮮終日有玉粒未吾慳
稻米炊能白秋葵煮復新誰云滑易飽老藉軟俱勻
種幸房州熟苗同伊闕春無勞映渠盃自有色如銀

東屯月夜

抱疾漂萍老防邊舊穀屯春農親異俗歲月在衡門
青女霜楓重黃牛峽水喧泥留虎鬪跡月挂客愁村
喬木澄稀影輕雲倚細根數驚聞雀噪暫睡想猿蹲
日轉東方白風來北斗昏天寒不成寢無夢寄一作有

歸魂

東屯北崦

盜賊浮生困誅求異俗貧空村惟見鳥落日未一作不
逢人步壑風吹面看松露滴身遠山迴白首戰地有

黃塵

從驛次草堂復至東屯二首

一本東屯下有茅屋二字

峽

陳作山

內

一作裏

歸田客

一作舍

江邊借馬騎

非尋戴安

道似向習家池峽險風烟僻

陳作合

天寒橘柚垂築場

看斂積一學楚人爲

短景難高臥衰年強此身山家蒸栗暖野飯射糜新

世路知交薄門庭畏客頻牧童斯

一作頌

在眼田父實

爲鄰

暫住白帝復還東屯

復作歸田去猶殘收穫稻功築場憐穴蟻拾穗許村童

落杵光輝白除

一作殊

芒子粒紅加殮可扶老倉庾

一作

廩

慰飄蓬

刈稻了詠懷

稻穫空雲水川平對石門寒風疎落

荆作草

木旭日散

雞豚野哭初聞戰樵歌稍出村無家問消息作客信
乾坤

上白帝城

城峻隨天壁樓高更

望一作

女牆江流思夏后風至憶

襄王老去聞悲角人扶報夕陽公孫初恃險躍馬意
何長

上白帝城二首

江城含變態一上一回新天欲今朝雨山歸萬古春
英雄餘事業衰邁久風塵取醉他鄉客相逢故國人
兵戈猶擁蜀賦斂強一作尚輸秦不是煩形勝深慚一作

愁畏損神

白帝空祠廟孤雲自往來江山城宛轉棟宇客徘徊
勇略今何在當年亦壯哉後人將酒肉虛殿日塵埃

谷鳥鳴還過林花落又開多慚病無力騎馬入青苔

武侯廟

遺廟丹青落

古一作

空山草木長猶聞辭後主不復臥

南陽

八陣圖

功蓋三分國名成八陣圖江流石不轉遺恨失吞吳

謁先主廟

慘澹風雲會乘時各有人力侔分社稷志屈偃經綸
復漢留長策中原仗老臣雜耕心未已歐血事酸辛
霸氣西南歎雄圖歷數屯錦江元過楚劍閣復通秦
舊俗存祠廟空山立泣一作鬼神虛簷交扶一作鳥道作一
過枯木半龍鱗竹送清青一作溪月苔移玉座春閨閣
兒女換歌舞歲時新絕域歸舟遠荒城繫馬頻如何

對搖落況乃久風塵孰荆作勢與關張並功臨耿鄧親

應一作繼天才不小得士晉作士契無鄰遲暮堪帷幄飄

零且鈞緡向來憂國淚寂寞洒衣巾

白鹽山

卓立羣峯外蟠根積水邊他皆任厚地爾一作我獨近

高天白榜千家邑清秋萬估一作里船詞人取佳句刻

畫竟誰傳英華作刷 練始堪傳

灩澦堆

巨積陳作石水中央江寒出水長沈牛答雲雨如馬戒

舟航天意存傾覆神功接混茫干戈連解纜行止憶

垂堂

灩澦

灩澦既沒孤根深西來水多愁太陰江天漠漠鳥雙

去風雨時時龍一吟舟人漁子歌迴首估客胡商淚
滿襟寄語舟航惡年少休翻鹽井橫一作云橫黃金

白帝

白帝城中雲出門

一作城頭雲若屯

白帝城下雨翻盆高江急

峽雷霆鬪翠

古一作

木蒼藤日月昏戎

去一作

馬不如歸

馬逸千家今有百

十一作

家存哀哀寡婦誅求盡慟哭

秋原何處村

白帝城樓

江度寒山閣城高絕塞樓翠屏宜晚對白谷會深遊
急急能鳴雁輕輕不下鷗彝陵春色起漸擬放扁舟

曉望白帝城鹽山

徐步移斑杖看山仰白頭翠深開斷壁紅

江一作

遠結

飛樓日出清

寒一作

江望暄和散旅愁春城見松雪始

擬進歸舟

白帝城最高樓

城尖徑昃

翼一作

旌旆愁獨立縹緲之飛樓峽坼雲霾

龍虎臥

吳作睡

江清日抱鼉鼉遊扶桑西枝對一作封斷

石弱水東影隨長流杖藜歎世者誰子泣血迸空迴

白頭

白帝樓

漠漠虛無裏連連睥睨侵樓光去日遠峽影入江深
臘破思端綺春歸待一金去年梅柳意還欲攪邊心

陪諸公上白帝城

吳有頭字

宴越公堂之作

此堂存古製城上俯江郊落構垂雲雨荒堦蔓草茅
柱穿蜂溜蜜棧缺燕添巢坐接春盃氣心傷豔藥梢
英靈如過隙宴衍願投膠莫問東流水一作清淺生涯

未卽拋

峽隘

聞說江陵府雲沙靜

一作淨

眇然白魚如切玉朱橘不

論錢水有遠湖樹人今何處船青山各

陳作若

在眼却

望峽中天

諸葛廟

久遊巴子國屢入武侯祠竹日斜虛寢溪風滿薄帷

君臣當共濟賢聖亦同時翊戴歸先主并吞更出師

蟲虵穿畫壁巫覡醉蛛絲歛憶吟梁父躬耕也

一作起

未遲

峽口二首

峽口大江間西南控百蠻城敵連粉堞岸斷更青山

開闢多

一作當

天險防隅一水關亂離聞鼓角秋氣動

衰顏

時清關失險世亂戟如林去矣英雄事荒哉割據心
蘆花留客晚楓樹坐猿深疲繭煩親故諸侯數賜金

主人相中丞
頻分月俸

天池

天池馬不到嵐壁鳥纔通百頃青雲杪層波白石中

鬱紆騰秀氣蕭瑟浸寒空直對巫山出一作峽兼疑夏

禹功魚龍開闢有菱芡一作菱古今同一云豐聞道奔雷

黑初看浴日紅飄零神女雨斷續楚王風欲問支機

石如臨獻寶宮九秋驚雁序萬里狎漁翁一作樵童更是

無人處誅勞一作茅任薄躬

瞿塘兩崖

三峽傳何處雙崖壯此門入天猶石色穿水忽雲根

猱獲鬚髯古蛟龍窟宅尊羲和冬一作馭近愁畏日

車翻

夔州歌十絕句

中巴之東巴東山江水開闢流其間白帝高為三峽

鎮夔州一作瞿塘險過百牢關

白帝夔州各異城蜀江楚峽混殊名英雄割據非天

意霸王并吞在物情

羣雄競起問一作聞前朝王者無外見今朝比訝漁陽

結怨恨元聽舜日舊簫韶

赤甲白鹽俱刺天閭閻繚繞接山巔楓林橘樹丹青

合複道重樓錦繡懸

灤東灤西一萬家江北江南晉作江南江北春冬花背飛鶴

子遺瓊菜相趁鳧雛入蔣牙

東屯稻畦一百頃北有澗水通青苗晴浴狎鷗分處
處雨隨神女下朝朝

蜀麻吳鹽自古通萬斛之舟行若風長年三老長歌

裏白晝

一作買

攤錢高浪中

江鄰幾雜志白馬灘前高浪中

憶昔咸陽都市合山水之圖張賣時巫峽曾經寶屏

見楚宮猶對碧峯疑

武侯祠堂

一作生祠

不可忘中有松柏參天長干戈滿地

客愁破雲日如火炎天涼

閩風元圃與蓬壺中有高堂

晉作唐

天下無借問夔州

壓何處峽門江腹擁城隅

上卿翁請修武侯廟遺像缺落時崔卿權夔州

大賢為政即多聞刺史真符不必分尚有西郊諸葛

廟臥龍無首對江濱

杜工部集卷第十四

杜工部集卷第十五目錄

近體詩一百四十三首

偶題

秋興八首

詠懷古跡五首

諸將五首

秋日夔府詠懷奉寄鄭監李賓客一百韻

贈李八祕書三十韻

寄劉峽州使君四十韻

夔府書懷四十韻

解悶十二首

復愁十二首

承聞河北諸道節度入朝歡喜口號十二首

喜聞盜賊蕃寇總退口號五首

洞房

宿昔

能畫

鬪雞

鸚鵡

歷歷

洛陽

驪山

提封

覆舟二首

垂白

草閣

江月

江上

中夜

江漢

白露

孟氏

吾宗

有歎

冬深

不寐

月圓

中宵

遣愁

秋清

傷秋

秋峽

南極

搖落

耳聾

獨坐二首

遠遊

夜

暮春

晴二首

雨

月三首

雨

晚晴

夜雨

更題

歸

返照

熱三首

日暮

八月十五夜月二首

十六夜翫月

十七夜對月

村雨

雨晴

晚晴吳郎見過北舍

暝

雲

月

雨四首

夜

晨雨

反照

向夕

曉望

雷

雨

朝二首

晚
夜二首

杜工部集卷第十五目錄

杜工部集卷第十五

近體詩一百四十三首

居夔州作

偶題

文章千古事得失寸心知作者皆殊列名聲豈浪垂
騷人嗟不見漢道盛於斯前輩飛騰入餘波綺麗爲
後賢兼舊列

一云制一云利別本作劍

歷代各清規法自儒家有心

從弱歲疲永懷江左逸多病

一作謝

鄴中奇駉驥皆良

馬騏驎帶好兒車輪徒已斲堂構惜

一作肯

仍虧漫作

潛夫論虛傳幼婦碑

一作詞

緣情慰漂蕩抱疾屢遷移

經濟慚長策飛棲假一枝塵沙傍蜂蠆江峽繞蛟螭

蕭瑟唐虞遠聯翩楚漢危聖朝兼盜賊異俗更喧卑

鬱鬱星辰劍蒼蒼雲雨池兩都開幕府萬寓插軍麾

南海殘銅柱東風避月支音書恨烏鵲號怒怪熊羆

稼穡分詩興柴荆學士宜故山迷白閣秋水隱一作憶
黃陂不敢要佳句愁來賦別離

秋興八首

玉露凋傷楓樹林巫山巫峽氣蕭森江間波浪兼天湧
塞上風雲接地陰叢菊兩一作重開他日淚孤舟一繫
故園心寒衣處處催刀尺白帝城高急暮砧

夔府孤城落日斜每依南一作北斗望京華聽猿實下

三聲淚奉使虛隨八月查畫省香爐違伏枕山樓粉堞
隱悲笳請看石上藤蘿月已映洲前蘆荻花

千家山郭靜朝暉日日一作百處江樓坐翠微信宿漁人

還汎汎清秋鷺子故飛飛匡衡抗疏功名薄劉向傳
經心事違同學少年多不賤五陵衣馬自輕肥

聞道長安似奕棋百年世事不勝一作堪悲王侯第宅

皆新主文武衣冠異昔時直北關山金鼓振征西車

馬

樊作騎

羽書遲

一作馳

魚龍寂寞秋江冷故國平居有

所思

蓬萊宮闕對南山承露金莖霄漢間西望瑤池降王

母東來紫氣滿函關雲移雉尾開宮扇日繞龍鱗識

聖顏一臥滄江驚歲晚幾迴青瑣照

一作點

朝班

瞿唐峽口曲江頭萬里風煙接素秋花萼夾城通御

氣芙蓉小苑入邊愁朱簾繡柱圍黃鶴

通作鶴

錦纜牙

檣起白鷗迴首可憐歌舞地秦中自古帝王州

昆明池水漢時功武帝旌旗在眼中織女機絲虛月

夜

一作夜月

石鯨鱗甲動秋風波漂菰米沉雲黑露冷蓮

房墜粉紅關塞極天唯鳥道江湖滿地一漁翁

昆吾御宿自逶迤紫閣峯陰入漢

晉作漾

陂

一云紫閣峯陰入漾陂昆

吾御宿香稻草堂本作紅豆一作紅飯啄餘一作鸚鵡粒碧梧

棲老鳳凰枝佳人拾翠春相問仙侶同舟晚更移綵

筆昔遊一作干氣象白頭吟望苦低垂

詠懷古跡五首

支離東北風塵際漂泊西南天地間三峽樓臺淹日月五溪衣服共雲山羯胡事主終無賴詞客哀時且未還庾信平生最蕭瑟暮年詩賦動江關

搖落深知宋玉一作悲風流儒雅亦吾師悵望千秋

一灑淚蕭條異代不同時江山故宅空文藻雲雨荒

臺豈夢思最是楚宮俱泯滅舟人指點到今疑

羣山萬壑赴荆門生長明妃尚有村一去紫臺連朔

漠獨留青塚向黃昏畫圖省識春風面環珮空歸月

夜魂千載一作琵琶作胡語分明怨一作恨曲中論

蜀主窺吳幸三峽崩年亦在永安宮翠華想像空一作

寒山裏玉殿虛無野寺中古廟杉松巢水鶴歲時伏

臘走村翁武侯祠屋常鄰近一體君臣祭祀同殿今為寺

廟在宮東

諸葛大名垂宇宙宗臣遺像肅清高三分割據紆籌

策萬古雲霄一羽毛伯仲之間見伊呂指揮若定失

蕭曹福一作運移漢祚難恢復一作難復志決身殲軍務

勞

諸將五首

漢朝陵墓對南山胡虜千秋尚入關昨日玉魚蒙葬

地早時金盃出人間見愁汗馬西戎逼曾閃朱旗北

斗殷多少材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇

馬翻然遠救朔方兵胡來不覺潼關隘龍起猶聞晉
水清獨使至尊憂社稷諸君何以答升平

洛陽宮殿化爲烽休道秦關百二重滄海未全歸禹
貢薊門何處盡堯封朝廷衰職誰爭補一作雖天下

軍儲不自供稍喜臨邊王相國肯銷金甲事春農

迴首扶桑銅柱標冥冥氛祲未一作全銷越裳翡翠

無消息南海明珠久寂寥殊錫曾爲大司馬總戎皆

插侍中貂炎風朔雪天王地只在忠臣陳作良翊聖朝

錦江春色逐人來巫峽清秋萬壑哀正憶往時嚴僕

射共迎中使望鄉臺主恩前後三持節軍令分明數

舉盃西蜀地形天下險安危須仗出羣材

秋日夔府詠懷奉寄鄭監審李賓客芳之一百韻

絕塞烏蠻北孤城白帝邊飄零仍百里消渴已三年

雄劍鳴開匣羣書滿繫船草堂本云一作所向皆窮轍餘生日繫船亂離心不

展一作轉衰謝日蕭然筋力妻孥問菁華歲月遷登臨

多物色陶冶賴詩篇峽束滄江起巖排石一作古樹一作楠

也圓拂雲霾楚氣朝川作潮海蹴一作漣吳天煮井為鹽

速燒畬度地偏有時驚壘嶂何處覓平川鸚鵡雙雙

舞獼猴壘壘懸碧蘿長似帶錦石小如錢春草何曾

歇寒花亦可憐獵人吹戍火野店引山泉喚起搔頭

急扶行幾屐穿兩京猶薄產四海絕隨肩幕府初交

辟郎官幸備員瓜時猶一作仍旅寓萍泛若黃緣藥

餌虛狼藉秋風灑靜便開襟驅晉作祛瘴癘明目掃雲

煙高宴諸侯禮佳人上客前哀箏傷老大華屋豔神

仙南內開元曲常時弟子傳法歌聲變轉滿座涕潺

湲都督柏中丞筵聞梨園弟子李仙奴歌弔影夔州僻回腸杜曲煎即今龍

杜工部集卷十五四中華書局聚

廐水莫帶犬戎羶

西京龍廐門苑馬門也渭水流苑馬門內

耿賈扶王室蕭曹

拱御筵乘威滅蜂蠆戮力効

川作教

鷹鷗舊物森猶在

凶徒惡未悛國須行戰伐人憶止戈鋌奴僕何知禮

恩榮錯與權胡星一彗孛

川作鬮

黔首

川作首惡

遂拘孿哀

痛絲綸切煩苛法令蠲業成陳始王北喜出于眈宮

禁經綸密台階翊戴全熊羆載呂望鴻鴈美周宣側

聽中興主長吟不世賢音徽一柱數道里下牢干

在鄭

在江陵李

鄭李光時論文章並我先陰何尚清省沈宋

歛聯翩律比崑崙竹音知燥溼絃風流俱善價愜當

久忘筌置驛常如此登龍蓋有焉雖云隔禮數不敢

墜周旋高視收人表虛心味道元馬來皆汗血鶴唳

必青田羽翼商山起蓬萊漢閣連管寧紗帽淨江令

錦袍鮮東郡時題壁南湖日扣舷遠遊凌絕境佳句

染華賤每欲孤飛去徒為百慮牽生涯已寥落國步

乃一作尚迍邐衾枕成蕪沒池塘作棄捐平生多病築遣懷別離

憂怛怛伏臘涕漣漣露菊班艷鎬秋蔬一作菰影澗漚

共誰論昔事幾處有新阡富貴空迴首喧爭懶著鞭

兵戈塵漠漠江漢月娟娟局促看秋鷺蕭疎聽晚蟬

雕蟲蒙記憶烹鯉問沉綿卜羨君平杖偷存子敬瓊

囊虛把釵釧米盡坼花鈿甘子陰涼葉茅齋八九椽

陣圖沙北岸市暨灤西巔市暨音既峽人目市井處曰市暨

山谷處方人謂之灤羈絆心常折棲遲病即痊紫收岷嶺芋紫秧

岷下白種陸池一作家蓮色好梨勝頰穰多粟過拳勅

廚唯一味求飽或三鱸兒去看魚笥人來坐馬韉云

俗異鄰蛟室朋來坐馬韉縛柴門窄窄通竹溜涓涓塹抵公畦稜京師

農人指曰遠近多村依野廟壩缺籬將棘拒倒石賴藤

云幾稜稜音去聲

纏借問頻朝謁何如穩醉畫一作眠誰云行不逮達一作

自覺坐能堅霧雨銀章澀馨香粉署妍紫鸞無近遠

黃雀任翩翹困學違從衆明公各勉旃聲華夾宸極

早晚到星躔懇諫留匡鼎諸儒引服伏誤一作虔不逢一作

過輸鯁直會是正陶甄宵旰憂虞軫黎元疾苦駢雲

臺終日畫青簡爲誰編行路難何有招尋興已專由

來具飛檝蹙擬控鳴弦身許雙峯寺門求七祖禪落

帆追宿昔衣褐向真詮安石名高晉鄭高簡得謝太傅之風昭王

客赴燕李宗親有燕昭之美燕周之裔途中非阮籍查上似張騫披拂

晉一作雲寧在淹留景不延風期終破浪水怪莫飛

涎他日辭神女傷春怯杜鵑淡交隨聚散澤國遶迴

旋本目依迦葉何曾藉偃佺鑪峯生轉眄橘井尚高

褰東走窮歸鶴南征盡跼鳶晚聞多妙教卒踐塞前

愆顧凱丹青列頭陀琬琰鑄衆香深黯黯幾地肅芊芊勇猛爲心極清羸任體孱金篋空刮眼鏡象未離

銓

一一云平等未難銓

贈李八

一作公

祕書別三十韻

往時中補右扈蹕上元初反氣凌行在妖星下直廬

六龍瞻漢闕

一作殿

萬騎略

一作集

姚

一作嬌

墟元朔迴

一作作

還

天步神都憶帝車一戎纔汗馬百姓免爲魚通籍

蟠螭印差肩列鳳輿事殊迎代邸喜異賞朱虛寇盜

方歸順乾坤欲晏如不才同補袞奉詔許牽裾鴛鷺

叨雲閣麒麟滯玉除

一作石渠

文園多病後中散舊交疎

飄泊哀相見平生意有餘風煙巫峽遠臺榭楚宮虛

一作除

觸目非論故新文尙起予清秋凋碧柳別浦落

紅蕖消息多旗幟經過歎里閭戰連脣齒國軍急羽

毛書幕府籌頻問山劍元帥杜相公初屈幕府參山家藥正

鋤秘書比臥青城山中台星入朝謁使節有吹噓西蜀災長弭南

翁憤始攄對敷抗坑一作士卒乾沒費倉儲勢藉兵須

用功無禮忽諸御鞍金驪裊宮硯玉蟾蜍拜舞銀鉤

落恩波錦帕舒此行非不濟良友昔相於去旆一作棹

依顏色公流想疾徐沉懸疲井白倚薄似樵漁乞去

米煩佳客鈔詩聽小胥杜陵斜晚照涵水帶寒淤莫

話清溪髮蕭蕭白映梳

寄劉峽州伯華使君四十韻

峽內多雲雨秋來尚鬱蒸遠山一作天朝白帝深水謁

一作出彝陵遲暮嗟為客西南喜得朋哀猿更一作勞起

坐落鴈失飛騰伏枕思瓊樹臨軒對玉繩青松寒不

落碧海闊逾澄昔歲文為理羣公價盡增家聲同令

聞時論以儒稱太后當

臨一作

朝肅多才接迹昇翠虛

捎翹翹丹極上鷓鴣宴引春壺滿

洒一作

恩分夏簟冰

彫章五色筆紫殿九華燈學並盧王敏書偕褚薛能

老兄真不墜小子獨無承近有風流作聊從月繼一作

峽一作

徵放蹄知赤驥捩翅服蒼鷹卷軸來何晚襟懷

庶可憑會期吟諷數益破旅愁凝雕刻初誰料一作

纖毫欲自矜神融躡飛動戰勝洗侵凌妙取筌蹄棄

高宜百萬層白頭遺恨在青竹幾人登迴首追談笑

勞歌踟寢興年華紛已矣世故莽相仍刺史諸侯貴

郎官列宿應潘生驂閣遠

一二云潘安雲閣遠

黃霸璽書增乳鬢

胡犬切有力也號攀石饑颯訴落藤藥囊親道士灰劫問胡

僧憑久烏皮拆

一作

簪稀

一作

白帽稜林居看

蟻穴野食行

去聲一作幸又作待

魚罾筋力交彫喪飄零免戰兢

皆

一作昔

爲百里宰正似六安丞姪女縈新裏丹砂冷

舊秤但求椿壽永莫慮杞天崩鍊骨調情性張兵撓

棘矜養生終自惜伐數

一作叛

必全懲政術甘疎誕詞

場媿服膺展懷詩誦魯割愛酒如澠

吳若本舊注云平生所好消渴止之

咄咄寧書字冥冥欲避矰江湖多白鳥天地有青蠅

夔府書懷四十韻

昔罷河西尉初興薊北師不才名位晚敢恨省郎遲

扈聖崆峒日端居灑灑瀕時萍流仍汲引檣散尙恩慈

遂阻雪臺宿

一作臺伯靈

常懷湛露詩翠華森遠矣白首

颯淒其拙被林泉滯生逢酒賦欺文園終寂寞漢閣

自磷緇病隔君臣議

一作識

慚紆德澤私揚鑣驚主辱

拔劍撥年衰社稷經綸地風雲際會期血流紛在眼

涕灑亂交頤四瀆樓船汎中原鼓角悲賊壕連白翟

戰瓦落丹墀先帝嚴靈虛一作寢宗臣切受遺恆山猶

突騎遼海競張旗田父嗟膠漆行人避蒺藜總戎存

大體降將飾卑詞楚貢何年絕堯封舊俗疑長吁翻

北寇一望卷西夸不必陪元圃超然待具茨休一作

兵鑄農器講殿闢書帷廟算高難測天憂實在茲形

容真潦倒答効莫支持使者分王命羣公各典司恐

乖均賦斂不似問瘡痍萬里煩供給孤城最怨思綠

林寧小患雲夢欲難追即事須嘗膽蒼生可察眉議

一作堂猶集鳳正觀是元龜處處喧飛檄家家急競

錐蕭車安不定蜀使下何之釣瀨疎墳籍耕巖進奕

棋地蒸餘破扇冬暖更織絺豺遘一作哀登楚麟傷

泣象尼衣冠迷適越藻繪憶遊睢賞月延秋桂傾陽

逐露葵大庭終反樸京觀且僵尸高枕虛眠晝哀歌

欲和誰南宮載勳業凡百慎交綏

解悶十二首

草閣柴扉星散居浪翻江黑雨飛初山禽引子哺紅

果溪友

一作女

得錢留白魚

商胡離別下揚州憶上西

一作蘭

陵故驛樓為問淮南

米貴賤老夫乘興欲東流

一作游

一辭故國十經秋每見秋瓜憶故邱

一作侯

今日南一作

東湖采薇蕨何人為覓鄭瓜

一作袁

州

今鄭祕監審

沈范早知何水部曹劉不待薛郎中獨當省署開文

苑兼泛滄浪學釣翁

水部郎中薛據

李陵蘇武是吾師孟子論文更不疑

一云第二句作首句

一飯未

曾留俗客數篇今見古人詩

校書郎雲卿

復憶襄陽孟浩然清詩句句盡堪傳即今耆舊無新

語漫釣槎頭縮頸

一作編

陶冶性靈在

一作存

底物新詩改罷自長吟孰知二謝

將能事頗學

一作覺

陰何苦用心

不見高人王右丞藍田邱壑漫

陳作蔓

寒藤最傳秀句

寰區滿未絕風流相國能

右丞弟今相國縉

先帝貴妃今

俱作

寂寞荔枝還復入長安炎方每續

朱櫻獻玉座應悲白露團

憶過瀘戎摘荔枝青楓隱映石逶迤京中舊見無顏

色

陳作京華應見無顏色

紅顆酸甜只自知

翠瓜碧李沉玉盤赤梨蒲萄寒露成可憐先不異枝

蔓此物娟娟長遠生

側生野岸及江蒲

一作浦

不熟丹宮滿玉壺雲壑布衣

駘背死勞生重

荆作人害

馬翠眉須

復愁十二首

人煙生處僻

遠處

虎跡過新蹄野鶻

一作鷓又作鷓晉作雉

翻窺

草村船逆上溪

釣艇收緝盡昏鴉

一作鷗

接翅歸

吳作稀

月生初學扇雲

細不成衣

萬國尚防寇故園今若何昔歸相識少早已戰場多

身覺省郎在家須農事歸年深荒草逕老恐失柴扉

金絲鏤

一作縷

箭鏃阜尾製

一作掣

旗竿一自風塵起猶

嗟行路難

胡虜何曾盛干戈不肯休閭閻聽小子談話

一作笑

覓

封侯

正觀銅牙弩開元錦獸張花門小前

一作箭

好此物棄

沙場

今日翔麟馬先宜駕鼓車無勞問河北諸將覺

一作角樊

推作榮華

任轉江淮粟休添苑囿兵由來貔虎士不滿鳳皇城
江上亦秋色火雲終不移巫山猶錦樹南國且黃鸝
每恨陶彭澤無錢對菊花如今九日至自覺酒須賒
病減詩仍拙吟多意有餘莫看江總老猶被賞時魚
承聞河北諸道節度入朝歡喜口號絕句十二

首

祿山作逆降天誅更有思明亦已無洵洵人寰猶不
定時時鬪戰欲何須

社稷蒼生計必安蠻胡雜種錯相干周宣漢武今王
是孝子忠臣後代看

喧喧道路多歌一作好童謠河北將軍盡入朝始晉作是

乾坤王室正却交

一作教

江漢客魂銷

不

一作北

道諸公無表來茫然

一作茫茫

庶事遣

一作使

人猜

擁兵相學干戈銳使者徒勞百萬迴

鳴玉鏘金盡正臣修文偃武不無人興王會靜妖氛

氣聖壽宜過一萬春

英雄見事若通神聖哲爲心小一身燕趙休矜出佳

麗宮闈不擬選才人

抱病江天白首郎空山樓閣暮春光衣冠是日朝天

子草奏何時入帝鄉

瀟漫山東一百州削成如桉抱青邱苞茅重入歸關

內王祭還供盡海頭

東逾遼水北滹沱星象風雲喜

一作氣

共和紫氣關臨

天地闊黃金臺貯俊賢多

漁陽突騎邯鄲兒酒酣並轡金鞭垂意氣卽歸雙關
舞雄豪復遣五陵知

李相將軍擁薊門白頭雖老惟一作惟有赤心存竟能盡說

諸侯入知有從來天子尊

十二年來多戰場天威已息陣堂堂神靈漢代中興
主功業汾陽異姓王

喜聞盜賊蕃寇總退口號五首

蕭關隴水入官軍青海黃河卷塞雲北極晉作關轉愁

一作深龍虎氣西戎休縱犬羊羣

贊普多教使入秦數通和好止晉作尚煙塵朝廷忽用

哥舒將殺伐虛悲公主親

崆峒西極晉作北過崑崙駝馬由來擁國門逆氣數年

吹路斷蕃人聞道漸星奔

勃律天西采玉河堅昆碧盃最來多舊隨漢使千堆

寶少答戎

晉作朝

王萬匹羅

今春喜氣滿乾坤南北東西拱至尊大歷二年

鶴本三年

調玉燭元元皇帝聖雲孫

洞房

洞房環珮冷玉殿起秋風秦地應新月龍池

一作地

滿

舊宮繫舟今夜遠清漏往時同萬里黃山北園陵白

露中

宿昔

宿昔青門裏蓬萊仗數移花嬌迎雜樹龍喜出平池

落日

一作月

留王母微風倚少兒宮中行樂祕少有外

人知

能畫

能畫毛延壽投壺郭舍人每蒙天一笑復似一作物

皆初一作春政化平如水皇恩晉作斷若神時時月抵

戲亦未雜風塵

鬪雞

鬪雞初賜錦舞馬既一作登牀簾下宮人出樓前御

柳一作長仙遊終一閱女樂久無香寂寞驪山道清

秋草木黃

鸚鵡

鸚鵡含愁思聰明憶別離翠衿渾短盡紅觜漫多知

未有開籠日空殘舊宿枝世人憐復損何用羽毛奇

歷歷

歷歷開元事分明在眼前無端盜賊起忽已歲時遷

巫峽西江外秦城北斗邊爲郎從白首臥病數秋天

洛陽

洛陽昔陷沒胡馬犯潼關天子初愁思都人慘別顏
清笳去宮闕翠蓋出關山故老仍流涕龍髯幸再攀

驪山

驪山絕望幸花萼罷登臨地下無朝燭人間有賜金
鼎湖龍去遠銀海鴈飛深萬歲蓬萊日長懸舊羽林

提封

提封漢天下萬國尙同心借問懸車一作軍守何如儉

德臨時徵俊又入草竊一作莫慮犬羊侵願戒兵猶火恩

加四海深

覆舟二首

巫峽盤渦曉黔陽貢物秋丹砂同隕石翠羽共沉舟
羈使空斜影龍居一作官閱積流篙工幸不溺俄頃逐

輕鷗

竹宮時望拜桂館或求仙姹女凌波日神光照夜年
徒聞斬蛟劍無復爨犀船使者隨秋色迢迢獨上天

垂白

一一云
白首

垂白一一云
白首馮唐老清秋宋玉悲江喧長少睡樓迴獨
移時多難身何補無家病不辭甘從千日醉未許七

哀詩

草閣

草閣臨無地柴扉永不關魚龍迴夜水星月動秋山
久一作
夕露清一作
晴初溼高雲薄未還汎舟慚小婦飄

泊損紅顏

江月

江月光於

一作
如

水高樓思殺人天邊長作客老去一

露巾玉露團清影銀河沒半輪誰家挑錦字滅燭云一

滅燭翠眉嘔

江上

江上日多雨蕭蕭荆楚秋高風下木葉永夜攬貂裘
勲業頻看鏡行藏獨倚樓時危思報主衰謝不能休

中夜

中夜江山靜危樓望北辰長爲萬里客有媿百年身
故國風雲氣高堂戰伐塵胡雛負恩澤嗟爾太平人

江漢

江漢思歸客乾坤一腐儒片雲天共遠永夜月同孤
落日心猶壯秋風病欲疎一作蘇古來存老馬不必取

長途

白露

白露團甘子清晨散馬蹄
圃開連石樹船渡入江溪
憑几看魚樂迴鞭急一作至
鳥棲漸知秋實美幽徑恐
多蹊

孟氏

孟氏好兄弟養親唯小園
承顏抵手足坐客強盤飧
負米力一作晉作寒葵外讀書秋樹根
卜鄰慚近舍訓子

學

一作覺

誰

一作先

門

吾宗

衛倉曹崇簡

吾宗老孫子質樸古人風
耕鑿安時論衣冠與世同
在家常早起憂國願年豐
語及君臣際經書滿腹中
有歎

壯心久零落白首寄人間
天下兵常鬪聞蜀官軍自圍普還
江東客未還窮猿號雨雪
老馬怯一作泣關山武德開元

際蒼生豈重攀

冬深

一云即日

花葉隨天意江溪共石根
早霞隨類一云淚影寒水各

依

一云流

痕易下楊朱淚難招楚客魂
風濤暮不穩捨

棹宿誰門

不寐

瞿塘夜水黑城內改更籌
翳翳月沉霧輝輝星近樓

氣衰甘少寐心弱恨和

一作知陳作多或作容

愁多壘

陳作壘恨

滿山

谷桃源無處求

月圓

孤月當樓滿寒江動夜扉
委波金不定照席綺逾依

未缺空山靜高懸列宿稀
故園松桂

一作菊

發萬里共

清輝

中宵

西閣百尋餘中宵步綺疏飛星過水白落月動沙虛
擇木知幽鳥潛波想巨魚親朋滿天地兵甲少來書

遣愁

養拙蓬爲戶茫茫何所開江通神女館地隔望鄉臺
漸惜容顏老無由弟妹來兵戈與人事回首一悲哀

秋清

高秋蘇病吳作肺氣白髮自能梳藥餌憎加減門庭悶
掃除杖藜還客拜愛竹遣兒書十月江平穩輕舟進
所如

傷秋

林僻來人少山長去鳥微高秋收畫扇一云藏久客

掩荆一作柴扉懶慢頭時櫛艱難帶減圍將軍猶汗馬

天子尚戎衣白蔣風颺脆殷檉曉夜稀何年減

一作減

秋峽

江濤萬古峽肺氣久衰翁不寐防巴虎全生狎楚童
衣裳垂素髮門巷落丹楓常怪商山老兼存翊贊功

南極

南極青山衆西江白谷分古城疎落木荒戍密寒雲
歲月虵常見風颺虎或忽一作聞近身皆烏道殊俗自
人羣睥睨登哀柝矛弧照夕曛亂離多醉尉愁殺李
將軍

搖落

搖落巫山暮寒江東北流煙塵多戰鼓風浪少行舟
鵝費羲之墨貂餘季子裘長懷報明主臥病復高秋

耳聾

生年鷓冠子歎世鹿皮翁眼復幾時暗耳從前月聾
猿鳴秋淚缺雀噪晚愁空黃落驚山樹呼兒問朔風
獨坐二首

竟日雨冥冥雙崖洗更青

清一作

水花寒落岸山鳥暮

過庭煖老須燕玉充饑憶楚萍胡笳在樓上哀怨不
堪聽

白狗斜臨北黃牛更在東峽雲常照夜江月會兼風
曬藥安垂老應門試小童亦知行不逮苦恨耳多聾
遠遊

江闊浮高棟

晉作
棟

雲長出斷山塵沙連越嶠風雨暗

荆蠻鴈矯銜蘆內猿啼失木間弊裘蘇季子歷國未
知還

夜

一云秋
夜客舍

露下天高

一云
空山

秋水清空山獨夜旅魂驚疎燈自照

孤帆宿新月猶懸雙杵鳴南菊

一作
國

再逢人臥病北

書不至

一作
到

鴈無情步蟾

一作
簷

倚杖看牛斗銀漢遙

應接鳳城

暮春

臥病擁塞在峽中瀟湘洞庭虛映空楚天不斷四時
雨巫峽常吹千里風沙上草閣柳新闌城邊野池蓮
欲紅暮春鴛鴦立洲渚挾子翻飛還一叢

晴二首

久雨巫山暗新晴錦繡文碧知湖外

晉作
上

草紅見海

東雲竟日鶯相和摩霄鶴數羣野花乾更落風處急

紛紛

啼鳥爭引子鳴鶴不歸林下食遭泥去高飛恨久陰
雨聲衝塞盡日氣射江深迴首周南客驅馳魏闕心

雨

始賀天休雨還嗟地出雷驟看浮

巫一作

峽過密作

舊作

塞密渡江來牛馬行無色蛟龍鬪不開干戈盛陰氣未
必自陽臺

月三首

斷續巫山雨天河此夜新若無青嶂月愁殺白頭人
翹翹移深樹蝦蟆動半輪故園當北斗直指一作想照

西秦

併照

一作點

巫山出新窺是水清羈棲愁見裏

裏一作見愁

二十四迴明必驗升沉體如知進退情不違銀漢落

亦伴玉繩橫

萬里瞿塘峽

一作月

春來六上弦時時開暗室故故滿

青天爽合風襟靜高當淚臉懸南飛有烏鵲夜久落

江邊

雨

萬木雲深隱連山雨未開風扉掩不定水鳥過

舊作去

仍迴蛟館如鳴杼樵舟豈伐枚清涼破炎毒衰意欲

登臺

晚晴

返

一作晚

照斜初徹

一作散

浮雲薄未歸江虹明遠

一作近

飲峽雨落餘飛鳧

陳作鶴

終高去熊羆覺自肥秋分

客尚在竹露夕

一作久

微微

夜雨

小雨夜復密迴風吹早秋野

一作夜

涼侵閉戶江滿帶

維舟通籍恨

陳作限

多病爲郎忝薄遊天寒出巫峽醉

別仲宣樓

更題

只應踏初雪騎馬發荊州直怕巫山雨真傷白帝秋
羣公蒼玉珮天子翠雲裘同舍晨趨侍胡爲淹此云一
滯此留

歸

束帶還騎馬東西却渡船林中才有地峽外絕無天
虛白高人靜喧卑俗累牽他鄉悅遲暮不敢廢詩篇
返照

楚王宮北正黃昏白帝城西過雨痕返照入江翻石
壁歸雲擁樹失山村衰年肺病唯高枕絕塞愁時早
閉門不可久留豺虎亂南方實有未招魂

熱三首

雷霆空霹靂雲雨竟虛無
炎赫衣流汗低垂氣不蘇
乞爲寒水玉願作冷秋菰
何晉作似兒童歲風涼出
舞雩

瘴雲終不滅瀘水復西來
閉戶人高臥歸林鳥却迴
峽中都似火江上只空
聞晉作雷想見陰宮雪風門颯
踏開

朱李沉不冷彫胡
菰晉作炊屢新將衰骨盡痛被褐
一作味空頻歛翕炎蒸景飄颻
征戍人十年可解甲爲

爾一露巾

日暮

牛羊下來久各已閉柴門
風月自清夜江山非故園
石泉流暗壁草露滴秋根
一作滿頭白燈明裏何須

花燼繁

八月十五夜月二首

滿目飛明鏡歸心折大刀轉蓬行地遠攀桂仰天高
水路疑霜雪林樓見羽毛此時瞻白兔直欲數秋毫
稍下巫山峽猶銜白帝城氣沉全浦暗輪仄半樓明
刁斗皆催曉蟾蜍且自傾清一作張弓倚殘魄不獨漢
家營

十六夜翫月

舊挹金波爽皆傳玉露秋關山隨地闊河漢近人流
谷口樵歸唱孤城笛起愁巴童渾不寢半夜有行舟
十七夜對月

秋月仍圓夜江村獨老身捲簾還照客倚杖更隨人
光射潛虬動明翻宿鳥頻茅齋依橘柚清切露華新

村雨

雨聲傳兩夜寒事颯高秋挈

攬一作

帶看朱紱開箱覩

黑裘世情只益睡盜賊敢忘憂
松菊新霑洗茅齋慰遠遊

雨晴

雨時山不改晴罷峽如新
天路看殊俗秋江思殺人
有猿揮淚盡無犬附書頻
故國愁眉外長歌欲損神
晚晴吳郎見過北舍

圃畦新

佳一作

雨潤媿子廢鉏來竹杖交頭拄柴扉隔

掃一云

徑開欲棲羣鳥亂未去小童催明日重陽酒相

迎自醞醅

暝

日下四山陰山庭嵐氣侵牛羊歸徑險鳥雀聚枝深

正枕當星劍收書動玉琴半扉開燭影欲掩見清砧

雲

龍似

一作自
作以

瞿唐會江依白帝深終年常起峽每夜

必通林收穫辭霜渚分明在夕岑高齋非一處秀氣

豁煩襟

月

四更山吐月殘夜水明樓塵匣元開鏡風簾自上鉤

兔應疑鶴髮蟾亦戀貂裘斟酌姮娥寡天寒奈九秋

雨四首

微雨不滑道斷雲疎復行紫崖奔處黑白鳥去邊明

秋日新霑影寒江舊落聲柴扉臨野碓半得

一作溼

搗

香杭

江雨舊無時天晴忽散絲暮秋霑物冷今日過雲遲

上馬迴休出看鷗坐不辭高

一作層

軒當灩澦潤色靜

書帷

物色歲將晏天隅人未歸朔風鳴淅淅寒雨下霏霏
多病久加飯衰容新授衣時危覺凋喪

一作喪亂

故舊短

書稀

楚雨石苔滋京華消息遲山寒青兕叫江晚白鷗饑
神女花鈿落蛟人織杼悲繁憂不自整終日灑如絲

夜

絕岸風威動寒房燭影微嶺猿霜外宿江鳥夜深飛
獨坐親雄劍哀歌歎短衣煙塵繞闔闔白首壯心違

晨雨

小雨晨光內初來葉上聞霧交纒灑地風逆

一作折

旋

隨雲暫起柴荆色輕霑鳥獸羣麝香山一半亭午未

全分

反照

反照開巫峽寒空半有無已低魚復暗浦也不盡白鹽
孤山也荻岸如秋水松門似畫圖牛羊識僮僕既夕應
傳呼

向夕

畎畝孤城外江村亂水中深山催短景喬木易高風
鶴下雲汀一作河近鷄棲草屋同琴書散明燭長夜始
堪終

曉望

白帝更聲盡陽臺曙色分高峯寒一作初上日疊嶺宿
霾一作未收雲地坼江帆隱天清木葉聞荆扉對麋鹿應
共爾為羣

雷

巫峽中宵動滄江十月雷龍虵不成蟄天地劃爭迴
却碾空山過深蟠絕壁來何須妒雲雨霹靂楚王臺

雨

冥冥甲子雨已度立春時輕箠煩相向纖絺恐自疑
煙添纔有色風引更如絲直覺巫山暮兼催宋玉悲

朝二首

清旭楚宮南霜空萬嶺含野人時獨往雲木曉相參
俊鶻無聲過饑鳥下食貪病身終不動搖落任江潭
浦帆晨初發郊扉冷未開村一作林疎黃葉墜野靜白
鷗來礎潤休全溼雲晴欲半迴巫山冬可怪昨夜有

奔雷

晚

杖藜尋晚巷一作卷晚炙背近牆暄人見幽居僻吾知拙
養尊朝廷問府主耕稼學山村歸翼飛棲定寒燈亦
閉門

夜二首

白夜月休弦燈花半委一作委半眠號山無定鹿落樹有

驚蟬暫憶江東鱸兼懷雪下船蠻歌犯星起空一作重

覺在天邊

城郭悲笳暮村墟過翼稀甲兵年數久賦斂夜深歸
暗樹依巖落明河繞塞微斗斜人更望月細鵲休飛

杜工部集卷第十五

杜工部集卷第十六目錄

近體詩九十七首

宗武生日

又示宗武

熟食日示宗文宗武

又示兩兒

社日兩篇

九日五首

闕一首

九日諸人集于林

大歷二年九月三十日

十月一日

孟冬

冬至

小至

覽物

憶鄭南珙

懷灞上遊

愁

晝夢

覽鏡呈柏中丞

卽事

卽事

悶

戲作俳諧體遣悶二首

得舍弟觀書自中都已達江陵賦詩卽事

喜觀卽到復題短篇二首

舍弟觀歸藍田迎新婦送示二首

第五弟豐獨在江左無消息寄二首

舍弟觀赴藍田取妻子到江陵因寄三首

江雨有懷鄭典設

王十五前閣會

寄韋有夏郎中

陪柏中丞觀宴將士二首

七月一日題終明府水樓二首

季秋蘇五弟纓江樓夜宴崔十三評事韋少府

姪三首

九月一日過孟倉曹主簿兄弟

過客相尋

孟倉曹步趾領新酒醬見遺老夫

柳司空至

簡吳郎司法

又呈吳郎

覃山人隱居

柏學士茅屋

題柏大兄弟山居屋壁二首

戲寄崔評事表姪蘇五表弟韋大少府諸姪

秋日寄題鄭監湖上亭三首

謁真諦寺禪師

別崔湜因寄薛據孟雲卿

送李八秘書赴杜相公幕

巫峽弊廬贈侍御四舅別之禮朗

奉送十七舅下邵桂

送覃二判官

季夏送鄉弟韶陪黃門從叔朝謁

送十五弟侍御使蜀

送田四弟將軍

送王十六判官

奉送卿二翁統節度鎮軍還江陵

送鮮于萬州遷巴州

寄杜位

寄李十五秘書二首

送韋中丞赴湖南

送李功曹之荊州充鄭侍御判官重贈

送孟十二倉曹赴東京選

憑孟倉曹將書覓土婁舊莊

別蘇溪

存歿口號二首

奉漢中王手札報韋侍御蕭尊師亡

哭王彭州掄

見螢火

吹笛

孤鴈

鷗

猿

黃魚

白小

麕

雞

玉腕騮

見王監兵馬使說近山有白黑二鷹二首

杜工部集卷第十六目錄

世目錄卷之十六目錄

東正國天馬文鏡世正卷目錄一

杜工部集卷第十六

近體詩九十七首

居夔州作

宗武生日

小子何時見高秋此日生自從都邑語已伴律一作老

夫名詩是吾家事人傳世上情熟精文選理休覓綵

衣輕凋瘵筵初秩欹斜坐不成流霞分飛一作片片一作

幾涓滴就徐傾吳若本注宗武小名驥子曾有詩驥子好男兒

又示宗武

覓句新知律攤書解滿牀試吟青玉案莫羨陳作帶紫

羅囊假一作暇日從時飲明年共我長應須飽經術已

似愛文章十五男兒志三千弟子行曾參與游夏達

者得升堂

熟食日示宗文宗武

消渴游江漢羈棲尙甲兵幾年逢熟食萬里逼清明
松柏邛一作邛山路風花白帝城汝曹催我老迴首淚

縱橫

又示兩兒

令簡成吾老他時見汝心浮生看物變爲恨與年深
長葛書難得江州涕不禁團圓思弟妹行坐白頭吟

社日兩篇

九農

一作秋豐

成德業百祀發光輝報效神如在馨香舊

不違南翁巴曲醉北雁塞聲微尙想東方朔恢諧割
肉歸

陳平亦分肉太史竟論功今日江南老他時渭北一作

水童歡娛看絕塞涕淚落秋風鴛鴦迴金闕誰憐病

峽中

九日五首 闕一首

重陽獨酌 少飲云 盃中酒抱病起 一作獨 登江上臺竹

葉於人既無分菊花從此不須開殊方日落元猿哭

舊國霜前白雁來弟妹蕭條各何往干戈衰謝兩相

催

舊日重陽日傳盃不放盃即今蓬鬢改但愧菊花開

北闕心長戀西江首獨迴茱萸 晉作黃房 賜朝士難得一

枝來

舊與蘇司業兼隨鄭廣文采花香泛泛 一一云簇簇 二云漠漠 坐客

醉紛紛野樹歌 一作敬 還倚秋砧醒却聞歡娛兩冥莫

西北有孤雲

故里樊川菊登高素澹源他時一笑 荆作醉 後今日幾

人存巫峽蟠江路終南對國門繫舟身萬里伏枕淚

雙痕為客裁烏帽從兒具綠尊佳辰對一作帶羣盜愁

絕更誰吳作堪論

九日二云日高諸人集于林

九日明朝是相要舊俗非老翁難早出賢客幸知歸
舊采黃花賸新梳白髮微漫看年少樂忍淚已霑衣

大歷二年九月三十日

為客無時了悲秋向夕終瘴餘夔子國霜薄楚王宮
草敵虛嵐翠花禁冷葉一作藥紅年年小搖落不與故

園同

十月一日

有瘴非全歇為冬亦不吳作不亦難夜郎溪日暖白帝峽
風寒蒸裹如千室焦糟一作糖幸一杆茲辰南國重舊

俗自相歡

孟冬

殊俗還多事方冬變所爲破甘

瓜一作

霜落爪嘗稻雪

翻匙巫峽

吳作岫

寒都薄烏蠻

一作沙一作黔溪

瘴遠隨終然滅

灘瀨暫喜息蛟螭

冬至

年年至日長爲客忽忽窮愁泥殺人江上形容吾獨

老天邊

一作涯

風俗自相親杖藜雪後臨丹壑鳴玉

云

明主朝來散紫宸心折此時無一寸路迷何處見

一作是

三秦

小至

天時人事日相催冬至陽生春又來刺繡五紋

一作文

添弱線吹葭六琯動浮灰岸容待臘將舒柳山意衝

寒欲放

一作破

梅雲物不殊鄉國異教兒且覆掌中杯

覽物草堂作峽中覽物

曾為掾吏趨三輔憶在潼關詩興多巫峽忽如瞻華
岳蜀江猶似見黃河舟中得病移衾枕洞口經春長
薜蘿形勝有餘風土惡幾時迴首一高歌

憶鄭南坻

鄭南伏毒寺守一作瀟灑到江心石影銜珠閣泉聲帶

玉琴風杉曾曙倚雲嶠憶春臨萬里滄浪陳作蒼茫外龍

蛇只自深

懷灞上游

悵望東陵道平生灞上游春濃停野騎夜宿敞雲樓
離別人誰在經過老自休眼前今古意江漢一歸舟

愁強戲為吳體

江草日日喚愁生巫一作春峽泠泠非世情盤渦鷺浴

底心性獨樹花發自分明十年戎馬暗萬國異域賓
客老孤城渭水秦山得見否人今罷病虎縱橫

晝夢

二月饒睡昏昏然不獨夜短晝分眠桃花氣暖眼自
醉春渚日落夢相牽故鄉門巷荆棘底中原君臣豺
虎邊安得務農息戰鬪普天無吏橫索錢

覽鏡呈柏中丞

渭水流關內終南在日邊膽銷豺虎窟淚入犬羊天
起晚堪從事行遲更學舊作仙鏡中衰謝色萬一故
人憐

卽事

暮春三月巫峽長晶晶行雲浮無一作日光雷聲忽送
千峯雨花氣渾如百和香黃鶯過水翻迴去燕子銜

泥溼不妨飛閣捲簾圖畫裏虛無只少對瀟湘

卽事

天一云
天畔

天畔羣山孤草亭江中風浪雨冥冥一雙白魚不受
釣三寸黃甘猶自青多病馬卿無日起窮途阮籍幾
時醒未開細柳散金甲腸斷秦川

一作
州

流濁涇

悶

瘴癘浮三蜀風雲暗百蠻卷簾唯白水隱几亦青山
猿捷長難見鷗輕故不還無錢從滯客有鏡巧催顏
戲作俳諧體遣悶二首

異俗可吁怪斯人難並居家家養烏鬼頓頓食黃魚
舊識能一作
難爲態新知已暗疎治生且耕鑿只有不

關

一作
開渠

西厯青羌板

一作
坂

南留白帝城於菟

一作
穀於

侵客恨柅

教作人情瓦卜傳神語畚田費火聲一作耕是非何處

定高枕笑浮生頃歲自秦涉隴從同谷縣出遊蜀留滯于巫山也

得舍弟觀書自中都已達江陵今茲暮春月末

行李合到夔州悲喜相兼團圓可待賦詩即事

情見乎詞

爾到晉作過江陵府何時到峽州亂離生有別聚集病

應瘳颯颯開啼眼朝朝上水樓老身須付託白骨更

何憂

喜觀即到復題短篇二首

巫峽千山暗終南萬里春病中吾見弟書到汝為人

意一作竟答兒童問來經戰伐新泊船悲喜後款款話

一作議歸秦

待爾嗔烏鵲拋書示鵲鴿枝間喜不去原上急曾經

江閣嫌津柳風帆數驛亭應論十年事愁一作燃絕始

星星

舍弟觀歸藍田迎新婦送示兩篇

汝去迎妻子高秋念却迴即今螢已亂好與雁同來

東望西江水永一作南遊北戶開卜居期靜處會有故

人杯

楚塞難為路別一作藍田莫滯留衣裳判白露鞍馬信

清秋滿峽重江水開帆八月舟此時同一醉應在仲

宣樓

第五弟豐獨在江左近三四載寂無消息覓使

寄此二首

亂後嗟吾在羈棲見汝難草黃騏驥病沙晚一作暖鵲

鴿寒楚設關城險吳吞水府寬十年朝夕淚衣袖不

曾乾

聞汝依山寺杭州定越州風塵淹別日江漢失

一作共

清秋影著啼猿樹魂飄結蜃樓明年下春水東盡白

雲求

一作遊

舍弟觀赴藍田取妻子到江陵喜寄三首

汝迎妻子達荊州消息真傳解我憂鴻雁影來連峽
內鶴鴿飛急到沙頭曉關險路今虛遠禹鑿寒江正
穩流朱紱即當隨綵鷁青春不假報黃牛

馬度

一作瘦

秦關

一作吳山

雪正深北來肌骨苦寒侵他鄉

就我生春色故國移居見客心剩欲

一作歡劇

提攜如意

舞喜多行坐白頭吟巡簷索共

一作近

梅花笑冷蘂

一作落

疎枝半不禁

庾信羅含俱有宅春來秋去作誰家短牆若在從殘

草喬木如存可假花卜築應同蔣詡徑為園須似邵

平瓜比年一作因病一作斷酒開涓滴弟勸兄酬何怨嗟

江雨有懷鄭典設

春雨閨閨塞一作發峽中早晚來自楚王宮亂波分披

已打岸弱雲狼藉不禁風寵光蕙葉與多碧點注桃

花舒小紅谷口子真正憶汝岸高瀼滑一作闊限西東

王十五前閣會

楚岸收新雨春臺引細風情人來石上鮮鱸出江中

隣舍煩書札肩輿強老翁病身虛俊味何幸飫兒童

寄韋有夏郎中

省郎憂病士書信有柴胡飲子頻通汗懷君想報珠

親知天畔少藥味峽中無歸楫生衣臥春鷗洗翅呼

猶聞上急水早作取平途萬里皇華使為僚記腐儒

陪柏中丞觀宴將士二首

極樂三軍士誰知百戰場無私齊綺饌久坐密金章
醉客霑鸚鵡佳人指鳳凰幾時來翠節特地引紅粧
繡段裝簷額金花帖鼓腰一夫先舞劍百戲後歌樵

嫖姚

一作

江樹城孤遠雲臺使寂寥漢朝頻選將應拜霍

七月一日題終明府水樓二首

高棟曾軒已自涼秋風此日灑衣裳條然欲下陰山
雪不去非無漢署香絕壁過雲開錦繡疎松夾水奏
笙簧看君宜著王喬履真賜還疑出尚方

終明府功曹也兼攝奉節

令故有此句作觀奏即真也

宓子彈琴邑宰日終軍棄繻英妙時承家節操尚不
泯為政風流今在茲可憐賓客盡傾蓋何處老翁來

賦詩楚江巫峽半雲雨清簟疎簾看奕碁

季秋蘇五弟纓江樓夜宴崔十三評事韋少府

姪三首

峽險江驚急樓高月迴明一時今夕會萬里故鄉情
星落黃姑渚秋辭白帝城老人因酒病堅坐看君傾
明月生長好浮雲薄漸晉作暫遮悠悠照邊塞悄悄憶
京華清動盃中物高隨海上查不眠瞻白兔百過落
烏紗

對月那無酒登樓況有江聽歌驚白鬢笑舞拓秋牕
尊蟻添相續沙鷗並一雙盡憐君醉倒更覺片一作我
心降

九月一日過孟十二倉曹十四主簿兄弟

藜杖侵寒露蓬門啓曙烟力稀經樹歇老困撥書眠

秋覺追隨盡來因孝友偏清談見滋味爾輩可忘年
過客相尋

窮老真無事江山已定居地幽忘盥櫛客至罷琴書
挂壁移筐果呼兒問一作闕煮魚時聞繫舟楫及此問
吾廬

孟倉曹步趾領新酒醬二物滿器見遺老夫

楚岸通秋屐胡牀面夕畦藉糟分汁滓甕醬落提攜
飯糲添香味朋來有醉泥理生那免俗方法報山妻
柳司馬至

有使歸三峽相過問兩京函關猶出將渭水更屯兵
設備邯鄲道和親邏些城幽燕唯鳥去商洛少人行
衰謝身何補蕭條病轉嬰霜天到宮闕戀主寸心明
簡吳郎司法

有客乘舸自忠州遣騎安置瀼西頭古堂本買藉疎
豁借汝遷居停宴遊雲石熒熒高葉曙一作曉風江颯
颯亂帆秋却為姻婭過逢地許坐曾軒數散愁

又呈吳郎

堂前撲棗任西隣無食無兒一婦人不為困窮寧有
此祗緣恐懼轉須親一作知即防一作便遠客雖多事使一作便
插踈籬却甚真已訴徵求貧到骨正思戎馬淚盈巾

覃山人隱居

南極老人自有星北山移文誰勒銘徵君已去獨松
菊哀壑無光留戶庭予見亂離不得已子知出處必
須經高車駟馬帶傾覆悵望秋天虛翠屏

柏學士茅屋

碧山學士焚銀魚白馬却走身巖居古人已用三冬

足年少今一作曾開萬卷餘晴雲滿戶團傾蓋秋水浮

堦溜決渠富貴必從勤苦得男兒須讀五車書

題柏大兄弟山居屋壁二首

叔父朱門貴郎君玉樹高山居精典籍文雅涉風騷
江漢終吾老雲林得爾曹哀絃繞白雪未與俗人操
野屋流寒水山籬帶薄雲靜應連虎穴喧已去人羣
筆架霑牕雨書籤映隙曛蕭蕭千里足荆作馬箇箇五
花文

戲寄崔評事表姪蘇五表弟韋大少府諸姪

隱豹深愁雨潛龍故起雲泥多仍徑曲心醉阻賢羣
忍待江山麗還披鮑謝文高樓憶疎豁秋興坐氛氲
秋日寄題鄭監湖上亭三首

碧草逢一作違春意沅湘萬里秋池要山簡馬月淨一作

靜庚公樓磨滅餘篇翰平生一釣舟高唐寒浪滅一作

滅髣髴識昭邱

新作湖邊宅還聞賓客過自須開竹逕誰道避雲蘿
官序潘生拙才名賈傅多捨舟應轉一作地鄰接意

如何

蹇阻

住一作

蓬萊閣終為江海人揮金應物理拖玉豈

吾身羹煮秋萼滑

弱一作

孟迎

疑一作

露菊新賦詩分氣

象佳句莫頻頻

謁真諦寺禪師

蘭若山高處烟霞嶂

障一作

幾重凍泉依細石晴雪落

長松問法看詩忘

妄一作

觀身向酒慵未能割妻子卜

宅近前峯

別崔湜因寄薛據孟雲卿

內弟湜赴湖南幕職

志士惜妄動知深陳作深知難固辭如何久磨礪但取不

磷緇夙夜聽憂主飛騰急濟時荊州過晉作遇薛孟爲

報欲論詩

送李八秘書赴杜相公墓

青簾白舫益州來巫峽秋濤天地迴石出倒聽楓葉

下灑願堆櫓搖皆一作背指菊花開貪趨相府今晨發恐

失佳期後命催南極一星朝北斗五雲多處是三台

巫峽弊廬奉贈侍御四舅別之澧朗

江城秋日落山鬼閉門中行李淹吾舅誅茅問老翁

赤眉猶世亂青眼只途窮傳語桃源客人今出處同

奉送十七舅下邵桂

絕域三冬暮浮生一病身感深辭舅氏別後見何人

縹緲蒼梧帝推遷孟母隣昏昏阻雲水側望苦傷神

送覃二判官

先帝

皇一作

弓劍遠小臣餘此生蹉跎病江漢不復謁

承明錢爾白頭日永懷丹鳳城遲遲戀屈宋渺渺臥
荆衡魂斷航舸失天寒沙水清肺肝若稍愈亦上赤
霄行

季夏送鄉弟韶陪黃門從叔朝謁

令弟尚爲蒼水使名家莫出杜陵人比來相國兼安
蜀歸赴朝廷已入秦捨舟策馬論兵地拖玉腰金報
主身莫度清秋吟蟋蟀早聞黃閣畫麒麟

送十五弟侍御使蜀

喜弟文章進添余別興牽數盃巫峽酒百丈內江船
未息豺狼鬪空催犬馬年歸朝多便道搏擊望秋天
送田四弟將軍將夔州柏中丞命起居江陵節

度陽城郡王衛公墓

一云夔府送田將軍赴江陵

離筵罷多酒起地發寒塘迴首中丞座馳牋異姓王

燕辭楓樹日雁度麥城霜空

晉作定

醉山翁酒遙憐似

送王十六判官

客下荆南盡君今復入舟買薪猶白帝鳴櫓少

一作已

沙頭衡霍生春早瀟湘共海浮荒林庾信宅為仗主

人留

奉送卿二翁統節度鎮軍還江陵

火旗還錦纜白馬出江城嘹唳吟

一作鳴

笳發蕭條別

浦清寒空巫峽曙落日渭陽明

一作情

留滯嗟衰疾何

時見息兵

送鮮于萬州遷巴州

京兆先特傑琳琅照一門朝廷偏注意

一作璽

接近與

名藩祖帳排

陳作維

舟數寒江觸石喧看君妙為政他

日有殊恩

寄杜位

頃者與位同在故嚴尚書幕

寒日經簷短窮猿失木悲峽中

一作筵

為客恨江上

一作

並憶君時天地身何在

吳作往

風塵病敢辭封書兩行

淚霑灑裏新詩

奉寄李十五秘書二首

文蔚

避暑雲安縣秋風早下來暫留

刊作之

魚復浦同過楚

王臺猿鳥千崖窄江湖萬里開竹枝歌未好畫舸莫

陳作且

遲

一作輕

回

行李千金贈衣冠八尺身飛騰知有策意度不無神

班秩兼通貴公侯出異人元成負文彩世業豈沉淪

奉送韋中丞之晉赴湖南

寵渥徵黃漸權宜借寇頻湖南安背水峽內憶行春
王室仍多故蒼生倚大臣還將徐孺子榻一作榻處處待
高人

送李功曹之荊州充鄭侍御判官重贈

曾聞宋玉宅每欲到荊州此地生涯晚遙悲一作水
國秋孤城一柱觀落日九江流使者雖光彩青楓遠

自愁

送孟十二倉曹赴東京選

君行別老親此去苦家貧藻鏡留連客江山憔悴人
秋風楚竹冷夜雪鞏梅春朝夕高堂念應宜綵服新
憑孟倉曹將書覓土婁舊莊

平居喪亂後不到洛陽岑爲歷雲山問無辭荆棘深

北風黃葉下南浦白頭吟十載江湖客茫茫遲暮心

別蘇僎赴湖南幕

故人有遊子棄擲傍天隅他日憐才命居然屈壯圖

十年猶塌翼絕倒為驚吁消渴今如在提攜愧老夫

豈知臺閣舊先陳作洗拂鳳凰雖得實翻蒼竹棲枝把

翠梧北辰當宇宙南岳據江湖國帶風塵色兵張虎

豹符數論封內事揮發府中趨贈爾一作汝秦人策莫

鞭轅下駒

存歿口號二首

席謙不見近彈棋畢耀仍傳舊小詩玉局他年無限

笑一作事白楊今日幾人悲道士席謙善彈棋故曰玉局

鄭公粉繪隨長夜曹霸丹青已白頭天下何曾有山

水人間不解重驂騑高士蔡陽鄭虔善畫山水曹霸善畫馬也

奉漢中王手札報韋侍御蕭尊師亡

秋日蕭韋逝淮王報峽中少一作小年疑柱史多術怪

仙公不但時人惜祇應吾道窮一哀侵疾病相識自

兒童處處鄰家笛飄飄客子蓬強吟懷舊賦已作白

頭翁

哭王彭州掄

執友驚淪沒斯人已寂寥新文生沈謝異骨降松喬

北部初高選東堂早見招蛟龍纏倚劍鸞鳳夾吹簫

歷職漢庭久中年胡馬驕兵戈閭一作聞兩觀寵辱事

三朝蜀路江干一作干戈窄彭門一作關地里遙解龜生碧

草諫獵阻清霄頃壯戎麾出叨陪幕府要將軍臨氣

候猛士塞風飈井漏一作灑泉誰汲烽疎火不燒前

籌自多暇一作假隱几接終朝翠石俄雙表寒松竟後

凋贈詩焉敢墜染翰欲無聊再哭經過罷離魂去住
銷之官方玉折寄葬與萍漂曠望渥注道霏微河漢
橋夫人先卽世令子各清標巫峽長雲雨秦城近斗
杓馮唐毛髮白歸興日蕭蕭

見螢火

巫山秋夜螢火飛疎簾巧入坐人衣忽驚屋裏琴書
冷復亂簷邊星宿稀却繞井欄添箇箇偶經花藥弄
輝輝滄江白髮愁看汝來歲如今歸未歸

吹笛

吹笛秋山風一云風山月清誰家巧作斷腸聲風飄律呂
相和切月傍草堂作倚關山幾處明胡騎中宵堪北走武
陵一曲想南征故園楊柳今搖一作摧落何得愁中

曲王原叔得甫詩藁曲作却盡生

孤雁一云後
飛雁

孤雁不飲啄飛鳴聲念羣一作聲聲
飛念羣誰憐一片影相失

萬重雲望盡一作
斷似猶見哀多如更一作
更復聞野鷗無

意緒鳴噪自一作
亦紛紛

鷗

江浦寒鷗戲無他亦自饒却思翻玉羽隨意點春苗
雪暗還須浴一作
落風生一任飄幾羣滄海上清影日

蕭蕭

猿

裊裊啼虛壁蕭蕭挂冷枝艱難人不見一作
免隱見爾

如知慣習元從衆全生或用奇前林騰每及父子莫

相離

黃魚

日見巴東峽黃魚出浪新脂膏兼飼犬長大不容身

筒桶

一作筩

相沿久風雷肯為神

一作伸

泥沙卷涎沫迴

首怪龍鱗

白小

白小羣分命天然二寸魚細微霑水族風俗當園蔬

入肆銀花亂傾箱雪片虛生成猶拾一作捨卵盡取義

何如

麂

永與清溪別蒙將玉饌俱無才逐仙隱不敢恨庖廚

亂世輕全物微聲及禍樞衣冠兼盜賊饕餮用斯須

鷄

紀德名標五初鳴度必三殊方聽有異失次曉無慚

問俗人情似充庖爾輩堪氣交亭育際巫峽漏司南

玉腕騮

聞說荆南馬尚書玉腕騮頓驂陳作驂譚飄赤汗踟躕顧

長楸胡虜三年入乾坤一戰收舉鞭如有問欲伴習

池遊

見王監兵馬使說近山有白黑二鷹羅者久取

竟未能得王以為毛骨有異他鷹恐臘後春生

騫飛避暖勁翮思秋之甚眇不可見請余賦詩

雪別本俱作雲

飛玉立盡清秋不惜奇毛恣遠遊在野只

教心力一作膽

破干晉作干或作干人何事網羅求一生自獵

知無敵百中爭能恥下韉鵬礙九天須却避免藏一作

經三穴一作窟一作營莫深憂

黑鷹不省人間有度海疑從北極來正翮搏風超紫

塞立陳作元冬幾夜宿陽臺虞羅自各虛施巧春雁同

歸必見猜萬里寒空祇一日金眸玉爪不

刊作未

凡材

珍做宋版印

杜工部集卷第十六

杜工部集卷第十七目錄

近體詩五十五首

太歲日

元日示宗武

遠懷舍弟穎觀等

續得觀書正月中旬定出三峽

將別巫峽贈南卿兄

送大理封主簿親事不合

人日兩篇

江梅

庭草

大歷三年春白帝城放船出瞿唐峽四十韻

巫山縣汾州唐十八使君弟宴別

春夜峽州田侍御長史津亭留宴

泊松滋江亭

行次古城店泛江作奉呈江陵幕府諸公
乘雨入行軍六第宅

宴胡侍御書堂

書堂飲既夜復邀李尚書月下賦絕句

上巳日徐司錄林園宴集

奉送蘇州李二十五長史丈之任

暮春江陵送馬大卿赴闕下

暮春陪李尚書李中丞過鄭監湖亭汎舟

奉送蜀州柏二別駕赴江陵

夏日楊長寧宅送崔侍御常正字入京

和江陵宋少府暮春雨後同宴書齋

夏夜李尚書筵送宇文石首赴縣聯句

宇文晁尚書之甥崔彧司業之孫尚書之子重

泛鄭監前湖

多病執熱奉懷李尚書

水宿遣興奉呈羣公

奉賀陽城郡王太夫人恩命加鄧國太夫人

江陵望幸

江邊星月二首

舟中對驛近寺

舟中

遣悶

江陵節度陽城郡王新樓成

又作此奉衛王

舟出江陵南浦奉寄鄭少尹

江南逢李龜年

官亭夕坐戲簡顏少府

秋日荆南述懷三十韻

秋日荆南送石首薛明府三十韻

哭李尚書之芳

重題

獨坐

暮歸

移居公安敬贈衛大郎

公安送韋二少府

贈虞十五司馬

公安縣懷古

公安送李二十九弟入蜀余下沔鄂

宴王使君宅題二首

留別公安太易沙門

杜工部集卷第十七目錄

杜工部集卷第十七

近體詩五十五首

大歷三年正月起峽中至江陵及湖南作

太歲日

楚岸行將老巫山坐復春病多猶是客謀拙竟何人
闐闐開黃道衣冠拜紫宸榮光懸日月賜與出金銀
愁寂鴛行斷參差虎穴鄰西江元下蜀北斗故臨秦
散地逾高枕生涯脫要津天邊梅柳樹相見幾迴新
元日示宗武

汝啼吾手戰吾笑汝身長處處逢正月迢迢滯遠方
飄零還柏酒一作葉衰病只藜床訓喻青衿子名漸白

首郎賦詩猶落筆獻壽更稱觴不見江東弟高歌淚
數行第五弟豐漂泊江左近無消息

遠懷舍弟穎觀等

陽翟空知處荆南近得書積年仍遠別多難不安居
江漢春風起冰霜昨夜除雲天猶錯莫花萼尚蕭疎
對酒都疑夢吟詩正憶渠舊時元日會鄉黨羨吾廬
續得觀書迎就當陽居止正月中旬定出三峽
自汝到荆府書來數喚吾頌椒添諷詠禁火卜歡娛
呼一作舟楫因人動形骸用杖扶天旋夔子國春近岳
陽湖發日排南喜傷神散北吁飛鳴還接翅行序密
銜蘆俗薄江山好時危草木蘇馮唐雖晚達終覲在
皇都

將別巫峽贈南卿兄瀼西果園四十畝

苔竹素所好萍蓬無一作定居遠遊長兒子幾地別
林廬雜藥紅相對他時錦不如具舟將出峽巡圃念
攜鋤正月喧鷺末茲辰放鷁初雪籬梅可折風榭柳

微舒託贈卿家有因歌野興疎殘生逗

陳作逼

江漢何

處狎樵漁

送大理封主簿五郎親事不合却赴通州主簿

前閩州賢子余與主簿平章鄭氏女子垂欲納

采一有字

鄭氏伯父京書至女子已許他族親事遂

停

禁巒去東床趨庭赴北堂風波空遠涉琴瑟幾

音虛

張渥水出騏驎崑山生鳳皇兩家誠款款中道許蒼

蒼頗謂秦晉匹從來王謝郎青春動才調白首缺輝

光玉潤終孤立珠明得闇藏餘寒折花卉恨別滿江

鄉

人日兩篇

元日到人日未有不陰時冰雪鸞難至春寒花較遲

雲隨白水落風振紫山悲蓬鬢稀疎久無勞比素絲
此日此時人共得一談一笑俗相看尊前柏葉休隨
酒勝裏金花巧耐寒佩劍衝星聊暫拔匣琴流水自
須彈早春重引江湖興直道無憂行路難

江梅

梅蘂臘前破梅花年後多絕知春意好一作早最奈客

愁何雪樹元一作能同色江風亦自波故園不可見巫

岫鬱嵯峨

庭草

楚草經寒碧庭春入眼濃舊低收葉舉新掩卷牙重
步履宜輕過開筵得屢供看花隨節序不敢強為容
大歷三年春白帝城放船出瞿唐峽久居夔府
將適江陵漂泊有詩凡四十韻

老向巴人裏今辭楚塞隅入舟翻不樂解纜獨長吁

窄轉深啼狖虛隨亂落一作浴鳧石苔凌几杖空翠撲

肌膚疊壁排霜劍奔泉濺水珠杳冥藤上下濃淡樹

榮枯神女峯娟妙昭君宅有無曲留明怨惜別一作夢

盡失歡娛擺盪盤渦沸欹斜激浪輸風雷纏地脈冰

雪耀天衢鹿角名灘真走險狼頭名灘如跋胡惡灘寧變

色高臥負微軀書史全傾撓裝囊半壓濡生涯臨臬

兀死地脫斯須不有平川決快一作焉知衆壑趨乾坤

霾漲海雨露洗春蕪鷗鳥牽絲颺驪龍濯錦紆落霞

沈綠綺殘月壞金樞泥筍苞初荻沙茸出小蒲雁兒

爭水馬燕子逐檣烏絕島容烟霧環洲納曉晡前聞

辨陶牧轉盼拂宜都縣郭南畿好路入松津亭北望

孤勞心依憩息朗詠劃昭蘇意遣樂還笑衰迷賢與

愚飄蕭將素髮汨沒聽洪鑪邱壑曾忘返文章敢自

誣此生遭聖代誰分哭窮途臥疾淹爲客蒙恩早廁

儒廷爭酬造化樸直乞去江湖灑灑險相迫滄浪深

可逾浮名尋已已懶計却區區喜近天皇寺先披古

畫圖

此寺有晉右軍書張僧繇畫孔子洎顏子十哲形像

應經帝子渚同泣舜蒼梧

朝士兼戎服君王按湛盧旄頭初傲擾鶉首麗泥塗

甲卒身雖貴書生道固殊出塵皆野鶴歷塊匪轅駒

伊呂終難降韓彭不易呼五雲高太甲六月曠搏扶

回首黎元病爭權將帥誅山林託疲茆未必免崎嶇

巫山縣汾州唐使君十八弟宴別兼諸公攜酒

樂相送率題小詩留于屋壁

臥病巴東久今年強作歸故人猶遠謫茲日倍多違

接宴身兼杖聽歌淚滿衣諸公不相棄擁別借光輝

春夜峽州田侍御長史津亭留宴

得筵字

北斗三更席西江萬里船杖藜登水榭揮翰宿春天

白髮煩

一作煩

多酒明星惜此筵始知雲雨峽忽盡下

牢邊

泊松滋江亭

紗帽隨鷗鳥扁舟繫此亭江湖深更白松竹遠微

一作

還青一柱全應近高唐莫再經今宵南極外甘作老

人星

行次古城店汎江作不揆鄙拙奉呈江陵幕府

諸公

老年常道路遲日復山川白屋花開裏孤城麥秀邊

濟江元自闊下水不勞牽風蝶勤依槳春鷗懶避船

王門高德業幕府盛才賢行色兼多病蒼茫汎愛前

乘雨入行軍六弟宅

曙角凌雲罷春城帶雨長
水花分塹弱巢燕得泥忙
令弟雄軍佐凡才汚省郎
萍漂忍流涕衰颯近中堂

宴胡侍御書堂

李尚書之芳鄭祕監審同集歸字韻

江湖春欲暮牆宇日猶微
閨闈春吳作籍滿輕輕花
絮飛翰林名有素墨客興無違
今夜文星動吾儕醉

不歸

書堂飲既夜復邀李尚書下馬月下賦絕句

湖水

一作月

林風相與清殘尊下馬復同傾
久拚野鶴

如霜鬢遮莫鄰雞下五更

上巳日徐司錄林園宴集

鬢毛垂領白花藥亞枝紅
欹倒衰年廢招尋令節同

簾

一作蕩

衣臨積水吹面受和風
有喜留攀桂無勞問

轉蓬

奉送蘇州李二十五長史丈之任

星坼台衡地曾爲人所憐公侯終必復經術昔

吳作竟

相傳食德見從事克家何妙年一毛生鳳穴三尺獻
龍泉赤壁浮春暮姑蘇落海邊客間頭最白惆悵此
離筵

暮春江陵送馬大卿公恩命追赴闕下

自古求忠孝名家信有之吾賢富才術此道未磷緇
王府標孤映霜蹄去不疑激揚音韻徹籍甚衆多推
潘陸應同調孫吳亦異時北辰徵事業南紀赴恩私
卿月昇金掌王春度玉墀薰風行應律湛露卽歌詩
天意高難問人情老易悲尊前江漢闊後會且深期

暮春陪李尚書李中丞過鄭監湖亭汎舟

得過字韻

海內文章伯湖邊意緒多玉尊移晚興桂楫帶酣歌
春日繁魚鳥江天足芰荷鄭莊賓客地衰白遠來過
奉送蜀州柏二別駕將中丞命赴江陵起居衛
尚書太夫人因示從弟行軍司馬佐

中丞問俗畫熊頻愛弟傳書彩鷁新遷轉五州防禦
使起居八座太夫人楚宮臘送荆門水白帝雲偷碧
海春報與惠連詩不惜知吾斑鬢總如銀

夏日楊長寧宅送崔侍御常正字入京

得深
字韻

醉酒揚雄宅升堂子賤琴不堪垂老鬢還對欲分襟
天地西江遠星辰北斗深烏臺俯麟閣長夏白頭吟
和江陵宋大少府暮春雨後同諸公及舍弟宴

書齋

渥洼汗血種天上麒麟兒才士得神秀書齋聞爾爲

棟華晴雨好綵服暮春宜朋酒日歡會老夫今始知

夏夜李尚書筵送宇文石首赴縣聯句

愛客尚書重之官宅相賢美于酒香傾坐側帆影駐江

邊芳翟表郎官瑞鳥看令宰仙或雨稀雲葉斷夜久

燭花偏美于數語敬一作紗帽高文擲彩箋芳興饒行

處樂離惜醉中眠或單父長多暇河陽實少年美于客

居逢自出為別幾悽然芳

字文晁尚書之甥崔彧司業之孫尚書之子重

泛鄭監前湖審

郊扉俗遠長幽寂野水春來更接連錦席淹留還出

浦葛巾欹側未迴船尊當霞綺輕初散棹拂荷珠碎

却圓不但習池歸酌酹君看鄭谷去黃緣

多病執熱奉懷李尚書之芳

衰年正苦病侵凌首夏何須氣鬱蒸大水淼茫炎海
接奇峯碑兀火雲升思霑道暍黃梅雨敢望宮恩玉
井冰不是尙書期不顧山陰野雪興難乘

水宿遣興奉呈羣公

魯鈍仍多病逢迎遠復迷耳聾須畫字髮短不勝篔
澤國雖勤雨炎天竟淺泥小江還積浪弱纜且長堤
歸路非關北行舟却向西暮年漂泊恨今夕一作久客亂

離啼童稚頻書札盤飧詎糝藜我行何到此物理直
難齊高枕翻星月嚴城疊鼓鞞風號聞虎豹水宿伴
鳧鷖異縣驚虛往同人惜解攜蹉跎長汎鷁展轉屢
鳴雞疑疑瑚璉器陰陰桃李蹊餘波期救涸費日苦
輕賚支策門闌邃肩輿羽翮低自傷甘賤役誰愍強
幽棲巨海能無釣浮雲亦有梯勳庸思樹立語默可

端倪贈粟困應指登橋柱必題丹心老未折時訪武陵溪

奉賀陽城郡王太夫人恩命加鄧國太夫人

陽城

郡王衛伯玉也

衛幕銜恩重潘輿送喜頻濟時瞻上將錫號戴慈親
富貴當如此尊榮邁等倫郡依封土舊國與大名新
紫誥鸞迴紙清朝燕賀人遠傳冬筍味更覺綵衣春
奕葉班姑史芬芳孟母鄰義方兼有訓詞翰兩如神
委曲承顏體鸞飛報主身可憐忠與孝雙美畫麒麟

江陵望幸

雄都元壯麗望幸歛威神地利西通蜀天文北照秦
風烟含越鳥舟楫控吳人未枉周王駕終期漢武巡
甲兵分聖旨居守付宗臣早發雲臺仗

刊作路

恩波起

涸鱗

江邊星月二首

驟雨清秋夜金波耿玉繩天河元自白江浦

一作渚

向

來澄映物連珠斷緣空一鏡升餘光隱

一作憶

更漏況

乃露華凝

江月辭風纜

一作檻

江星別霧

一作露

船雞鳴還曙

一作曉

色鷺浴自清川歷歷竟誰種悠悠何處圓客愁殊未

已他夕始相鮮

舟月對驛近寺

更深不假燭月朗自明船金刹青楓外朱樓白水邊

城烏啼眇眇野鷺宿娟娟皓首江湖客釣簾獨未眠

舟中

風餐江柳下雨臥驛樓邊結纜排魚網連檣並米船

今朝雲細薄昨夜月清圓飄泊南庭老祇應學水仙

遣悶

地闊平沙岸舟虛小洞房使塵來驛道城日避烏檣

檣一作

暑雨留蒸溼江風借夕涼行雲星隱見疊浪月

光芒螢鑿緣帷徹蛛絲罨鬢長哀箏猶凭几鳴笛竟
霑裳倚著如秦贅過逢類楚狂氣衝看劍匣穎脫撫
錐囊妖孽關東臭兵戈隴右瘡時清疑武略世亂踣
文場餘力浮于海端憂問彼蒼百年從萬事故國耿
難忘

江陵節度陽城郡王新樓成王請嚴侍御判官
賦七字句同作

樓上炎天冰雪生高飛燕雀賀新成碧窗宿霧濛濛
溼朱栱浮雲細細輕杖鉞褰帷瞻具美投壺散帙有

餘清自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還高
下三伏炎蒸定有無推轂幾年唯鎮靜曳裾終日盛
文儒白頭授簡焉能賦媿似相如爲大夫

舟

中一有出江陵南浦奉寄鄭少尹

審

更欲投何處飄然去此都形骸元土木舟楫復江湖
社稷纏妖氣干戈送老儒百年同棄物萬國盡窮途
雨洗平沙靜天銜闊岸紆鳴蜚隨泛梗別鷺起秋菰
棲託難高臥飢寒迫向隅寂寥相煦沫浩蕩報恩珠
溟漲鯨波動衡陽雁影徂南征問懸榻東逝想乘桴
濫竊商歌聽時憂卞泣誅經過憶鄭驛斟酌旅情孤

江南逢李龜年

岐王宅裏尋常見崔九堂前幾度聞正是友議作值江南好風景落花時節又逢君

官亭夕坐戲簡顏十少府

南國調寒杵西江浸日車客愁連蟋蟀亭古帶蒹葭
不返青絲鞚虛燒夜燭花老翁須地主細細酌流霞

秋日荆南述懷

三十韻

昔承推獎分媿匪挺生材遲暮宮臣忝艱危衰職陪
揚鑣樊作鞭隨日馭折檻出雲臺罪戾寬猶活干戈塞

未開星霜元鳥變身世白駒催伏枕因超忽扁舟任
往來九鑽巴嘖火三蟄楚祠雷望帝傳應實昭王問

不迴蛟螭深作橫豺虎亂雄猜素業行已矣浮名安

在哉琴鳥曲怨憤庭鶴舞摧頽秋雨漫湘水一云秋水漫湘竹

陰風過嶺梅苦搖求食尾常曝報恩鯁結舌防讒柄

探腸有禍胎蒼茫步兵哭展轉仲宣哀飢籍入聲家家

米愁徵處處孟休爲貧士嘆任受衆人哈得喪初難

識榮枯劃易該差池分組冕合沓起蒿萊不必伊周

地皆知

一作登

屈宋才漢庭和異域晉史坼中台霸業

尋常體忠臣忌諱災羣公紛戮力聖慮宵

樊作睿

徘徊

數見銘鐘鼎真宜法斗魁願聞鋒鏑鑄莫使棟梁摧

盤石圭多翦凶門轂少推垂旒資穆穆祝網但恢恢

赤雀翻然至黃龍詎

一作不

假媒賢非夢傅野隱類鑿

顏坯自古江湖客冥心若死灰

秋日荆南送石首薛明府辭滿告別奉寄薛尚

書頌德敘懷斐然之作

三十韻

南征爲客久西候別君初歲滿歸鳧舄秋來把雁書
荆門留美化姜被就離居聞道和親入垂名報國餘

連枝不日並八座幾時除往者胡星孛恭惟漢網疎

風塵相瀕洞天地一邱墟殿瓦鴛鴦坼宮簾翡翠虛

鈞陳摧徼道槍纍失儲胥文物陪巡守親賢病拮据

公時呵猊猶首唱却鯨魚勢愜宗蕭相郭令公材非一

范睢將諸名屍填太行道血走浚儀渠溢口師仍會函

關憤已據紫微臨大角皇極正乘輿賞從頗峨冕殊

私再直廬公舊執金吾新授羽林前後二將軍豈惟高衛霍曾是接應徐

降集翻翔鳳追攀絕衆狙侍臣雙宋玉戰策兩穰苴

鑿澈勞懸鏡荒蕪已荷鋤嚮來披述作石首處見公新文一卷重

此憶吹噓白髮甘凋喪青雲亦卷舒經綸功不朽跋

涉體何如公頃奉使和蕃已見上應訝耽湖橘常餐占野蔬十年

嬰藥餌萬里狎樵漁楊子淹投閣鄒生惜曳裾但驚

飛熠燿不記改蟾蜍烟雨封巫峽江淮略孟諸湯池

雖險固遼海尚填淤努力輸肝膽休煩獨起予

哭李尚書

之芳

漳濱與蒿里逝水竟同年欲掛留徐劍猶迴憶戴船
相知成白首此別間黃泉風雨嗟何及江湖涕泫然
脩文將管輅奉使失張騫史閣行人在詩家秀句傳
客亭鞍馬絕旅櫬網蟲懸復魄昭邱遠歸魂素滻偏
樵蘇封葬地喉舌罷朝天秋色凋春草王孫若箇邊

重題

涕泗不能收哭君余

一作餘

白頭兒童相識

一作顧

盡字

宙此生浮江雨銘旌溼湖風井逕秋還瞻魏太子賓

客減應劉

李公歷禮部尚書
薨于太子賓客

獨坐

悲愁

一作秋

迴白首倚杖背孤城江斂洲渚出天虛風

物清滄溟服

恨一作

衰謝朱紱負平生仰羨黃昏鳥投

林羽翻輕

暮歸

霜黃碧梧白鶴棲城上擊柝復烏啼客子入門月皎
皎誰家搗練風淒淒南渡桂水闕舟楫北歸秦一作洛
川多鼓鞞年過半百不稱意明日看雲還杖藜

移居公安敬贈衛大郎

鈞

衛侯不易得余病汝知之雅量涵高遠清襟照等夷
平生感意氣少小愛文辭河海由來合風雲若有期
形容勞宇宙質朴謝軒墀自古幽人泣流年壯士悲
水烟通徑草秋露接園葵入邑豺狼鬪傷弓鳥雀饑
白頭供宴語烏几伴棲遲交態遭輕薄今朝豁所思

公安送韋二少府匡贊

逍遙公後世多賢送爾維舟惜此筵念我能書一作常能
數字至將詩不必萬人傳時危兵甲黃塵裏日短江
湖白髮前古往今來皆涕淚斷腸分手各風烟

贈虞十五司馬

遠師虞祕監今喜識元孫形象丹青逼家聲器宇存
淒涼憐筆勢浩蕩問詞源爽氣金天豁清談玉露繁
佇鳴南岳鳳欲化北溟鯤交態知浮俗儒流不異門
過逢聯客位日夜倒芳尊沙岸風吹葉雲江月上軒
百年嗟已半四坐敢辭喧書籍終相與青山隔故園

公安縣懷古

野曠呂蒙營江深劉備城寒天催日短風浪與雲平
灑落君臣契飛騰戰伐名維舟倚前浦長嘯一含情
公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞雁一行鳴
南紀連銅柱西江接錦城憑將百錢卜飄泊問君平

宴王使君宅題二首

漢主追韓信蒼生起謝安吾徒自漂泊世事各艱難
逆旅招邀近他鄉思英華作意緒寬不才甘朽質高臥豈

泥蟠

汎愛容霜髮一作鸞留歡卜夜閑一云上夜關自吟詩送老

相勸酒開顏戎馬今何地鄉園獨舊山江湖墮清月

酪酲任扶還舊山一作在山

留別公安太易沙門

隱居欲就廬山遠麗藻初逢休上人數問舟航留製
作長開篋笥擬心神沙村白雪仍含凍江縣紅梅已
放春先踏鑪峯置蘭若徐飛錫杖出風塵

杜工部集卷第十七

杜工部集卷第十八目錄

近體詩六十一首

曉發公安

泊岳陽城下

纜船苦風戲題四韻奉簡鄭十三判官

登岳陽樓

陪裴使君登岳陽樓

過南岳入洞庭湖

宿青草湖

宿白沙驛

湘夫人祠

祠南夕望

登白馬潭

歸鴈

野望

入喬口

銅官渚守風

北風

雙楓浦

奉送王信州峯北歸

江閣臥病走筆寄呈崔盧兩侍御

潭州送韋員外牧韶州

潭州留別杜員外院長

韋迢

江閣對雨有懷行營裴二端公

早發湘潭寄杜員外院長

韋迢

酬韋韶州見寄

千秋節有感二首

晚秋長沙蔡侍御飲筵送殷參軍

湖中送敬十使君適廣陵

長沙送李十一

重送劉十弟判官

奉贈盧五丈參謀

登舟將適漢陽

暮秋將歸秦留別湖南幕府親友

送盧侍御護韋尚書靈櫬歸上都二十韻

哭李常侍嶧二首

哭韋大夫之晉

舟中夜雪有懷盧十四侍御弟

對雪

樓上

冬晚送長孫漸舍人歸州

暮冬送蘇四郎傒兵曹適桂州

風疾舟中伏枕書懷三十六韻呈湖南親友

奉贈蕭二十使君

奉送二十三舅錄事之攝郴州

送魏司直崔郎中判官兼寄韋韶州

送趙十七明府之縣

燕子來舟中作

同豆盧峯貽主客李員外賢子棐知字韻

歸鴈二首

小寒食舟中作

清明二首

發潭州

迴棹

贈韋七贊善

奉酬寇十侍御錫見寄四韻復寄寇

杜員外兄垂示詩因作此寄上

郭受

酬郭十五判官

衡州送李大大夫七丈勉赴廣州

附錄

他集互見四首

哭長孫侍御

號國夫人

軍中醉飲寄沈八劉叟

杜鵑行

吳若本逸詩七首

聞惠二過東溪特一送

舟泛洞庭

李鹽鐵

長吟

絕句三首

草堂詩箋逸詩拾遺

瞿唐懷古

送司馬入京

惜別行送劉僕射判官

呀鶻行

狂歌行贈四兄

右五篇蘇州太守裴煜如晦所收

逃難

寄高適

送靈州李判官

與嚴二郎奉禮別

巴西驛亭觀江漲呈竇使君二首

遣憂

早花

巴山

收京

巴西聞收宮闕送班司馬入京

花底

柳邊

送竇九歸成都

贈裴南部聞袁判官自來欲有按問

奉使崔都水翁下峽

題鄆縣郭明府茅屋壁

遣悶戲呈路曹長

隨章留後新亭送諸君

東津送韋諷

客舊館

閩州奉送二十四舅

愁坐

陪鄭公秋晚北池臨眺

去蜀

放船

哭台州鄭司戶蘇少監

右二十七篇朝奉大夫員安宇所收

送王侍御往東川

惠義寺送王少尹

右二篇見王原叔本

避地

右一篇見趙次翁本

惠義寺園送辛員外

又送

右二篇見卞園本

杜工部集卷第十八目錄

世王裕

世王裕

世王裕

世王裕

世王裕

世王裕

世王裕

世王裕

杜工部集卷第十八

近體詩六十一首

自公安發次岳州及湖南作

曉發公安

數月憩息此縣

北城擊柝復欲罷
東方明星亦不遲
鄰雞野哭如昨日
物色生能幾時舟
檝眇然自此去
江湖遠適無前期
出門轉眄已陳迹
藥餌扶吾隨所之

泊岳陽城下

江國踰千里
山城僅百層
岸風翻夕浪
舟雪灑寒燈
留滯才難盡
艱危氣益增
圖南未可料
變化有鯤鵬
纜船苦風戲題四韻奉簡鄭十二判官

泛

楚岸朔風疾
天寒鷓鴣呼
漲沙霾草樹
舞雪渡江湖
吹帽時時落
維舟日日孤
因聲置驛外
爲覓酒家壚

登岳陽樓

昔聞洞庭水今上岳陽樓吳楚東南坼乾坤日夜浮
親朋無一字老病有孤舟戎馬關山北憑軒涕泗流

陪裴使君登岳陽樓

湖闊兼雲霧樓孤屬晚晴禮加徐孺子詩接謝宣城
雪岸叢梅發春泥百草生敢違漁父問從此更南征

過南岳入洞庭湖

洪波忽爭道岸轉異江湖鄂渚分雲樹衡山引舳艫

翠牙穿裊漿

荆作

碧節上

吐云

寒蒲病渴身何去春

生力更無壤童犁雨雪漁屋架泥塗欹側風帆滿微
冥水驛孤悠悠迴赤壁浩浩略蒼梧帝子留遺恨曹
公屈壯圖聖朝光御極殘孽駐艱虞才淑隨廝養名
賢隱鍛鑪邵平元入漢張翰後歸吳莫怪啼痕數危
檣逐夜烏

宿青草湖

洞庭猶在目，青草續爲名。
宿槳依農事，郵籤報水程。
寒冰爭倚薄雲月，遞微明。
湖雁雙雙起，人來故北征。

宿白沙驛

初過湖南五里

水宿仍餘照，人烟復此亭。
驛邊沙舊白，湖外草新青。
萬象皆春氣，孤槎自客星。
隨波無限月，一作景的的近南溟。

湘夫人祠

蕭蕭湘妃廟，空牆碧水春。
蟲書玉佩蘚，燕舞翠帷塵。
晚泊汀樹微，馨借一作香惜渚蘋。
蒼梧恨不盡，染淚在叢筠。

祠南夕望

百丈牽江色，孤舟泛日斜。
興來猶杖屨，目斷更雲沙。

山鬼迷春竹湘娥倚暮花湖南清絕地萬古一長嗟

登白馬潭

水生春纜沒日出野船開宿鳥行猶去叢花一作花叢笑

不來人人傷白首處處接金盃莫道新知要南征且

未迴

歸雁

聞道今春雁南歸自廣州見花辭漲海避雪到羅浮

是物關兵氣何時免客愁年年霜露隔不過五湖秋

野望

納納乾坤大行行郡國遙雲山兼五嶺風壤帶三苗

野樹侵江闊春蒲長雪消扁舟空老去無補聖明朝

八喬口長沙北界

漠漠舊京遠遲遲歸路賒殘年傍水國落日對春華

樹蜜早蜂亂江泥輕燕斜賈生骨已朽悽惻近長沙

銅官渚守風

不

樊作亦

夜楚帆落避風湘渚間水耕先浸草春火更

燒山早泊雲物晦逆行波浪慳飛來雙白鶴過去杳

難攀

北風

新康江口信宿方行

春生南國瘴氣待北風蘇向晚霾殘日初宵鼓大鑪
爽攜卑溼地聲拔洞庭湖萬里魚龍伏三更鳥獸呼
滌除貪破浪愁絕付摧枯執熱沈沈在凌寒往往須
且知寬疾肺不敢恨危途再宿煩舟子衰容問僕夫
今晨非盛怒便道即長驅隱几看帆席雲山湧坐隅

雙楓浦

輟棹青楓浦雙楓舊已摧自驚衰謝力不道棟梁材

浪足浮紗帽皮須截錦苔江邊地有主暫借上天迴

奉送王信州峯北歸

朝廷防盜賊供給愍誅求下詔選郎署傳聲能典一作

信州蒼生今日困

起一作

天子嚮時憂并屋有烟起瘡

瘳無血流壤歌唯海甸畫角自山樓白髮寐常早荒

榛農復秋解龜踰臥轍遣騎覓扁舟徐榻不知能一作

倦穎川何以酬塵生

孝壁一作

彤管筆寒膩黑貂裘高義

終焉在斯文去矣休別離同雨散行止各雲浮林熱

鳥開口江渾魚掉頭尉佗雖北拜太史尚南留軍旅

應都息寰區要盡收九重思諫諍八極念懷柔徙倚

瞻王室從容仰廟謀故人持雅論絕塞豁窮愁復見

陶唐理甘爲汗漫遊

江閣臥病走筆寄呈崔盧兩侍御

客子庖廚薄江樓枕席清衰年病祇瘦長夏想為情

滑憶

一作喜

彫胡飯香聞錦帶羹溜匙兼煖腹誰欲致

覓一作

盃鬯

潭州送韋員外牧韶州

迢

炎海韶州牧風流漢署郎分符先令望同舍有輝光
白首多年疾秋天昨夜涼洞庭無過雁書疏莫相忘

潭州留別杜員外院長

韋

迢

江畔長沙驛

一作澤

相逢纜客船大名詩獨步小郡海

西偏地溼愁飛鵬天炎畏站鳶去留俱失意把臂共

潸然

江閣對雨有懷行營裴二端公

南紀

一作極

風濤壯陰晴屢不分野流行地日江入度

山雲層閣憑雷殷長空水面

一作水面

文雨來銅柱北應

意一作洗伏波軍

早發湘潭寄杜員外院長

韋迢

北風昨夜雨江上早來涼楚岫千峯翠湘潭一葉黃
故人湖外客白首尙爲郎相憶無南雁何時有報章

酬韋韶州見寄

養拙江湖外朝廷記憶疎深慚長者轍重得故人書
白髮絲難理並一作新詩錦不如雖無南去雁看取北
來魚

千秋節有感二首

自罷千秋節頻傷八月來先朝常宴會壯觀已塵埃
鳳紀編生日龍池塹劫灰湘川新涕淚秦樹遠樓臺
寶鏡羣臣得金吾萬國迴衢尊不重飲白首獨餘哀
御氣雲樓敞含風綵仗高仙人張內樂王母獻宮桃

羅襪紅蕖豔金羈白雪毛舞階銜壽酒走索背秋毫
聖主他年貴邊心此日勞桂江流向北滿眼送波濤
晚秋長沙蔡五侍御飲筵送殷六參軍歸澧州

覲省

佳士欣相識慈顏望遠遊甘從投轄飲肯作置書郵
高鳥黃雲暮寒蟬碧樹秋湖南冬不雪吾病得淹留
湖中送敬十使君適廣陵

相見各頭白其如離別何幾年一會面今日復悲歌
少壯樂難得歲寒心匪他氣纏霜匣滿冰置玉壺多
遭亂實漂泊濟時曾琢磨形容吾校老膽力爾誰過
秋晚岳增翠風高湖湧波騫騰訪知己淮海莫蹉跎
長沙送李十一銜

與子避地西康州洞庭相逢十二秋遠媿尚方曾賜

履竟非吾土倦登樓久存膠漆應難並一辱泥塗遂
晚收李杜齊名真忝竊朔雲寒菊倍離憂

重送劉十弟判官

分源豕韋汎別浦雁賓秋年事推兄忝人才覺弟優
經過辨艷劍意氣逐吳鉤垂翅徒衰老先鞭不滯留
本枝凌歲晚高義豁窮愁他日臨江待長沙舊驛樓

奉贈盧五丈參謀琚

時丈人使自江陵在長沙待恩旨先支率錢米

恭惟同自出妙選異高標入幕知孫楚披襟得鄭僑
丈人藉才地門閥冠雲霄老矣逢迎拙相於契託饒
賜錢傾府待爭米駐船遙鄰好艱難薄氓心杼軸焦
客星空伴使寒水不成潮素髮乾垂領銀章破在腰
說詩能累夜醉酒或連朝藻翰惟牽率湖山合動搖
時清非造次興盡却蕭條天子多恩澤蒼生轉寂寥

休傳鹿是馬莫信鵬如陳作鴉未解依依袂還斟泛

泛瓢流年疲蟋蟀體物幸鷦鷯辜刊作負蒼洲願誰

云晚見招

登舟將適漢陽

春宅棄汝去秋帆催客歸庭蔬尚在眼浦浪已吹衣
生理飄蕩拙有心遲暮違中原戎馬盛遠道素書稀
塞雁與時集檣烏終歲飛鹿門自此往永息漢陰機
暮秋將歸秦留別湖南幕府親友

水闊蒼梧野樊作天高白帝秋途窮那免哭身老不

禁愁大府才能會諸公德業優北歸衝雨雪誰一作

憫弊貂裘

送盧十四弟侍御護韋尚書靈櫬歸上都二十

韻

素幕渡江遠朱幡登陸微悲鳴駟馬顧失涕萬人揮
參佐哭辭畢門闌誰送歸從公伏事久之子俊才稀
長路更執紼此心猶倒衣感恩義不小懷舊禮無違
墓待龍驤詔臺迎獬豸威深衷見士則雅論在兵機
戎狄乘妖氣塵沙落禁闈往年朝謁斷他日掃除非
但促一作整銅壺箭休添玉帳旂動詢黃閣老肯慮白
登圍萬姓瘡痍合羣兇一作雄嗜慾肥刺規多諫諍端
拱自光輝儉約前王體風流後代希對歎期特達衰
朽再芳菲空裏愁書字山中疾采薇撥盃要忽罷抱
被宿何依眼冷看征蓋兒扶立釣磯清霜洞庭葉故
就別時飛

哭李常侍嶧一首

一代風流盡修文地下深斯人不重見將老失知音

短日行梅嶺寒山江一作落桂林長安若箇畔猶想映

貂金

青瑣陪雙入銅梁阻一辭風塵逢我地江漢哭君時
次第尋書札呼兒檢贈詩發揮王子表不媿史臣詞

哭韋大夫之晉

悽愴邨瑕色差池弱冠年丈一作人叨禮數文律早

周旋臺閣黃圖裏簪裾紫蓋邊尊榮真不忝端雅獨

脩然貢喜音容間馮招病疾纏南過駭倉卒北思悄

聯綿鵬鳥長沙諱犀牛蜀郡憐素車猶慟哭寶劍欲

高懸漢道中興盛韋經亞相傳冲融標世業磊落映

時賢城府深朱夏江湖眇霽天綺樓關一作高樹頂飛

旄汎堂前帟幕疑風驚笳簫急暮蟬興殘虛白室跡

斷孝廉船童孺交遊盡喧卑俗事牽老來多涕淚情

在強詩篇誰寄方隅理朝難將帥權春秋褒貶例名器重雙全

舟中夜雪有懷盧十四侍御郎一作弟

朔風吹桂水朔一作大雪夜紛紛暗度南樓月寒深北

渚雲燭斜初近見舟重竟無聞不識山陰道聽雞更

憶君

對雪

北雪犯長沙胡雲冷萬家隨風且間一作開葉帶雨不

成花金錯囊從一作徒罄銀壺酒易賒無人竭浮蟻有

待至昏鴉何遜詩城陰度野黑昏鴉接翅歸

樓上

天地空搔首頻抽白玉簪皇輿三極北身事五湖南

戀闕勞肝肺論一作論材媿杞柁亂離難自救終是老

湘潭

冬晚送長孫漸舍人歸州

參卿休坐幄，蕩子不還鄉。
南客瀟湘外，西戎鄆杜旁。
衰年傾蓋晚，費日繫舟長。
會面思來札，銷魂逐去檣。
雲晴鷗更舞，風逆雁無行。
匣裏雌雄劍，吹毛任選將。

暮冬送蘇四郎徭兵曹適桂州

飄飄蘇季子，六印佩何遲。
早作諸侯客，兼工古體詩。
爾賢埋照久，余病長年悲。
盧綰須征日，樓蘭要斬時。
歲陽初盛動，王化久磷緇。
爲入蒼梧廟，看雲哭九疑。

風疾舟中伏枕書懷三十六韻奉呈湖南親友

軒轅休製律，虞舜罷彈琴。
尚錯雄鳴管，猶傷半死心。

聖賢名古邈，羈旅病年侵。
舟泊常依震，湖平早

半一作

見參如聞馬，融笛若倚仲。
宣襟故國悲，寒望羣雲慘。

歲陰水鄉霾白屋楓岸疊青岑鬱鬱冬炎瘴濛濛雨

滯淫鼓迎非

非一作方

祭鬼彈落似鴉禽興盡纔無悶愁

來遽不禁生涯相汨沒時物自

正一作

蕭森疑惑尊中

弩淹留冠上簪牽裾驚魏帝投閣爲劉歆狂走終奚

適微才謝所欽吾安藜不糝女

一作汝

貴玉爲琛烏几

重重縛鶉衣寸寸針哀傷同庾信述作異陳琳十暑

岷山葛三霜楚戶砧叨陪錦帳座久放白頭吟反樸

時難遇忘機陸易沉應過數粒食得近四知金春草

封歸恨源花費獨尋轉蓬憂悄悄行藥病泔泔瘞天

追潘岳持危覓鄧林蹉跎翻學步感激在知音却假

蘇張舌高誇周宋鐔納流迷浩汗峻址得嶽崮城府

開清旭松筠

一作篁

起碧潯披顏爭倩倩逸足競駸駸

朗鑒存愚直皇天實照臨公孫仍恃險侯景未生擒

書信中原闕干戈北斗深畏人千里井問俗九州箴
戰血流依舊軍聲動至今葛洪尸定解許靖力還任
家事丹砂訣無成涕作霖

奉贈蕭二十使君

昔在嚴公幕俱為蜀使臣艱危參大府前後間清塵

嚴再領成都
余復參幕府

起草鳴先路乘槎動要津王鳧聊暫出蕭

雉只相馴終始任安義荒蕪孟母鄰聯翩匍匐禮意

氣死生親

嚴公沒後老母在堂使君溫清之問甘脆之禮名數若
已之庭闈焉太夫人頃逝喪事又首諸孫主典撫孤之

情不減骨肉則膠漆之契可知矣

張老存家事嵇康有故人食恩慚鹵

莽鏤骨抱酸辛巢許山林志夔龍廊廟珍鵬圖仍矯

翼熊軾且移輪磊落衣冠地蒼茫土木身墳箎鳴自

合金石瑩逾新重憶羅江外同遊錦水濱結歡隨過

隙懷舊益霑巾曠絕含香舍稽留伏枕辰停驂雙闕

早迴雁五湖春不達長卿病從來原憲貧監河受貸
粟一起轍中鱗

奉送二十三舅錄事之攝郴州

崔偉

賢良歸盛族吾舅盡知名徐庶高交友劉牢出外甥
泥塗豈珠玉環堵但柴荆衰老悲人世驅馳厭甲兵
氣春江上別淚血渭陽情舟鷁排風影林鳥反哺聲
永嘉多北至勾漏且南征必見公侯復終聞盜賊平
郴州頗涼冷橘井尚淒清從役何蠻貊居官志在行
送魏二十四司直充嶺南掌選崔郎中判官兼

寄韋韶州

選曹分五嶺使者歷三湘才美膺推薦君行佐紀綱

佳聲斯

一作期

共

不獎作

遠雅節在周防明白山濤鑿嫌

凝陸賈裝故人湖外少春日嶺南長憑報韶州牧新

詩昨寄

一作將夜

送趙十七明府之縣

連城爲寶重茂宰得才新
山雉迎舟楫江花報邑人
論交翻恨晚臥病却愁春
惠愛南翁悅餘波及老身

燕子來舟中作

湖南爲客動經春燕子銜泥兩度新
舊入故園常識主如今社日遠看人
可憐處處巢君一作居室何異飄

飄託此身暫語船檣還起去穿花落水

范德機云善本本作帖水

益

霑巾

同豆盧峯知字韻

貽主客李員外賢子棐也

鍊金歐冶子噴玉大宛兒符彩高無敵
聰明達所爲夢蘭他日應折桂
早年知爛漫通經術光芒刷羽儀
謝庭瞻不遠潘省會於斯唱和將
離曲田翁號鹿皮

歸雁二首

萬里衡陽雁今年又北歸雙雙瞻客上一一背人飛
雲裏相呼疾沙邊自宿稀繫書元一作無浪語愁寂故

山薇

欲雪違胡地先花別楚雲却過清渭影高起洞庭羣
塞北春陰暮江南日色曛傷弓流落羽行斷不堪聞

小寒食舟中作

佳辰強飯

飲一云

食猶寒隱几蕭條帶鷓冠春水船如

天上坐老年花似霧中看娟娟戲蝶過閒一作開慢片

片輕鷗下急湍雲白山青萬餘里愁看直北是長安

清明二首

朝來新火起新烟湖色春光淨客船繡羽銜花他自
得紅顏騎竹我無緣胡童結束還難有楚女腰肢亦

可憐不見定王城舊處長懷賈傅并依然虛霑焦舉
當作周舉爲寒食實藉嚴君賣卜錢鐘鼎山林各天性濁

醜麤飯任吾年

此身飄泊苦西東右臂偏枯半耳聾寂寂繫舟雙下
淚悠悠伏枕左書空十年蹴踖將雛遠萬里鞦韆習
俗同旅雁上雲歸紫塞家人鑽火用青楓秦城樓閣
烟一作鶯花裏漢主山河錦繡中風水一作春去春來洞庭
闊白蘋愁殺白頭翁

登潭州

夜醉長沙酒曉行湘水春岸花飛送客檣燕語留人
賈傅才未有褚公書絕倫高名前後事迴首一傷神

褚永徽末
放此州

迴棹

宿昔試

世一作

安命自私猶畏天勞生繫一物為客費

多年衡岳江湖大蒸池疫癘偏散才嬰薄舊一作俗有

跡負前賢巾拂那關眼瓶罍易滿船火雲滋垢膩凍

雨裊沉

塵一作

綿強飯蕞添滑端居茗續煎清思漢水

上涼憶峴山巔順浪翻堪倚迴帆又省牽吾家碑不

味王氏井依然几杖將衰齒茅茨寄短椽灌園曾取

適遊寺可終焉遂性同漁父成名一作異魯連篙師

煩爾送朱夏及寒泉

贈韋七贊善

鄉里衣冠不乏賢杜陵韋曲未央前爾家最近魁三

象

斗魁下兩雨兩相比為三台

時論同歸

一云因侵

尺五天

俚語云城南韋杜去天尺五

北

走關山

一作河

開雨雪南遊花柳塞雲

一作風

烟洞庭春

色悲公子蝦菜忘歸范蠡船

奉酬寇十侍御錫見寄四韻復寄寇

往別郇瑕地于今四十年來簪御府筆故泊洞庭船
詩憶傷心處春深把臂前南瞻按百越黃帽待君偏
杜員外兄垂示詩因作此寄上

郭受

新詩海內流傳遍舊德朝中屬望勞郡邑地卑饒霧
雨江湖天闊足風濤松醪酒熟旁看醉蓮葉舟輕自
學操春興不知凡幾首衡陽紙價頓能高

酬郭十五判官

才微歲老尙虛名臥病江湖春復生藥裹關心詩總
廢花枝照眼句還成只同燕石能星隕自得隋珠覺
夜明喬口橘洲風浪促繫帆何惜片時程

衡州送李大夫七丈勉赴廣州

斧鉞下青冥樓船過洞庭北風隨爽氣南斗避文星
日月籠中鳥乾坤水上萍王孫丈人行垂老見飄零

附錄

他集互見四首

哭長孫侍御

道爲謀

一作諫

書重名因賦頌雄禮闈曾擢桂憲府

舊

一作近

乘驄流水生涯盡浮雲世事空唯餘舊臺柏

蕭瑟九原中

號國夫人

號國夫人承主恩平明上馬入宮

祐集作金

門却嫌脂粉

浣顏色淡掃蛾眉朝至尊

軍中醉飲寄沈八劉叟

酒渴愛江清餘甘

一作酣

漱晚汀軟沙欹坐穩冷石醉

眠醒野膳隨行帳華音發從伶數盃君不見醉一作都
已遣沉冥

杜鵑行

見陳浩然本亦見黃鶴本

古時杜宇稱望帝魂作杜鵑何微細跳枝竄葉樹木

中搶佯

英華作翔

瞥振雌隨雄毛衣慘黑貌

一作白

憔悴衆

鳥安肯相尊崇隳

英華作隳

形不敢栖華屋短翮唯願巢

深叢穿皮啄朽觜欲秃苦饑始得食一蟲誰言養雛

不自哺此語亦足爲愚蒙聲音咽咽如有謂

英華作咽噉若有謂

注云咽平聲

號啼略與嬰兒同口乾垂血轉迫促似欲

英華

作欲

上訴於蒼穹蜀人聞之皆起立至今敦學傳遺

風

英華作相效傳遺風

迺知變化不可窮豈知昔日居深宮嬪嬙

一作

左右如花紅

吳若本逸詩七篇

聞惠二過東溪特一送

惠子白駒一作作魚瘦歸溪惟病身皇天無老眼空谷

滯一作作斯人崖蜜松花熟一作作古山杯一作作竹葉新

柴門了無一作作事黃一作作綺未稱臣

李祁蕭遠校書云陳恬叔易傳東坡記此詩云右

一篇劉斯立得於管城人家冊子葉中題云工部

員外詩集名甫字東甫其餘諸篇語多不同如故

園桃李今搖落安得愁中却盡生也草堂本右一篇見洪駒父詩話

劉路左車言嘗收得唐人雜篇詩冊有之

舟泛洞庭一作作過洞庭湖

蛟室圍青草龍堆擁一作作白沙護江一作作盤古木迎

權舞神鷗破浪南風正收颿一作作畏日斜雲山千

萬疊底處上仙槎草堂作湖光與天遠直欲泛仙槎

右洪玉甫云有人得之江中石刻

王直方云此老杜過洞庭湖詩也潘淳云

元豐中有人得此詩刻于洞庭湖中不載名氏以示山谷山谷曰子美作也今蜀本已收入

李鹽鐵二首

後一首題云李監宅在第九卷中

落葉

一作華館

春風起高城烟霧開雜花分戶映嬌燕入

簷回一見能傾產

一作座

虛懷只愛才鹽官雖絆驥名

是漢庭來

長吟

江渚翻鷗戲官橋帶柳陰江飛競渡日草見踏春

草堂

作心已撥形骸累真為爛熳深賦詩歌

草堂作新

句穩不

免

一作覺

自長吟

絕句九首

前六首在十二卷中

聞道巴山裏春船正好行都將百年興一望九江城

草堂本云行趙作還城趙作山

杜工部集

卷十八

古

中華書局聚

水檻温江口茅堂石筍西移船先主廟洗藥浣沙

草堂

花作

設謾一作

道春來好狂風大放顛吹

飛一作

花隨水去翻

却釣魚船

右謝克家任伯題云右五詩得盛文肅家故書中

猶是吳越錢氏時人所傳格律高妙其為少陵不

疑詩說雋永晁氏嘗於中壺緘線縵夾中得吳越人寫本杜詩諱流字之類乃盛文肅故書也如日出籬東水等絕句六首乃九

首其一二云漫道春來好二云

草堂詩箋逸詩拾遺

瞿唐懷古

見吳若本又見英華

西南萬壑注勅敵兩崖開地與山根裂江從月窟來

削成當白帝空曲隱陽臺疏鑿功雖美陶鈞力大哉

送司馬入京

見吳若本

羣盜至今日先朝忝從臣
歎君能戀主久客羨歸秦
黃閣長司諫丹墀有故人
向來論社稷為話涕沾巾

惜別行送劉僕射判官

見陳浩然本
又見英華

聞道南行市駿馬不限疋數軍

一作官

中須襄陽幕府

天下異主將儉省憂艱虞祇收壯健勝鐵甲豈因格

鬪求龍駒而今西北自反胡騏驎蕩盡一疋無龍媒

真種在帝都子孫永落西南隅向非戎事備征伐君

肯辛苦越江湖江湖凡馬多顛顛衣冠往往乘蹇驢

梁公富貴於身疎號令明白人安居俸錢時散士子

盡府庫不為驕豪虛以茲報主寸心赤氣却西戎迴

北狄羅網羣馬籍

一作鳥籍

馬多氣在

一作用

驅馳出金帛

劉侯奉使光推擇滔滔才略滄溟窄杜陵老翁秋繫

船扶病相識長沙驛強梳白髮提胡盧手把

一作兼

菊

花路旁摘九州兵革浩茫茫三歎聚散臨重陽當杯

對客忍流涕

一作涕淚

君

此字無

不覺老夫神內傷

呀鵲行

見陳浩然本又見英華

病鵲孤

陳作卑

飛俗眼醜每夜江邊宿衰柳清秋落日

英華作月

已側身過雁歸鷗錯迴首緊腦雄姿迷所向疎

翻稀毛不可狀強神迷復阜雕前俊才早在蒼鷹上

風濤颯颯寒山陰熊羆欲螫

一作繫

龍虵深念爾此時

有一擲失聲濺血非其心

狂

一作短

歌行贈四兄

見陳浩然本又見英華

與兄行年校一歲賢者是兄愚者弟兄將富貴等浮

雲第切功名好權勢長安秋雨十日泥我曹韞馬聽

晨雞公卿朱門未開鎖我曹已到肩相齊吾兄睡穩

方舒膝不襪不巾踏曉日男啼女哭莫我知身上須

繒腹中實今年思我來嘉州嘉州酒重

一作香

花繞

一作

滿樓樓頭吃酒樓下臥長歌短詠

歌一作

還相酬四時

八節還拘禮女拜弟妻男拜弟幅巾鞶帶不挂身頭

脂足垢何曾洗吾兄吾兄巢許倫一生喜怒長任真

日斜枕肘寢已熟啾啾唧唧為何人

浩然本作何為人

右五篇乃蘇州太守裴煜如晦所收見舊集補遺

逃難

見陳浩然本

五十頭白翁南北逃世難疏布纏枯骨奔走苦不暖

叶去聲

已衰病方入四海一塗炭乾坤萬里內莫見容

身畔妻孥復隨我回首共悲歎故國莽邱墟鄰里各

分散歸路從此迷涕盡湘江岸

寄高適

楚隔乾坤遠難招病客魂詩名惟我共世事與誰論

北闕更新主南星落故園定知相見日爛熳倒芳尊

送靈州李判官

犬戎腥四海回首一茫茫血戰乾坤赤氛迷日月黃
將軍專策略幕府盛材良近賀中興主神兵動朔方

與嚴二郎奉禮別

別君誰暖眼將老病纏身出涕同斜日臨風看去塵
商歌還入夜巴俗自為鄰尚媿微軀在遙聞盛禮新
山東羣盜散闕下受降頻諸將歸應盡題書報旅人
巴西驛亭觀江漲呈寶使君二首

轉驚波作怒即恐岸隨流賴有盃中物還同海上鷗
關心小剡縣傍眼見揚州為接情人飲朝來減半一作

片愁

向晚波微一作猶綠連空岸脚青日兼春有暮愁與醉

無醒漂泊猶杯酒躑躅此驛亭相看萬里外同是一
浮萍

遣憂

亂離知又甚消息苦難真受諫無今日臨危憶古人
顧作傷 故臣紛紛乘白馬攘攘著黃巾隋氏留顧作營宮室

焚燒何太頻

早花

西京安穩未不見一人來臘日一作月巴江曲山花已

自開盈盈當雪杏豔豔待春一作香梅直苦風塵暗誰

憂容一作容鬢催

巴山

巴山遇中使云自峽一作陝城來盜賊還奔突乘輿恐

未回天寒邵伯樹地闊望仙臺狼狽風塵裏羣臣安

在哉

收京

復道收京邑兼聞殺犬戎衣冠却扈從車駕已還宮
尅復成如此安危扶一作持在數公莫令回首地慟哭起
悲風

巴西聞收宮闕送班司馬入京

聞道收宗廟鳴鑾自陝歸傾都看黃屋正殿引朱衣
劍外春天遠巴西勅使稀念君經世亂匹馬向王畿
花底

紫萼扶千藥黃鬚照萬花忽疑行暮雨何事入朝霞
恐是潘安縣堪留衛玠車深知好顏色莫作委泥沙
柳邊

只道梅花發那知柳亦新枝枝總到地藥藥自開春

紫燕時翻翼黃鸝不露身漢南應老盡霸上遠愁人

送竇九歸成都

文章亦不盡竇子才縱橫非爾更苦節何人符大名
讀書雲閣觀問絹錦官城我有浣花竹題詩須一行
贈裴南部聞袁判官自來欲有按問

塵滿萊蕪甑堂橫單父琴人皆知飲水公輩不偷金

梁獄書因上一作應秦臺鏡欲臨獨醒時所嫉羣小謗

能深卽出黃沙在何須白髮侵使君傳舊德已見直
繩心

奉使崔都水翁下峽

無數涪江筏鳴橈總發時別離終不久宗族忍相遺
白狗黃牛峽朝雲暮雨祠所過頻問訊到日自題詩
題鄴縣郭三十二明府茅屋壁

江頭且繫船爲爾獨相憐雲散灌壇雨春青彭澤田
頻驚適小國一擬問高天別後巴東路逢人問幾賢
遣悶戲呈路十九曹長

江浦雷聲喧昨夜春城雨色動微寒黃鸝並坐交愁
溼白鷺羣飛大劇乾晚節漸於詩律細誰家數去酒
盃寬惟吾最一作君醉愛清狂客百遍相看一作過意未闌

隨章留後新亭會送諸君

新亭有高會行子得良時日動映江幕風鳴排檻旗
絕葦終不改勸酒一作醉欲無詞已隨峴山淚因題零
雨詩

東津送韋諷攝閩州錄事

聞說江山好憐君吏隱兼寵行舟遠汎怯別酒頻添
推薦非承乏操持必去嫌他時如按縣不得慢陶潛

客舊館

陳迹隨人事初秋別此亭重來梨葉赤依舊竹林青

風幔何

一作前

時卷寒砧昨夜聲無由出江漢愁緒一作

渚秋月冥冥

閩州奉送二十四舅使自京赴任青城

聞道王喬烏名因太史傳如何碧雞使把詔紫微天
秦嶺愁回馬涪江醉泛船青城漫汚雜吾舅意凄然

愁坐

高齋常見野愁坐更臨門十月山寒重孤城月水昏
葭萌氏種迴左擔犬戎存一作屯終日憂奔走歸期未

敢論

陪鄭公秋晚北池臨眺

北池雲水闊華館闢秋風獨鶴元依渚衰荷且映空

采菱寒刺上踏藕野泥中素楫分曹往金盤小徑通
萋萋露草碧片片晚旗紅盃酒霑津吏衣裳與釣翁
異方初豔菊故里亦高桐搖落關山思淹留戰伐功
嚴城殊未掩清宴已知終何補參卿事一作參軍歡娛
到薄躬

去蜀

五載客蜀郡一年居梓州如何關塞阻轉作瀟湘遊
世一作萬事已黃髮殘生隨白鷗安危大臣在不一作何
必淚長流

放船

收帆下急水卷幔逐回灘江市戎戎暗山雲淦淦寒
村荒一作荒林無徑入獨鳥怪人看已泊城樓底何曾夜
色闌

哭台州鄭司戶蘇少監

故舊誰憐我平生鄭與蘇存亡不重見喪亂獨前途

豪俊何人

一作人誰

在文章掃地無羈遊萬里闊凶問一

年俱白首中原上清秋大海隅夜臺當北斗泉路著

東吳得罪台州去時危棄碩儒移官蓬閣後穀貴沒

潛夫流慟嗟何及銜冤有是夫道消詩興廢心息酒

爲徒許與才雖薄追隨跡未拘班揚名甚盛嵇阮逸

相須會取君臣合寧銓品命殊賢良不必展廊廟偶

然趨勝決風塵際功安造化鑪從容拘

一作詢

舊學慘

淡悶陰符擺落嫌疑久哀傷志力輸俗依綿谷異客

對雪山孤童稚思諸子交朋列友于情乖清酒送望

絕撫墳呼瘡病

一作病

餐巴水瘡痍老蜀都飄零迷哭

處天地日榛蕪

右二十七篇朝奉大夫員安字所收

送王侍御往東川放生池祖席

東川詩友合此贈怯輕爲况復傳宗近空然惜別離
梅花交近野草色向平池儻憶江邊臥歸期願早知

惠義寺送王少尹赴成都

得峯字

萬萬谷中寺娟娟林表峯闌干上處遠結構坐來重
騎馬行春徑衣冠起晚鐘雲門青寂寂此別惜相從
右二篇見王原叔本

避地

避地歲時晚竄身筋骨勞詩書遂牆壁奴僕且旌旄
行在僅聞信此生隨所遭神堯舊天下會見出腥臊
右一篇見趙次翁本題云至德二載丁酉作

惠義寺園送辛員外

朱櫻此日垂朱實郭外誰家負郭田萬里相逢貪握手高才仰望足離筵

又送

雙峯寂寂對春臺萬竹青青照送一作客杯細草留連侵坐軟殘花悵望近人開同舟昨日何由得並馬今朝未擬迴直到綿州始分首江邊樹裏共誰來

右二篇見卞園本

並見吳若本

杜工部集卷第十八

杜工部集卷第十九目錄

表賦記說讚述十五首

進三大禮賦表

朝獻太清宮賦

朝享太廟賦

有事于南郊賦

進封西嶽賦表

封西嶽賦

進鵬賦表

鵬賦

天狗賦

唐興縣客館記

說旱

畫馬贊

雜述

秋述

東西兩川說

杜工部集卷第十九目錄

杜工部集卷第十九

表賦記說讚述十五首

進三大禮賦表

天寶十三年

臣甫言臣生長陛下淳樸之俗行四十載矣與麋鹿

同羣而處浪跡

吳本有於字

陛下豐車長林實自弱冠之

年矣豈九州牧伯不歲貢豪俊於外豈陛下明詔不

仄席思賢於中哉臣之愚頑靜無所取以此知分沈

埋盛時不敢依違不敢激訐默以漁樵之樂自遣而

已頃者賣藥都市寄食朋友

吳作友朋

竊慕堯翁擊壤之

謳適遇國家郊廟之禮不覺手足蹈舞形於篇章漱

吮甘液游泳和氣聲韻寔廣卷軸斯存抑亦古詩之

流希乎述者之意然詞理野質終不足以拂天聽之

崇高配史籍以永久恐倏先狗馬遺恨九原謹稽首

投延恩甄獻納上表進明主朝獻太清宮朝享太廟
有事于南郊等三賦以聞臣甫誠惶誠恐頓首頓首
謹言

朝獻太清宮賦

冬十有一月天子既納處士之議承漢繼周革弊用
古勒崇揚休明年孟陬將據大禮以相籍越彝倫而
莫儔歷良辰而戒吉分祀事而孔修營室主夫宗廟
乘輿備乎冕裘甲子王以昧爽春寒薄而清浮虛闐
闐逗蚩尤張猛馬出騰虬捎熒惑墮旄頭風伯扶道
雷公挾輶通天台之雙闕警溟漲之十洲浩劫礪礪
萬山颼颼歛臻于長樂之舍蒐入乎崑崙之邱太一
奉引庖犧左文粹右堯步舜趨禹馳湯驟鬱閔宮之
律萃坼元氣以經構斷紫雲而竦牆撫流沙而承霽

紛墮珠而陷碧燿波錦而浪繡森青冥而欲雨絳光
炯而初晝於是翠蕤俄的藻藉舒就祝融擲火以焚
香溪女捧盤而盪激羣有司之望幸辨名物之難究
瓊漿自間於粢盛羽客先來於介冑爍聖祖之儲社
敬雲孫而及此詔軒轅使合符敕王喬以視履積昭
感于嗣續匪正辭於祝史若盼蠻而有憑肅風飈而
乍起揚流蘇於浮柱金英霏而披靡擬雜珮於曾巔

孔

文粹
作芝

蓋敬以颯纒中縱縱以迴復外蕭蕭而未已

上穆然注道爲身覺天傾耳陳僭號于五代復戰國
於千祀曰嗚呼昔蒼生纏孟德之禍爲仲達所愚鑿
齒其俗窳窳其孤赤烏高飛不肯止其屋黃龍哮吼
不肯負其圖伊神器臬兀而小人响喻歷紀大破瘡
痍未蘇尙攫拏於吳蜀又顛躓於羯胡縱羣雄之發

憤

讀一作

誰一統于亨衢在拓跋與宇文豈風塵之不

殊

雜一作

比聰虜及堅特渾貔豹而齊驅愁陰鬼嘯落

日梟呼各擁兵甲俱稱國都且耕且戰何有何無惟

累聖之徽典恭淑慎以允緝茲火土之相生非符讖

之備及煬帝終暴叔寶初襲編簡尚新義旗爰入既

清國難方覩家給竊以爲數子自誣敢正乎五行攸

執而觀者潛晤

悟一作

或喜至於泣鱗介以之鳴簾昆

蚊以之振蟄

一作矧鱗介之鳴
簾昆蚊以振蟄

感而遂通罔不具集乞

神光而紺閻羅詭異以戢香地軸傾而融曳洞宮儼

以疑岌九天之雲下垂四海之水皆立鳳鳥威遲而

不去鯨魚屈矯以相吸掃太始之含靈卷殊形而可

挹則有虹蜺爲鈎帶者入自於東揭莽蒼履崆峒素

髮漠漠至精濃濃條弛張於巨細覲披寫於心胸蓋

修竿無隙而仄席已容裂手中之黑簿晚堂下之金鐘得非擬斯人于壽域明返樸於元蹤忽翳日而翻萬象却浮雲

文粹作空

而留六龍咸讐跖而壯茲應終蒼

黃而昧所從上猶色若不足處之彌恭天師張道陵等洎左元君者前千二百官吏謁而進曰今王巨唐

帝之苗裔坤之紀綱土配君服宮尊臣商起數

一作數起

得統特立中央且大樂在懸黃鐘冠八音之首太昊斯啓青陸獻千春之祥曠哉勤力耳目宜乎大帶斧裳故風后孔甲充其佐山稽岐伯翼其旁至於易制取法足以朝登五帝夕宿三皇信周武之多幸存漢祖之自強且近朝之濫吹仍改卜乎祠堂初降素車終勤恤其後有客白馬固漂淪不忘伊庶人得議實邦家之光臣道陵等試本之於青籙探之於縹囊列

聖有差夫子聞斯於老氏好問自久宰我同科於季
康取撥亂返正乃此其所長萬神開八駿迴旗掩月
車奮雷騫七曜燭九垓能事穎脫清光大來或曰今
太平之人莫不優游以自得况是蹴魏踏晉批周挾
隋之後與夫乎一作更始者哉

朝享太廟賦

初高祖太宗之櫛風沐雨勞身焦思用黃鉞白旗粹文
鹿者五年而天下始一歷三朝而戮力今庶績之大
備上方采厯俗之謠稽正統之類蓋王者盛事臣聞
之於里曰昔武德已前黔黎蕭條無復生意遭鯨鯢
之蕩汨荒歲月而沸渭哀服紛紛朝廷多閏者仍巨
乎晉魏臣竊以自赤精之衰歇曠千載而無真人及
黃圖之經綸息五行而歸厚地則知至數不可以久

缺凡材不可以長寄故高下相形而尊卑各一作必異

惟神斷繫之於是本先帝取之以義壬辰既格于道

祖乘輿卽以是日致齋于九室所以昭達孝之誠所

以明繼天之質具禮有素六官咸秩大輅每出或黎

元不知豐年則多而筐筥甚實既而太尉參乘司僕

扈蹕望重闈以肅恭順法駕之徐疾公卿溘古士卒

精一黜宗廟之愈深抵職司之所密宿翠華於外戶

曙黃屋於通術氣淒淒於前旒光靡靡於嘉栗階有

賓乍帳有甲乙升降之際見玉柱生芝擊拊之初覺

鈞天合律筍簾佗以碣磻干戚宛而婆娑鞀鼓墳簾

爲之主鐘磬竽瑟以之和雲門咸池取之至空桑孤

竹貴之多八音脩一作循通既比乎旭日昇而氛埃滅

萬舞陵亂又似乎春風壯而江海波鳥不敢飛而元

甲嶧嶠以岳峙象不敢去而鳴珮剡爚以星羅已而
上乾豆以登歌美休成之既饗璧玉儲精以稠疊門
闌洞豁而森爽黑帝歸寒而激昂蒼靈戒曉而來往
熙事莽而克塞羣心虞以振蕩桐花未吐孫枝之鸞
鳳相鮮雲氣何多宮井之蛟龍亂上若夫生宏佐命
之道死配貴神之列則殷劉房魏之勳是可以中摩
伊呂上冠夔禹代天之工爲人之傑丹青滿地松竹
高節自唐興以來若此時哲皆朝有數四名垂卓絕
向不遇反正撥亂之主君臣父子之別奕葉文武之
雄注意生靈之切雖前輩之溫良寬大豪俊果決曾
何以措其筋力與韜鈴載其刀筆與喉舌使祭則與
食則血若斯之盛而已爾乃直于主索于祊警幽全
之物散純道之精蓋我后常用維時克貞營以蕭合

酌以茅明嘏以慈告祝以孝成故天意張皇不敢殄
其瑞神姦妥帖不敢祕其精而撫無一作絕軌享鴻名

者矣于以奏永安于以奏王夏福穰穰於絳闕芳霏

霏於玉學沛枯骨而破聾盲施殀胎而逮鰥寡園陵

動色躍在藻之泉魚弓劍皆鳴汗鑄金之風馬霜露

堪吸正祥可把曾宮獻欹陰事儼雅薄清輝於鼎湖

之山上一作靜餘響於蒼梧之野下一作上無一本窅然漠

漠惕然競競紛益所慕若不自勝瞰牙旗而獨立吟

翠駭而未乘五老侍祠而精駭千官逖聽而一作思

凝於是二丞相進曰陛下應道而作惟天與能澆訛

散淳漢登尚猶日慎業業孝思烝烝恐一物之失所

懼先王之咎徵如此之勤恤匪懈是百姓何以報夫

元首在臣等何以克其股肱且如周宣之教親不暇

孝武之淫祀相仍諸侯敢于迫脅方士奮其威稜一則以微言勸內一則以輕舉虛憑又非陛下恢廓緒業其瑣細亦曷足稱丞相退上躅天躋地授綏登車伊鴻文粹作灑洞槍壘先出爲儲胥本枝根株乎萬代睿想經緯乎六虛甲午方有事於采壇紺席宿夫行所如初

有事于南郊賦

蓋主上兆於南郊聿懷多福者舊矣今茲練時日就陽位之美又所以厚祖考通神明而已職在宗伯首崇禋祀先是春官條文粹作修頌祇之書獻祭天之紀令泰龜而不昧俟萬事之將履掌次閱氈邱之則封人考墳宮之旨司門轉致乎牲牢之繫小胥專達乎懸位之使二之日朝廟之禮既畢天子蒼然視於無形

澹然若有所聽又齋心於宿設將盱食而匪寧旌門
坡陁以前驚轂騎反覆以相經頓曾城之軋軋萬
戶之熒熒馳道端而如砥浴日上而如萍掣翠旄於
華蓋之角彗黃屋於鉤陳之星神仙戍削以落羽翹
颺幽憂以固局戰岐慄華擺渭掉涇地回回而風淅
淅天泱泱而氣青青甲冑乘陵轉迅雷於荆門巫峽
玉帛清迴霽夕雨於瀟湘洞庭於是乘輿濡然乃作
翳夫鸞鳳將至以冲融寥廓不可以彌度聲明通乎
純粹溟滓爲之垠罅駟蒼螭而蜿蜒若無骨以柔順
奔鳥攫而黝蠕徒有勢於殺縛朱輪竟野而杳冥金
鏤一作駸成陰以結絡吹堪輿以軒輕一作轉槍寒暑以
前却中營密擁乎太陽宸眷眇臨乎長薄熊羆弭耳
以相舐虎豹高跳以虛攫上方將降帷宮之緜縞屏

玉軼

一作軼

以蠖略人門行馬以拱乎合沓之場皮弁

大裘始進於穹崇之幕衝牙鏗鏘以將集周衛轆轤

而咸若月窟黑而扶桑寒田燭稠而曉星落肅定位

以告潔

一作挈

藹嚴上而清超雲齒蒼以張蓋春葳蕤

以建杓簪裾斐斐樽俎蕭蕭方面曲折周旋寂寥必

本於天王宮與夜明相射動而之地山林與川谷俱

標於是乎官有御事有職所以敬鬼神所以勤稼穡

所以報本反始所以度長立極元酒明水之上越席

疏布之側

一作列

必取先於稻秫麴蘖之勤必取著於

紛純文繡之飾雖三牲八簋豐備以相泐而蒼璧黃

琮實歸乎正色先王之丕業繼起信可以永其昭配

羣望之徧祭在斯示有以明其翼戴由是播其聲音

以陳列從乎節奏以進退韶夏漢武采之於訓謨鍾

石陶匏具之於梗槩變方形於動植聽宮徵於砰磻
英華發外非因乎筍簾之高和順積中不在乎雷鼓

霆一作之大既而瘁變一作勞挂胷柴燎窟塊驕書擘赫

葩斜晦潰電纏風升雪颯星碎拂勿佺澁眇溟菴淬

聖慮岑寂元黃增霈蒼生顛昂毛髮清籟雷公河伯

咸駭駭以修聳霜女江妃乍紛綸而晻曖執紱秉翟

朱干玉戚鼓瑟吹笙金支翠旌神光倏斂祀事虛明

於是潛滄乎渙汗紆餘乎經營浸朱崖而灑朔漠洵

暘谷而濡若英耆艾涕而童子儷叢棘坼而狴犴傾

是率土之濱覃酺醪以涵泳非奉郊之縣獨宴慰以

縱橫元澤淡泞乎無極殷薦綢繆乎至精稽古之時

屢應符而合契聖人有作不逆寡而雄成爾乃孤卿

侯伯雜羣儒三老儼而絕皮軒趨帳殿稽首曰臣聞

杜工部集卷十九

七 中華書局聚

燧人氏已往法度難知

一作和

文質未變太昊氏繼天

而王根啓閉於厥初以木傳子攄終始而可見洎虞

夏殷周茲煥炳而葱蒨秦失之於狼貪蠶食漢綴之

以虵斷龍戰中莽茫

一作茫茫

夫何從聖蓄縮曾不下眷

伏惟道祖視生靈之磔裂醜害馬之蹄齧呵五精之

息肩考正氣之無轍協夫貽孫以降使之造命更挈

累聖昭洗中祚觸蹶氣慘黷乎脂夜之妖勢迴薄乎

龍虵之孽伏惟陛下勃然憤激之際天闕

文粹作闕

不敢

旅拒鬼神爲之嗚咽高衢騰塵長劍吼血尊卑配宇

縣刷插紫極之將頽拾清芬於已缺鑪以之

一作仁

仁

義鍛以之

一作仁

賢哲聯祖宗之耿光卷夷狄之影撇

蓋九五之後人人自以遭唐虞四十年來家家自以

爲稷高王綱近古而不軌天聽貞觀以高揭蠹爾差

僭粲然優劣宜其課密於空積忽微刊定於興廢繼
絕而後覩數統從首八音六律而惟新日起算外一
字千金而不滅上曰吁昊天有成命帝一作惟五聖以
受我其夙夜匪遑實用素樸以守于嗟乎麟鳳胡爲
乎郊藪豈上帝之降鑒及茲元元之垂裕于後夫聖
以百年爲鷄鶩道以萬物爲芻狗今何以茫茫臨乎
八極眇眇託乎羣后端策拂龜於周漢之餘緩步闊
視於魏晉之首斯上古成法蓋其人已朽不足道也
於是天子默然而徐思終將固之又固之意不在抑
殊方之貢亦不必廣無用之祠金馬碧雞非理人之
術珊瑚翡翠此一物何疑奉郊廟以爲寶增怵惕以
孜孜况大庭氏之時六龍飛御之歸

進封西嶽賦表

臣甫言臣本杜陵諸生年過四十經術淺陋進無補於明時退常困於衣食蓋長安一匹夫耳頃歲國家有事於郊廟幸得奏賦待制於集賢委學官試文章再降恩澤乃猥以臣名實相副送隸有司參列選序然臣之本分甘棄置永休望不及此豈意頭白之後竟以短篇隻字遂曾聞徹宸極一動人主是臣無負於小小多病貧窮好學者已在臣光榮雖死萬足至於仕進非敢望也日夜憂迫伏未知何以上答聖慈明臣子之効况臣常有肺氣之疾恐忽復先草露塗糞土而所懷冥冥孤負皇恩敢據竭憤懣領略不則作封西嶽賦一首以勸所覬明主覽而留意焉先是御製嶽碑文之卒章曰待余安人治國然後徐思其事此蓋陛下之至謙也今茲人安是已今茲國富是

已况符瑞翕集福應交至何翠華之脈脈乎維嶽固
陛下本命以永嗣業維嶽授陛下元弼克生司空斯
又不可寢已伏惟天子霈然留意焉春將披圖視典
冬乃展采錯事口尚浩闊人匪勞止庶可試哉微臣
不任區區懇到之極謹詣延恩匭獻納奉表進賦以
聞臣甫誠惶誠恐頓首頓首謹言

封西嶽賦

并序

上既封泰山之後三十年間車轍馬跡至于太原還
于長安時或謁太廟祭南郊每歲孟冬巡幸溫泉而
已聖主以爲王者之體告厥成功止于岱宗可矣故
不肯到崆峒訪具茨驅八駿於崑崙親射蛟於江水
始爲天子之能事壯觀焉爾况行在供給蕭然煩費
或至作歌有慚於從官誅求坐殺於長吏甚非主上

執元祖醇濃之道端拱御蒼生之意大哉聖哲垂萬
代則蓋上古之君皆用此也然臣甫愚竊以古者疆
場有常處贊見有常儀則備乎玉帛而財不匱乏矣
動乎車輿而人不愁痛矣雖東岱五嶽之長足以勒
崇垂鴻與山石無極伊太華最爲難上至於封禪之
事獨軒轅氏得之夫七十二君罕能兼之矣其餘或
蹶踣風雲碑版祠廟終么麼不足追數今聖主功格
軒轅氏業纂七十君風雨所及日月所照莫不砥礪
華近甸也其可慙乎比歲鴻生巨儒之徒誦古史引
時呂作詩義云國家土德與黃帝合主上本命與金天
合而守闕者亦百數天子寢不報蓋謙如也頃或詔
厥郡國掃除曾巔雖翠蓋可薄乎蒼穹而銀字未藏
於金氣臣甫誠薄劣不勝區區吟詠之極故作封西

嶽賦以勸賦之義預述上將展禮焚柴者實覬聖意
因有感動焉爲其詞曰

惟時孟冬百工乃休上將陟西嶽覽八荒御白帝之
都見金天之王旣刊石乎岱宗又合符乎軒皇茲事
體大越不可載已先是禮官草具其儀各有典司俯
叶吉日欽若神祇而千乘萬騎已蠖略佶儼屈矯陸
離唯君所之然後拭翠鳳之駕開日月之旗撞鴻鐘
發雷輜辨格澤之脩竿決河漢之淋漓曠天狼之威
弧墜翹翹之霏霏赤松前驅彭祖後馳方明夾轂昌
寓侍衣山靈秉鉞而踉蹌海若護蹕而參差風馭冉
以縱螭雲螭綏而遲蛇地軸軋軋殷以下折原隰草
木儼而東飛岐梁閃倏涇渭反覆而天府載萬侯之
玉尙方具左燾黃屋已焜煌於山足矣乘輿尙鳴鑾

輿儲精澹慮華蓋之大角低回北斗之七星皆去屈
蒼山而信宿屯絕壁之清曙旣臻夫陰宮犀象碑兀
戈鋌悉宰飄飄蕭蕭洵洵如也於是太一抱式元冥
司直天子迺宿被齋就登陟駢素虬超嶺劣天語祕
而不可知代欲聞而不可得柴燎上達神光充塞泥
金乎齒蒼之南刻石乎青冥之北上意由是茫然延
降天老與之相識問太微之所居稽上帝之遺則颯
弭節以徘徊撫八紘而黻黑忽風翻而景倒澹殊狀
而異色回若褰祛開帷下辯宸極者久之雲氣蒼以
迴複山噶業而未息祀事孔明有嚴有翼神保是格
時萬時億爾乃駐飛龍之秋秋詔王屬以中休覲羣
后於高掌之下張大樂於洪河之州芬樹羽林莽不
可收千人舞萬人謳麒麟踳踳而在郊鳳凰蔚跂而

來遊雷公伐鼓而揮汗地祇被震而悲愁樂師拊石
而具發激越乎遐陬羣山爲之相峽萬穴爲之倒流
又不可得載已久而景移樂闋上悠然垂思曰嗟乎
余昔歲封泰山禪梁父以爲王者成功已纂終古嘗
覽前史至於周穆漢武豫遊寥闊亦所不取惟此西
嶽作鎮三輔非無意乎頃者猶恐百姓不足人所疾
苦未暇瘞斯玉帛考乃鐘鼓是以視嶽於諸侯錫神
以茅土豈唯壯設險於甸服報西成之農扈亦所以
感一念之精靈答應時之風雨者矣今茲冢宰庶尹
醇儒碩生僉曰黃帝顓頊乘龍遊乎四海發軔匝乎
六合竹帛有云得非古之聖君而泰華最爲難上故
封禪之事鬱沒罕聞以余在位發祥隕祉者焉可勝
紀而不得已遂建翠華之旗用塞雲臺之議矧乎殊

方奔走萬國皆至元元從助清廟獻歆也臣甫舞手
蹈足曰大哉爍乎真天子之表奉天爲子者已不然
何數千萬載獨繼軒轅氏之美彼七十二君又疇能
臻此蓋知明主聖罔不克正功罔不克成放百靈歸
華清

進鵬賦表

天寶三載

臣甫言臣之近代陵夷公侯之貴磨滅鼎銘之勳不
復照耀於明時自先君恕預以降奉儒守官未墜素
業矣亡祖故尙書膳部員外郎先臣審言修文於中
宗之朝高視於藏書之府故天下學士到于今而師
之臣幸賴先臣緒業自七歲所綴詩筆向四十載矣
約千有餘篇今賈馬之徒得排金門上玉堂者甚衆
矣唯臣衣不蓋體常寄食於人奔走不暇只恐轉死

溝壑安敢望仕進乎伏惟天子

文粹作明主

哀憐之明主

此二字無

儻使執先祖之故事拔泥塗之久辱則臣之

述作雖不足以鼓吹六經先鳴數子至於沈鬱頓挫
隨時敏捷而揚雄枚皋之流庶可跂及也有臣如此
陛下其舍諸伏惟明主哀憐之無令役役便至於衰
老也臣甫誠惶誠恐頓首頓首死罪死罪臣以爲鵬
者鷲鳥之殊特搏擊而不可當豈但壯觀於旌門發
狂於原隰引以爲類是大臣正色立朝之義也臣竊
重其有英雄之姿故作此賦實望以此達於聖聰矣
不揆蕪淺謹投延恩匭進表獻賦以聞謹言

鵬賦

當九秋之淒清見一鶚之直上以雄材爲己任橫殺
氣而獨往梢梢勁翮肅肅遺響杳不可追俊無留賞

彼何鄉之性命碎今日之指掌伊鷺鳥之累百敢同年而爭長此鵬之大略也若乃虞人之所得也必以氣稟元冥陰乘甲子河海蕩滂風雲亂起雪沍山陰冰纏樹死迷向背於八極絕飛走於萬里朝無以充腸夕違其所止頗愁呼而蹭蹬信求食而依倚用此時而椽杙待尤者而綱紀表狎羽而潛窺順雄姿之所擬剡捷來於森木固先繫於利觜解騰攫而竦神開網羅而有喜獻令文粹之課數備而已及乎閩隸受之也則擇其清質列在周垣揮拘攣之掣曳挫豪梗之飛翻識畋遊之所使登馬上而孤騫然後綴以珠飾呈於至尊搏風槍壘用壯旌門乘輿或幸別館獵平原寒蕪空闊霜仗喧繁觀其夾翠華而上下卷毛血之崩奔隨意氣而電落引塵沙而晝昏豁堵牆

之榮觀棄功效而不論斯亦足重也至如千年孽狐
三窟狡兔恃古塚之荆棘飽荒城之霜露迴惑我往
來趑趄我場圃雖有青骹戴角白鼻如匏蹙奔蹄而
俯臨飛迅翼而遐寓而料全於果見迫寧遽屢攬之
而穎脫便有若於神助是以嘒哮其音颯爽其慮續
下韞而繚繞尙沒跡而容與奮威逐北施巧無據方
蹉跎而就擒亦造次而難去一奇卒獲百勝昭著夙
昔多端蕭條何處斯又足稱也爾其鶻鶻鶻鶻之倫
莫益於物空生此身聯拳拾穗長大如人肉多奚有
味乃不珍輕鷹隼而自若託鴻鵠而爲鄰彼壯夫之
慷慨假強敵而逡巡拉先鳴之異者及將起而復粹文
端臻忽隔天路終辭水濱寧掩羣而盡取且快意而
驚新此又一時之俊也夫其降精於金立骨如鐵目

通於腦筋入於節架軒楹之上純漆光芒掣梁棟之間寒風凜冽雖趾躄千變林嶺萬穴擊叢薄之不開突杙朽而皆折又有觸邪之義也久而服勤是可吁畏必使烏攫之黨罷鈔盜而潛飛梟怪之羣想英靈而虛墜豈非虛陳其力叨竊其位等摩天而自安與槍榆而無事者矣故不見其用也則晨飛絕壑暮起長汀來雖自負去若無形置巢截巢養子青冥倏爾年歲茫然闕廷莫試鈎爪空迴斗星衆鷁儻割鮮於金殿此鳥已將老於巖局

天狗賦

并序

天寶中上冬幸華清宮甫因至獸坊怪天狗院列在諸獸院之上胡人云此其獸猛健一作捷無與比者甫壯而賦之尙恨其與凡獸相近

澹華清之莘莘漠漠而山殿戍削縹與天風崛乎迴
薄上揚雲旂兮下列猛獸夫何天狗嶙峋兮氣獨神
秀色似狻猊小如猿狖忽不樂雖萬夫不敢前兮非
胡人焉能知其去就向若鐵柱敵而金鑊斷兮事未
可救瞥流沙而歸月窟兮斯豈踰晝日食君之鮮肥
兮性剛簡而清瘦敏於一擲威解兩鬪終無自私必
不虛透嘗觀乎副君暇豫奉命于畋則蚩尤之倫已
脚渭戟涇提挈邱陵與南山周旋而慢圍者戮實禽
有所穿伊鷹隼之不制兮呵犬豹以相纏蹙乾坤之
翕習兮望麋鹿而飄然由是天狗捷來發自於左頓
六軍之蒼黃兮劈萬馬以超過材官未及唱野虞未
及和回髀矢與流星兮圍要害而俱破洎千蹄之迸
集兮始拗怒以相賀真雄姿之自異兮已歷塊而高

臥不愛力以許人兮能絕甘以爲大既而羣有噉咋
勢爭割據垂小亡而大傷兮翻投跡以來預劃雷殷
而有聲兮紛膽破而何遽似爪牙之便秃兮無魂魄
以自助各弭耳低徊閉目而去每歲天子騎白日御
東山百獸蹶蹙以皆從兮四猛乞銛銳乎其間夫靈
物固不合多兮胡役役隨此輩而往還惟昔西域之
遠致兮聖人爲之豁迎風虛露寒體蒼螭軋金盤初
一顧而雄材稱是兮召羣公與之俱觀宜其立闔闔
而吼紫微兮却妖孽而不得上千時駐君之玉輦兮
近奉君之渥歡使臭處而誰何兮備周垣而辛酸彼
用事之意然兮匪至尊之賞闡仰千門之峻嶒兮覺
行路之艱難懼精爽之衰落兮驚歲月之忽殫顧同
儕之甚少兮混非類以摧殘偶快意於校獵兮尤見

疑於躋捷此乃獨步受之於天兮孰知羣材之所不
接且置身之暴露兮遭縱觀之稠疊俗眼空多生涯
未愜吾君儻憶耳尖之有長毛兮寧久被斯人終日
馴狎已

唐興縣客館記

中興之四年王潛爲唐興宰修厥政事始自鰥寡惇
獨而和其封內非侮循循不畏險膚而行而一咨于
官屬于羣吏于衆庶曰邑中之政庶幾繕完矣惟賓
館上漏下溼吾人猶不堪其居以容四方賓賓其謂
我何改之重勞我其謂人何咸曰誕事至濟厥載則
達觀于大壯作之閑閑作之堂構以永圖崇高廣大
踰越傳舍通梁直走菟將墜壓素柱上承安若泰山
兩傍序開發洩霜露潛靚深矣步櫺複霽萬瓦在後

匪丹雘爲實疎達爲迴廊南注又爲覆廊以容介行人亦如正館制度小劣直左階而東封殖修竹茂樹挾右階于南環廊又注亦可以行步風雨不易謀而集事邑無妨工亦無匱財人不待子來定不待方中矣宿息井樹或相爲賓或與之毛天子之使至則曰邑有人焉某無以粟階州長之使至則曰某非敢賓也子無所用俎四方之使至則曰子貺某多矣敢辭贄或曰明府君之侈也何以爲人皆曰我公之爲人也何以侈子徒見賓館之近夫厚不知其私室之甚薄器物未備力取諸私室人民不知賦斂乃至於館之醯醢闕出於私廚使之乘駟闕辦於私廐君豈爲亭長乎是躬親也若館宇不修而觀臺榭是好賓至無所納其車我浩蕩無所措手足獲高枕乎其誰不

病吾人矣玼瑕忽生何以爲之是道也施舍不幾乎先覺矣杖之友朋歎曰美哉是館也成人不知人不怒廨署之福也府君之德也府君曰古有之也非吾有也余何能爲是亦前州府君崔公之命也余何能爲是自辛丑歲秋分大餘二小餘二千一百八十八杜氏之老記已

說旱

初中丞巖公節制
劍南日奉此說

周禮司巫若國大旱則率巫而舞雩傳曰龍見而雩謂建巳之月蒼龍宿之體昏見東方萬物待雨盛大故祭天遠爲百穀祈膏雨也今蜀自十月不雨月旅建卯非雩之時奈久旱何得非獄吏只知禁繫不知疎決怨氣積冤氣盛亦能致旱是何川澤之乾也塵霧之塞也行路皆菜色也田家其愁痛也自中丞下

車之初軍郡之致罷弊之俗已下手開濟矣百事冗
長者又以革削矣獨獄囚未聞處分豈次第未到爲
獄無濫繫者乎穀者百姓之本百役是出况冬麥黃
枯春種不入公誠能暫輟諸務親問囚徒除合死者
之外下筆盡放使囹圄一空必甘雨大降但怨氣消
則和氣應矣躬自疏決請以兩縣及府繫爲始管內
東西兩川各遣一使兼委刺史縣令對巡使同疏決
如兩縣及府等囚例處分衆人之望也隨時之義也
昔貞觀中歲大旱文皇帝親臨長安萬年二赤縣決
獄膏雨滂足卽岳鎮方面歲荒札皆連帥大臣之務
也不可忽凡今徵求無名數又耆老合侍者兩川侍
丁得異常丁乎不殊常丁賦斂是老男老女死日短
促也國有養老公遽遣吏存問其疾苦亦和氣合應

之義也時雨可降之徵也愚以為至仁之人常以正道應物天道遠去人不遠

畫馬贊

韓幹畫馬毫端有神驊騮老大驪褭清新魚目瘦腦龍文長身雪垂白肉風蹙蘭筋逸態蕭疎高驤縱恣四蹄雷電一日天地御者閑敏去何難易愚夫乘騎動必顛躓瞻彼駿骨實惟龍媒漢歌燕市已矣茫哉但見駑駘紛然往來良工惆悵落筆雄才

三萬里

穆天子傳飛兔驪褭日馳

雜述

杜子曰凡今之代用力為賢乎進賢為賢乎進賢賢乎則魯之張叔卿孔巢父二才士者聰明深察博辯闕大固必能伸於知己令聞不已任重致遠速於風

飈也是何面目薰黑常不得飯飽喫

一作飽

曾未如

富家奴茲敢望縞衣乘軒乎豈東之諸侯深拒於汝乎豈新令尹之人未汝之知也由天乎有命乎雖岑子薛子引知名之士月數十百填爾逆旅請誦詩浮名耳勉之哉勉之哉夫古之君子知天下之不可蓋也故下之知衆人之不可先也故後之嗟乎叔卿遣辭工於猛健放蕩似不能安排者以我爲聞人而已以我爲益友而已叔卿靜而思之嗟乎巢父執雌守常吾無所贈若矣泰山冥冥崒以高泗水潏潏瀕以清悠悠友生復何時會于王鎬之京載飲我濁酒載呼我爲兄

秋述

秋杜子臥病長安旅次多雨生魚青苔及榻常時車

馬之客舊雨來今雨不來昔襄陽龐德公至老不入
州府而揚子雲草元寂寞多爲後輩所褻近似之矣
嗚呼冠冕之窟名利卒卒雖朱門之塗泥土子不見
其泥矧抱疾窮巷之多泥乎子魏子獨蹠蹠然來汗
漫其僕夫夫又不假蓋不見我病色適與我神會我
棄物也四十無位子不以官遇我知我處順故也子
挺生者也無矜色無邪氣必見用則風后力牧是已
於文章則子游子夏是已無邪氣故也得正始故也
噫所不至於道者時或賦詩如曹劉談話及衛霍豈
少年壯志未息俊邁之機乎子魏子今年以進士調
選名隸東天官告余將行旣縫裳旣聚糧東人怵惕
筆札無敵謙謙君子若不得已知祿仕此始吾黨惡
乎無述而止

東西兩川說

聞西山漢兵食糧者四千人皆關輔山東勁卒多經
河隴幽朔教習慣於戰守人人可用兼羌堪戰子弟
向二萬人實足以備邊守險脫南蠻侵掠邛雅子弟
不能獨制但分漢勁卒助之不足撲滅是吐蕃馮陵
本自足支也權量西山邛雅兵馬卒叛援形勝明矣
頃三城失守罪在職司非兵之過也糧不足故也今
此輩見鬪兵馬使八州素歸心於其世襲刺史獨漢
卒自屬裨將主帥一作之竊恐備吐蕃在羌漢兵小昵
而釁隙隨之矣况軍須不足茲吏減剝未已哉愚以
爲宜速擇偏裨主之主之勢明其號令一其刑賞申
其哀恤致其驩忻宜先自羗子弟始自漢兒易解人
意而優勸旬月大浹洽矣仍使兵羌各繫其部落刺

史得自教閱都受統於兵馬使更不得使八州都管
或在一羌王或都關一世襲刺史是羌之豪族發源
有遠近世封有豪家紛然聚藩落之議於中肆與奪
之權於外已然則備守之根危矣又何以藉其爲本
式遏雪嶺之西哉比羌族封王者初以拔城之功得
今城失矣襲王如故總統未已余諸董攘臂何王尹
之獄是矣由策嗣羌王關王氏舊親西董族最高怨
望之勢然矣誠於此時便宜聞上使各自統領不須
王區分易制然後都靜聽取別於兵馬使不益元戎
氣壯部落無語或縱一部落怨獲羣部落喜矣無爽
如此處分豈惟邛南不足憂八州之人願賈勇復取
三城不日矣幸急擇公所素諳明了將正色遣之獠
賊內編屬自久數擾背亦自久徒惱人耳憂慮蓋不

至大昨聞受鐵券爵祿隨之今聞已小動爲之奈何
若不先招諭也穀貴人愁春事又起緣邊耕種卽發
精卒討之甚易恐賊星散於窮谷深林節度兵馬但
驚動緣邊之人供給之外未見免劫掠而還賃其地
豪族兼有其地而轉富蜀之士肥無耕之地流冗之
輩近者交互其鄉村而已遠者漂寓諸州縣而已實
不離蜀也大抵祇與兼并豪家力田耳但鈞畝薄斂
則田不荒以此上供王命下安疲人可矣豪族轉安
是否非蜀仍禁豪族受賃罷人田管內最大誅求宜
約富家辦而貧家創痍已深矣今富兒非不緣子弟
職掌盡在節度衙府州縣官長手下哉村正里一作
見面不敢示文書取索非不知其家處獨知貧兒家
處兩川縣令刺史有權攝者須盡罷免苟得賢良不

在正授權在進退聞上而已

杜工部集卷第十九

杜工部集卷第二十目錄

策問文狀表碑誌十七首

乾元元年華州試進士策問五首

前殿中侍御史柳公紫微仙閣畫太一天尊圖
文

祭故相國清河房公文

爲遺補薦岑參狀

奉謝口勅放三司推問狀

爲華州郭使君進滅殘寇形勢圖狀

爲夔州柏都督謝上表

唐故德儀贈淑妃皇甫氏神道碑

唐故萬年縣京兆杜氏墓誌

唐故范陽太君盧氏墓誌

祭遠祖當陽君文

祭外祖祖母文

爲閩州王使君進論巴蜀安危表

杜工部集卷第二十目錄

杜工部集卷第二十

策問文狀表碑誌十七首

乾元元年華州試進士策問五首

問山林藪澤之地各以肥磽多少爲差故供甲兵士
徒之役府庫賜與之用給郊廟宗社之祀奉養祿食
之出辨乎名物存乎有司是謂公賦知歸地著不撓
者已今聖朝紹宣王中興之洪業于上庶尹備山甫
補袞之能事于下而東寇猶小梗率土未甚闕總彼
賦稅之獲盡贍軍旅之用是官御之舊典闕矣人神
之攸序乖矣欲使軍旅足食則賦稅未能充備矣欲
將誅求不時則黎元轉罹于疾苦矣子等以待問之
實知新之明觀志氣之所存於應對乎何有佇渴救
敝之通術願聞強學之所措意道在此矣得游說乎

問國有輶車廬有飲食古之按風俗遣使臣在王官之一守得馳傳而分命蓋地有要害郊有遠近供給之比省費相懸今茲華惟襟帶關逼輦轂行人受辭於朝夕使者相望於道路屬年歲無蓄積之虞職司有愁痛之歎况軍書未絕王命急宣插羽先翥於騰鷹敝帷不供於埋馬豈芻粟之勤獨爾實驂駢之價闕如人主之軫念屢及於茲邦伯之分憂何嘗敢怠乞恩難再近日已降水衡之錢積骨頗多無暇更入燕王之市欲使輶軒有喜主客合宜閭閻罷杼軸之嗟官吏得從容之計側佇新語當聞濟時

問通道陂澤隨山濬川經啓之理疏奠之術抑有可觀其來尚矣初聖人盡力溝洫有國作爲隄防洎後代控引淮海漕通涇渭因舟楫之利達倉庾之儲又

賴此而殷亦行之自久近者有司相土決彼支渠既
潰渭而亂河竟功多而事寢人實勞止岸乃善崩遂
使委輸之勤中道而棄今軍用蓋寡國儲未贍雖遠
方之粟大來而助挽之車不給是以國朝仗彼天使
徵茲水工議下淇園之竹更鑿商顏之井又恐煩費
居多績用莫立空荷成雲之插復擁填淤之泥若然
則舟車之用大小相妨矣軍國之食轉致或闕矣矧
夫人烟尙稀牛力不足者已子等飽隨時之要挺賓
王之資副乎求賢敷厥讜議

問足食足兵先哲雅誥蓋有兵無食是謂棄之致能
掉鞅靡旌斯可用矣况寇猶作梗兵不可去日聞將
軍之令親覩司馬之法關中之卒未息灞上之營何
遠近者鄭南訓練城下屯集瞻彼三千之徒有異什

一而稅竊見明發教以戰鬪亭午放其庸保課乃菽
麥以爲尋常夫悅以使人是能用古伊歲則云暮實
慮休止未卜及瓜之還交比翳桑之餓羣有司自救
不暇二子謂之何哉

問昔唐堯之爲君也則天之太敬授人時十六升自
唐侯者已昔帝舜之爲臣也舉禹之功克平水土三
十登爲天子者已本之以文思聰明加之以勞身焦
思旣睦九族協和萬邦黜去四凶舉十六相故五帝
之後傳載唐虞之美無得而稱焉易曰君子終日乾
乾詩曰文王小心翼翼竊觀古人之聖哲未有不以
君唱於上臣和於下致乎人和年豐成乎無爲而理
者也主上躬純孝之聖樹非常之功內則拳拳然事
親如有闕外則悻悻然求賢如不及伊百姓不知帝

力庶官但恭己而已寇孽未平咎徵之至數也倉廩未實物理之固然也今大軍虎步列國鶴立山東之諸將雲合淇上之捷書日至二三子議論引正詞氣高雅則遺褻盪滌之後聖朝砥礪之辰雖遭明主必致之於堯舜降及元輔必要之於稷禹驅蒼生於仁壽之域反淳樸於羲皇之上自古哲主立極大臣爲體眇然坦途利往何順子有說否庶復見子之志豈徒瑣瑣射策趨競一第哉頃之間孝廉取備尋常之對多忽經濟之體考諸詞學自有文章在東以徵事曷成凡例焉今愚之粗徵貴切時務而已夫時患錢輕以至於量資幣權子母代復改鑄或行乎前榆莢後契刀當此之際百姓蒙利厚薄何人所制輕重又穀者所以阜俗康時聚人守位者也下至十室之邑

必有千鍾之藏苟凶穰以之貴賤失度雖封丞相而猶困侯大農而謂何是以繼絕表微無或區分踰越蒙實不敏仁遠乎哉

前殿中侍御史柳公紫微仙閣畫太一天尊圖

文

石鼈老放神乎始清之天遊目乎浩劫之家泠泠然馭乎風熙熙然登乎臺進而俯乎寒林退而極乎延閣見龍虎日月之君亘于疎梁塞于高壁骨者鬣者哲者黜者視遇之間若寇嚴敵者已伊四司五帝天之徒青節崇然綠輿駢然仙官洎鬼官無央數衆陽者近陰者遠俱浮空不定目所向如一蓋知北闕帝君之尊端拱侍衛之內於天上最貴矣已而左元之屬吏三洞弟子某進曰經始續事前柱下史河東柳

涉職是樹善損於而家憂於而國剝私室之匱渴蒸
人之安志所至也請梗槩帝君救護之慈朝拜之功
曰若人存思我主籙生之根死之門我則制伏妖之
興毒之騰凡今之人反側未濟柳氏柱史也立乎老
君之後獲隱嘿乎忍塗炭乎先生與道而遊與學而
遊可上以昭太一之威神于下下以昭柱史之告訴
于上玉京之用事也率土之發祥也惡乎寢而庸詎
仰而先生藐然若往頽然而止曰噫夫鳥亂於雲魚
亂於河獸亂於山是畢弋鈞罟削格之智生是機變
邀退攫拾之智極故自黃帝已下干戈崢嶸流血不
乾骨蔽平原乖氣橫放凜風不返雖書載蠻夷率服
詩稱徐方大來許其慕中夏與夫容成中央氏尊盧
氏輩結繩而已百姓至死不相往來茲茂德困矣矧

賢主趣之而不及庸主聞之而不曉浩穰崩蹙數千
古哉至使世之仁者蒿目而憂世之患有是夫今聖
主誅干紀康大業物尙疵癘戰爭未息必揆當時之
變日慎一日衆之所惡與之惡衆之所善與之善勅
有司寬政去禁問疾薄斂修其土田險其走集以此
馭賊臣惡子自然百祥攻百異有漸天下洵洵何其
撓哉已登乎種種之民舍夫噶噶之意是巍巍乎北
闕帝君者肯不乘道腴卷黑簿詔北斗削死南斗注
生與夫圓首方足施及乎蠢蠕之蟲肖翹之物盡驅
之更始何病乎不得如昔在太宗之時哉石鼈老畢
辭三洞弟子某又某靜如得動如失久而却走不敢
貳問

祭故相國清河房公文

維唐廣德元年歲次癸卯九月辛丑朔二十二日壬戌京兆杜甫敬以醴酒茶藕蓴鯽之奠奉祭故相國清河房公之靈曰嗚呼純朴既散聖人又歿苟非大賢孰奉天秩唐始受命羣公間出君臣和同德教克溢魏杜行之夫何畫一婁宋繼之不墜故實百餘年間見有輔弼及公入相紀綱已失將帥干紀烟塵犯闕王風寢頓神器圯裂關輔蕭條乘輿播越太子卽位揖讓倉卒小臣用權尊貴倏忽公實匡救忘餐奮發累抗直詞空聞泣血時遭侵沴國有征伐車駕還京朝廷就列盜本乘弊誅終不滅高義沈埋赤心蕩析貶官厭路讒口到骨致君之誠在困彌切天道闊遠元精茫昧偶生賢達不必濟會明明我公可去時代賈誼慟哭雖多顛沛仲尼旅人自有遺愛二聖崩

日長號荒外後事所委不在臥內因循寢疾憔悴無
 悔死矢泉塗激揚風槩天柱既折安仰翊戴地維則
 絕安放夾載豈無羣彥我心忉忉不見君子逝水滔
 滔泄涕寒谷吞聲賊壕有車爰送有紼爰操撫墳日
 落脫劍秋高我公戒子無作爾勞斂以素帛付諸蓬
 蒿身瘞萬里家無一毫數子哀過他人鬱陶水漿不
 入日月其惛州府救喪一二而已自古所歎罕聞知
 己曩者書札望公再起今來禮數爲態至此先帝松
 柏故鄉枌梓靈之忠孝氣則依倚拾遺補闕視君所
 履公初罷印人實切齒甫也備位此官蓋薄劣耳見
 時危急敢愛生死君何不聞刑欲加矣伏奏無成終
 身愧恥乾坤慘慘豺虎紛紛蒼生破碎諸將功勳城
 邑自守鼙鼓相聞山東雖定灞上多軍憂恨展轉傷

痛氤氲元豈正色白亦不分培塿滿地崑崙無羣致
祭者酒陳情者文何當旅櫬得出江雲嗚呼哀哉尙
饗

爲遺補薦岑參狀

宣議郎試大理評事攝監察御史賜緋魚袋岑參右
臣等竊見岑參識度清遠議論雅正佳名早立時輩
所仰今諫諍之路大開獻替之官未備恭惟近侍實
藉茂材臣等謹詣閣門奉狀陳薦以聞伏聽進止

至德二載六月十三日左拾遺內供奉臣裴薦等狀

右拾遺內供奉臣孟昌浩

右拾遺內供奉臣魏齊聃

左拾遺內供奉臣杜甫

左補闕臣韋少遊

奉謝口勅放三司推問狀

右臣甫智識淺昧向所論事涉近激訐違忤聖旨既下有司具已舉劾甘從自棄就戮爲幸今日已時中書侍郎平章事張鎬奉宣口勅宜放推問知臣愚戇舍臣萬死曲成恩造再賜骸骨臣甫誠頑誠蔽死罪死罪臣以陷身賊庭憤惋成疾實從間道獲謁龍顏猾逆未除愁痛難過猥廁袞職願少裨補竊見房瑄以宰相子少自樹立晚爲醇儒有大臣體時論許瑄必位至公輔康濟元元陛下果委以樞密衆望甚允觀瑄之深念主憂義形於色况畫一保大素所蓄積者已而瑄性失於簡酷嗜鼓琴董庭蘭今之琴工遊瑄門下有日貧病之老依倚爲非瑄之愛惜人情一至於玷汙臣不自度量歎其功名未垂而志氣挫衄

覬望陛下棄細錄大所以冒死稱述何思慮始竟闕於再三陛下貸以仁慈憐其懇到不書狂狷之過復解網羅之急是古之深容直臣勸勉來者之意天下幸甚天下幸甚豈小臣獨蒙全軀就列待罪而已無任先懼後喜之至謹詣閣門進狀奉謝以聞謹進

進
至德二載六月一日宣議郎行左拾遺臣杜甫狀

為華州郭使君進滅殘寇形勢圖狀

右臣竊以逆賊束身檻中奔走無路尚假餘息蟻聚苟活之日久陛下猶覬其匍匐相率降款盡至廣務寬大之本用明惡殺之德故大軍雲合蔚然未進上以稽王師有征無戰之義下以成古先聖哲之用心茲事元遠非愚臣所測臣聞易載隨時不俟終日先

王之用刑也抑亦小者肆諸市朝大者陳諸原野今
殘孽雖窮蹙日甚自救不暇尙慮其逆帥望秋高馬
肥之便蓄突圍拒轍之謀大軍不可空勤轉輸之粟
諸將宜窮掎角之進頃者河北初收數州思明降表
繼至實爲平盧兵馬在賊左脅賊動靜乏利制不由
己則降附可知今大軍盡離河北逆黨意必寬縱若
萬一軼略河縣草竊秋成臣伏請平盧兵馬及許叔
冀等軍鄆州西北渡河先衝收魏或近軍志避實擊
虛之義也伏惟陛下圖之遣李銑殷仲卿孫青漢等
軍灑迤渡河佐之收其貝博賊之精銳撮在相魏衛
之州賊用仰魏而給賊若抽其銳卒渡河救魏博臣
則請朔方伊西北庭等軍渡沁水收相衛賊若迴戈
距我兩軍臣又請郭口祁縣等軍驀嵐馳屯據林慮

縣界候其形勢漸進又遣李廣琛魯炘等軍進渡河收黎陽臨河等縣相與出入犄角逐便撲滅則慶緒之首可翹足待之而已是亦恭行天罰豈在王師必無戰哉愚臣聞見淺狹承乏待罪未精慎固之守輕議擒縱之術抑臣之夢寐貴有裨補謹進前件圖如狀伏聽進止乾元元年七月日某官臣狀進

爲夔府柏都督謝上表

臣某言伏奉月日制授臣某官祇拜休命內顧殞越策駑馬之力冒累踐之寵自數勳力萬無一稱再三怵惕流汗至踵謹以某月日到任上訖臣某誠戰誠懼頓首頓首死罪死罪伏以陛下君父任使之久掩臣子不逮之過就其小効復分深憂察臣劍南區區恐失臣節如彼加臣頻煩階級鎮守要衝如此勉勵

疲鈍伏揚陛下之聖德愛惜陛下之百姓先之以簡
易間之以樂業均之以賦斂終之以敦勸然後畢禁
將士之暴宏洽主客之宜示以刑典難犯之科寬以
困窮計無所出哀今之人庶古之道內救惇獨外攘
師寇上報君父曲盡庸拙之分下循臣子勤補失墜
之目灰粉骸骨以備守官伏惟恩慈胡忍容易愚臣
之願也明主之望也限以所領未遑謁對無任兢灼
之極謹遣某官奉表陳謝以聞臣誠喜誠懼死罪死
罪

唐故德儀贈淑妃皇甫氏神道碑

后妃之制古矣而軒轅氏帝嚳氏次妃之跡最有可
稱存乎舊史然則其義隱其文略周禮王者內職大
備而陰教宣詩人關雎風化之始樂得淑女蓋所以

教本古訓發皇婦道居具燕寢之儀動有環珮之節
進賢才以輔佐君子不淫色以取媚閨房雖彤管之
地功過必紀而金屋之寵流宕一揆稽女史之華實
嗣嬪則之清高亦時有其人偉夫精選淑妃諱字一作

某姓皇甫氏其先安定人也唯离封商於赫有光伊

元祖樹德於今不忘必宋之子莫之與比伊清風繼
代惠此餘美夫其系緒蕃衍紱冕所興列爲公侯古
有皇父充石則其宗可知也夫其體元消息經術之
美刊正帝圖中有元晏先生則其家可知矣嗟乎我
有奕葉承權輿矣我有徽猷展肅雍矣積羣王之氣
自對白虹之天生五色之毛不離丹鳳之穴曾祖烜
皇朝宋州刺史祖粹皇朝越州刺史都督諸軍事父
日休皇朝左監門衛副率妃則副率府君之元女也

粵在襁褓體如冰雪氣象受於天和詩禮傳乎胎教
 故列我開元神武之嬪御者豈易其容止法度哉今
 上昔在春宮之日詔詰良家女擇視可否充備淑哲
 太妃以內秉純一外資沈靜明珠在蚌水月鮮白美
 玉處石崖岸津潤結襦而金印相輝同輦而翠旗交
 影由是恩加婉順品列德儀雖掖庭三千爵秩十四
 掩六宮以取俊超羣女以見賢豈渥澤之不流曾是
 不敢以露才揚己卑以自牧而已夫如是言足以厚
 人倫化風俗彌縫坤載之失夾輔元亨之求嗚呼彼
 蒼也常與善何有初也不久好奈何况妃亦既遘疾
 怙如慮往上以之服事最舊佳人難得送藥必經于
 御手見寢始迴于天步月氏使者空說返魂之香漢
 帝夫人終痛歸來之像以開元二十三年歲次乙亥

十月癸未朔薨于東京某宮院春秋四十有二嗚呼
哀哉望景向夕澄華微陰風驚碧樹霧重青岑天子
悼履綦之蕪絕惜脂粉之凝冷下麟鳳之銀床到梧
桐之金井嗚呼哀哉厥初權殯于崇政里之公宅後
詔以某月二十七日己酉卜葬於河南縣龍門之西
北原禮也制曰故德儀皇甫氏贊道中壺肅事後庭
孰云疾疢奄見凋落永言懿範用愴于懷宜登四妃
之列式旌六行之美可冊贈淑妃喪事所須並宜官
供河南尹李適之充使監護非夫清門華冑積行累
功序于王者之有始有卒介于嬪御之不僭不濫是
何存榮歿哀視有遇之多也有子曰鄂王諱瑤兼太
子太保使持節幽州大都督事有故在疚而卒豈無
樂國今也則亡匪降自天云何吁矣有女曰臨晉公

主出降代國長公主子滎陽潛曜官曰光祿卿爵曰
駙馬都尉昔王儉以公主恩尚帝女爲滎何晏兼關
內侯是亦晉朝歸美公主禮承於訓孝自於心霜露
之感形於顏色享祀之數缺於灑掃嘗戚然謂左右
曰自我之西歲陽載紀彼都之外道里遐絕聖慈有
蓬萊之深異縣有松檟之阻思欲輕舉安得黃鵠未
議巡豫徒瞻白雲望闕塞之風烟尋常涕泗懷伊川
之陵谷恐懼遷移於是下教邑司爰度碑版甫忝鄭
莊之賓客遊竇主之園林以白頭之嵇阮豈獨步於
崔蔡而野老何知斯文見託公子泛愛壯心未已不
論官闕游夏入文學之科兼敘哀傷顏謝有后妃之
誄銘曰

積氣之清積陰之靈漢曲迴月高堂麗星驚濤洶洶

過雨冥冥洗滌蒼翠誕生娉婷其一婉彼柔惠迥然開

爽綢繆之故昔在明兩恩渥未渝康哉大往展如之

媛孰與爭長其二珩珮是加輦褕克備先德後色累功

居位壹儀孔修宮教咸遂王于獎飾禮亦尊異其三小

苑春深離宮夜逼花間度月同輦未歸池畔臨風焚

香不息嗚呼變化惠好終極四馮相視稜太史書氛

藏舟晦色逝水寒文翠幄成彩金鑪罷燠燕趙一馬

瀟湘片雲五恍惚餘跡蒼茫具美王子國除匪他之

恥公主愁思永懷于彼日居月諸邱隴荆杞六巖巖

禹鑿瀾瀾伊川列樹拱矣豐碑缺然爰謀述作歛就

雕鐫金石照地蛟龍下天七少室東立繚垣西走佛

寺在前宮橋在後維山有麓與碑不朽維水有源與

詞永久八

唐故萬年縣君京兆杜氏墓誌

甫以世之錄行跡示將來者多矣大抵家人賄賂詞
客阿諛真僞百端波瀾一揆夫載筆光芒於金石作
程通達於神明立德不孤揚名歸實可以發皇內則
標格女史竊見於萬年縣君得之矣其先系統於伊
祁分姓於唐杜吾祖也我知之遠自周室迄於聖代
傳之以仁義禮智信列之以公侯伯子男春秋傳云
穆叔謂之世祿其在茲乎曾祖某隋河內郡司功獲
嘉縣令王父某皇監察御史洛州鞏縣令前朝咸以
士林取貴宰邑成名考某修文館學士尚書膳部員
外郎天下之人謂之才子兄升國史有傳縉紳之士
誅爲孝童故美玉多出於崑山明珠必傳於江海蓋
縣君受中和之氣成肅雍之德其來尚矣作配君子

實惟好仇河東裴君諱榮期見任濟王府錄事參軍
入在清通同行領袖素髮相敬朱紱有光縣君既早
習于家風以陰教爲己任執婦道而純一與禮法而
始終可得聞也昔舅歿姑老承順顏色侍歷年之寢
疾力不暇於須臾苟便於人皆在於手淚積而形骸
奪氣憂深而巾櫛生塵尊卑之道然固出自於天性
孝養哀送名流稱仰允所謂能循法度則可以承先
祖供給祭祀矣維其矜莊門戶節制差服功成則運
有若四時物或猶乖匪踰終日黼畫組就之事割烹
煎和之宜規矩數及於親姻脫落頗盈於歲序若其
先人後己上下敦睦懸罄知歸揖讓惟久在嫂叔則
有謝氏光小郎之才於娣姒則有鍾琰洽介婦之德
周給不礙於親踈泛愛無擇於良賤至於星霜伏臘

軒騎歸寧慈母每謂於飛來幼童亦生乎感悅加以
詩書潤業導誘爲心過悔吝於未萌驗是非於往事
內則致諸子於無過之地外則使他人見賢而思齊
爰自十載已還默契一乘之理絕葷血於禪味混出
處於度門喻筏之文字不遺開卷而音義皆達母儀
用事家相遵行矣至於膳食滑甘之美鞞結縫線之
難展轉忽微欲參謀而縣解指麾補合猶取則於垂
成其積行累功不爲薰修所住著有如此者靈山鎮
地長吐烟雲德水連天自浮星象則其看心定惠豈
近於揚摧者哉越天寶元年某月八日終堂于東京
仁風里春秋若干示諸生滅相越六月二十九日遷
殯于河南縣平樂鄉之原禮也嗚呼哀哉琴瑟罷聲
蘋蘩晦色骨肉號兮天地感中外痛兮鬼神惻有長

子曰朝列次朝英北海郡壽光尉次朝牧女長適獨
孤氏次閻氏皆稟自胎教成於妙年厥初寢疾也唯
長子長女在側英牧或以遊以宦莫獲同曾氏之元
申號而不哭傷斷鄰里悠哉少女未始聞哀又足酸
鼻嗚呼縣君有語曰可以褐衣斂吾起塔而葬裴公
自以從大夫之後成縣君之榮愛禮實深遺意蓋闕
但褐衣在斂而幽隧爰封其所廡飾咸遵儉素怨茲
邑號未降天書各有司存成之不日嗚呼哀哉有兄
子曰甫制服於斯紀德於斯刻石於斯或曰豈孝童
之猶子歟奚孝義之勤若此甫泣而對曰非敢當是
也亦爲報也甫昔臥病於我諸姑姑之子又病間女
巫至曰處楹之東南隅者吉姑遂易子之地以安我
我是用存而姑之子卒後乃知之於走使甫嘗有說

於人客將出涕感者久之相與定謚曰義君子以爲魯義姑者遇暴客於郊抱其所攜棄其所抱以割私愛縣君有焉是以舉茲一隅昭彼百行銘而不韻蓋情至無文其詞曰

嗚呼有唐義姑京兆杜氏之墓

唐故范陽太君盧氏墓誌

五代祖柔隋吏部尚書容城侯大父元懿是渭南尉父元哲是廬州慎縣丞維天寶三載五月五日故修文館學士著作郎京兆杜府君諱某之繼室范陽縣太君盧氏卒於陳留郡之私第春秋六十有九嗚呼以其載八月旬有一日發引歸葬於河南之偃師以是月三十日庚申將入著作之大塋在縣首陽之東原我太君用甲之穴禮也墳南去大道百二十步奇

三尺北去首陽山二里凡塗車芻靈設熬置銘之名物加庶人一等蓋遵儉素之遺意塋內西北去府君墓二十四步則壬甲可知矣遣奠之祭畢一回家相進曰斯至止將欲啓府君之墓門安靈櫬於其右豈廡飾未具時不練歟前夫人薛氏之合葬也初太君令之諸子受之流俗難之太君易之今茲順壬取甲又遺意焉嗚呼孝哉孤子登號如嬰兒視無人色且左右僕妾洎廝役之賤皆蓬首灰心嗚呼流涕寧或一哀所感片善不忘而已哉實惟太君積德以常臨下以恕如地之厚縱天之和運陰教之名數秉女儀之漂格嗚呼得非太公之後必齊之姜乎薛氏所生子適曰某故朝議大夫兗州司馬次曰升幼卒報復父讎國史有傳次曰專歷開封尉先是不祿息女長

適鉅鹿魏上瑜蜀縣丞次適河東裴榮期濟王府錄
事次適范陽盧正均平陽郡司倉參軍嗚呼三家之
女又皆前卒而某等夙遭內艱有長自太君之手者
至於婚姻之禮則盡是太君主之慈恩穆如人或不
知者咸以爲盧氏之腹生也然則某等亦不無平津
孝謹之名於當世矣登卽太君所生前任武康尉二
女曰適京兆王佑任硤石尉曰適會稽賀撫卒常熟
主簿其往也旣哭成位有若冢婦同郡盧氏介婦榮
陽鄭氏鉅鹿魏氏京兆王氏女通諸孫子三十人內
宗外宗寢以疎闊者或元纁玉帛自他至若以爲杜
氏之葬近於體而可觀而家人亦不敢以時繼年式
志之金石銘曰

太君之子朝儀所尊貴因長子澤就私門毫邑之都

終天之地享年不永歿而猶視

祭遠祖當陽君文

維開元二十九年歲次辛巳月日十三葉孫甫謹以
寒食之奠敢昭告于先祖晉駙馬都尉鎮南大將軍
當陽成侯之靈初陶唐出自伊祁聖人之後世食舊
德降及武庫應乎虬精恭聞淵深罕得窺測勇功是
立智名克彰繕甲江陵浸清東吳建侯于荆邦于南
土河水活活造舟爲梁洪濤莽汜未始騰毒春秋主
解橐隸躬親嗚呼筆跡流宕何人蒼蒼孤墳獨出高
頂靜思骨肉悲憤心曾峻極于天神有所降不毛之
地儉乃孔昭取象邢山全模祭仲多藏之誠焯序前
文小子築室首陽之下不敢忘本不敢違仁庶刻豐
石樹此大道論次昭穆載揚顯號于以采蘩于彼中

園誰其尸之有齊列孫嗚呼敢告茲辰以永薄祭尙饗

祭外祖祖母文

維年月日外孫滎陽鄭宏之京兆杜甫謹以寒食庶羞之奠敢昭告于外王父母之靈嗚呼外氏當房祭祀無主伯道何罪元陽誰撫緬惟夙昔追思艱窶當太后秉柄內宗如縷紀國則夫人之門舒國則府君之外父聿以生居貴戚釁結狂豎雌伏單棲雄鳴折羽憂心惓惓獨行踽踽悲夫景分飛忽間于鳳皇咄彼讒人有詞異於鸚鵡初我父王之遭禍我母妃之下室深徃殊塗酷吏同律夫人於是布裙屣屨提餉潛出昊天不傭退藏于密久成凋瘵溘至終畢蓋乃事存于義陽之誅名播于燕公之筆嗚呼哀哉宏之

等從母昆弟兩家因依弱歲俱若慈顏永違豈無世
親不如所愛豈無舅氏不知所歸誓以徧往測戀光
輝漸漬相勛居諸造微幸遇聖主願發清機以顯內
外何當奮飛洛城之北邙山之曲列樹風烟寒泉珠
玉千秋古道王孫去兮不歸三月晴天春草萋兮增
綠頃物將牽累事未遂欲使淚流頓盡血下相續者
矣捧奠遲迴炯心依屬庶多載之灑掃循茲辰之軌

一作躅

爲閬州王使君進論巴蜀安危表

臣某言伏自陛下平山東收燕薊泊海隅萬里百姓
感動喜王業再康瘡痍蘇息陛下明聖社稷之靈以
至於此然河南河北貢賦未入江淮轉輸異於曩時
唯獨劍南自用兵已來稅斂則殷部領不絕瓊林諸

庫仰給最多是蜀之土地膏腴物產繁富足以供王命也近者賊臣惡子頻有亂常巴蜀之人橫被煩費猶相勸勉充備百役不敢怨嗟吐蕃今下松維等州成都已不安矣楊琳師再脅普合顆顆兩川不得相救百姓騷動未知所裁况臣本州山南所管初置節度庶事草創豈暇力及東西兩川矣伏願陛下聽政之餘料巴蜀之理亂審救援之得失定兩川之異同問分管之可否度長計大速以親賢出鎮哀罷人以安反仄犬戎侵軼羣盜窺伺庶可遏矣而三蜀天府也徵取萬計陛下忍坐見其狼狽哉不卽爲之臣竊恐蠻夷得恣屠割耳實爲陛下有所痛惜必以親王委之節鉞此古之維城盤石之義明矣陛下何疑哉在近擇親賢加以醇厚明哲之老爲之師傅則萬無

覆敗之跡又何疑焉其次付重臣舊德智略經久舉
事允愜不隕穫于蒼黃之際臨危制變之明者觀其
樹勲庸於當時扶泥塗於已墜整頓理體竭露臣節
必見方面小康也今梁州旣置節度與成都足以久
遠相應矣東川更分管數州於內幕府取給破弊滋
甚若兵馬悉付西川梁州益坦爲聲援是重斂之下
免至多門西南之人有活望矣必以戰伐未息勢資
多軍應須遣朝廷任使舊人授之使節留後之寄綿
歷歲時非所以塞衆望也臣於所守封界連接梓州
正可爲成都東鄙其中別作法度亦不足成要害哉
徒擾人矣伏惟明主裁之又天下徵收赦文減省軍
用外諸色雜賦名目伏願損之又損之劍南諸州亦
困而復振矣將相之任內外交遷西川分壺以仗賢

俊愚特望以親王總戎者意在根固流長國家萬代之利也敢輕易而言次請慎擇重臣亦願任使舊人鎮撫不缺借如犬戎俶擾臣素知之臣之兄承訓自沒蕃已來長望生還僞親信于贊普探其深意意者報復摩彌青海之役決矣同謀誓衆於前後沒落之徒曲成翻動陰合應接積有歲時每漢使回蕃使至帛書隱語累嘗懇論臣皆封進上聞屢達臣兄承訓憂國家緣邊之急願亦勤矣况臣本隨兄在蜀向二十年兄既辱身蠻夷相見無日臣比未忍離蜀者望足消息時通所以戮力邊隅累踐班秩補拙之分淺待罪之日深蜀之安危敢竭聞見臣子之義貴有所盡於君親愚臣迂闊之說萬一少裨聖慮遠人之福也愚臣之幸也昨竊聞諸道路出吐蕃已來草竊岐

隴逼近咸陽似是之間憂憤隕迫益增尸祿寄重之
懼寤寐報効之懇謹冒死具巴蜀成敗形勢奉表以
聞

杜工部集卷第二十

珍傲宋版印

〇八匹八